

甲集

交通文藝集

寿尔



蕩平正直

徐世昌



一尉候於

東西合車

書於南北

恭元



通軟同大

交通叢報六十期紀念

朱溪題



民國八年九月

無遠弗届

張懷芝集鄭文公碑字題

交通四政超超日臻
能、茲編辭發信純
按綜斯博挾納彌神
鎔彼吹萬治為一春
甲子週天六十經旬
洛師是貴燕雲商新
禪我秉政用資鏡甄
爰頌禱社文國無垠
交通業報社六十期
紀念

曾毓雋撰贈



日也紫鼓
歐步先也
三兮叶也
人太命不
顯報安受
書政俗也
現管衡派
寶知金玉

集毛公鼎字

權量



易身以月小周甲六
政翰君筆底格天
下同友恣探討鄉
邦發軔獨賢勞萬
言可待敵無白四國
能知辭有僞莫笑
秀才憂樂甚一腔
心事一揮毫

袁君澄明奇所輯交通雜誌六期
紀念版屬題為賦一律板中凡兩版款
并電四政各論純純十世處數十而
資力行半其字筆墨予德記湖路一應建
集多宜類二相屬今去沫全路四年已十年
軍固如君從無一日停於君力所多板併及
己未秋七月德和老人余筆康初稿



錫山心力比愚公非實原非等
鑿空豈真全球慶既真馬同
今日變車同蕩平心直為時訓
積素潭前殿格工還賴龍門修
史筆表彰成績述初春

往來都使據東燕早復康莊
化險熾只赤金收九萬里教青
何止六千期文章生故步軒皇史
小雅由庚周代詩花甲綿在從此
始題詞即當祝延詞

交通叢報社六十期紀念徵詩

賦此敬

頌

易順鼎



功顯於國
追紀齋切
稱古匪者
樂成肅
曰德功言
可大可久
經世簡略
請訓羣吏

集釋山効石字 方仁元敬祝



步 護 簡 籟
 圖 贊 讓 淵
 我 徒 我 繼
 駟 駟 車 月
 兒 執 雀 車
 介 繼 駟 岸
 肉 乎 爾 樂
 孔 鼎 喜 猷

集石鼓字撰句致祝蔡傳全



明 文 通 啟

申 湘

李國驥

錢世祿

交 李大瑩

蕭日昌

通 施肇祥 等敬祝

韋以猷

部 李壯懷

陳登高

陳劭余

曹 璜

國出軌範

交 通 學 校

彭 燧
趙 光 國
陶 學 成
彭 雲 伯
皮 方 中
王 竟 成
黃 權

等敬祝

國務龔總理題詞

德速置郵富強之淵發揮光大實賴文言猶歟叢報經緯四政專治國聞用前民聽託始紀
元條六十期增刊鉅冊滯染淋漓廣義博文提要記事蕭選宏侈東萊明備飛車戾天肇基
奇肱儲金之積寸壤高陵遠紹旁搜集思廣益攻錯有資昇我尺璧舊事罔遺新獲方迺張
斯紀念以佐告猷如風四馳如日方永敬摛吉詞藉志歡幸

交通曾總長題詞

交通四政趨起日臻航航茲編辭發指純摻綜斯博抉納淵神鎔彼吹萬冶爲一春甲子淵
天六十經旬洛紙足貴燕雲裔新裨我秉政川資鏡甄爰頌禩祉文圃無垠

農商田總長題詞

淪愚灌智實賴交通福民利國車書大同置郵傳命瞬息千里方軌雲幢軼英駕美嶄新飛
航追風逐轡凡此新政厥澤龐鴻暢懋民德遂演事功事則有紀紀必貴工陳腐滌棄菁英
斯叢貴報皇皇灌輸利器論載無偏科舉條肄開陳布新燦然美備經世有文用昭來禩

湖南張督軍題詞

茫茫大陸浩浩滄溟神驚八極福訝三靈萬國同風舟車所至電掣颯馳命傳郵置器宣四

政執典自司切今轅古富疆以之航空日新飛行特起儲金川流挹注萬里中原進化志士
擊精湘中舊社遷於上京百二寶書千金呂覽鉅製鴻篇聞洽見殫八易寒暑會六十期如
披月旦如陳風詩世界交通道在乘勢利我邦家譜茲盛治

衆議院議長王揖唐君題詞

民生邦本厥首交通梯航所被文軌從同願言籌策實賴宗工樞機論政鉛槧程功出言有
章吐氣如虹聲施奕奕光燄熊熊八齡肇建四表聞風請自今始傳之無窮

國使館編纂洪亮君題詞

交通四政舊甯無歐美風規亦內輸製造故應拓奚仲超遙已莫說虛敏一周銀線虹纒繞
萬里雲羅雁不孤修志日來搜史料好憑雅集作良模

交通部秘書張緝光君題詞

大地搏搏羣雄逐逐橫緯縱經籌水懷陸傑立中華雄據東亞夙富文明最先開化旣庶民
數復豐地利貧弱奚自交通未備爰有俊士起奮英思木鐸徇路輶軒陳詩揭藁南國遷館
上京清冷湘纈慷慨燕聲才足濟時文可經世萬國甄材百家獻藝路電搜奇郵航極變上
宏國猷下策商戰爲期六十有言萬千周甲甫屆鉤乙重編歐和始就滬議再開息兵休民

興業阜財益宏願力載揚華風富強之業文字之功

交通部路政司長黃贊熙君題詞

國有四政路電航郵四政失一國迺危亡在昔明達規仿鄰邦鑰愚啓銅善善從長亦越於今綱舉目張庶幾修明炳炳琅琅軼歐駕美國以富強鴻社識洞券泐斯報屏棄羣腐收攬衆妙爲國喉舌爲民引導建始八齡風聞九隕傳之無窮光遠有耀

交通部技監沈琪君題詞

茫茫九服合生所躅初用獐豕藏智於腹舟車肇興大啓川陸山變而通古鄙今繆惟此交通功參神禹鐵甲帆風飛輪跨雨象外求音空中傳語妙蹟畢宣鴻文斯舉西哲有言說國在報尺幅未窮八埏已照窺天之險測地之奧炳炳麟麟提綱挈要曰精益精應有盡有凡在吾儕幸毋自囿萬里馳觀一編在手羲娥曷終茲報不朽

交通部交通月刊編輯處題詞

讜言崇海內文軌萬方同大陸奔雷電重洋破颶風憑虛懷列子縮地做靈公新法輸歐美能參造化功

交通部育才科長劉成志君題詞

世界日進文明則交通事業亦日臻美備然科學發明日新月異其紀載亦極繁曠非分類而編輯之則不能蔚然而成鉅製且無以引人之興趣而使之咸適於用交通叢報社主人有見於此爰博搜載籍徵引遺聞凡關於交通事業靡不悉載自民國元年出版於今值六十期滿主人擬增刊交通文藝集交通大事記航空要政談郵政儲金錄各一冊余維著述簡編盛業也庸進文明宏願也吾國交通事業日見擴張是書之餉饋學子其功誠非淺鮮爾

交通部出納科長葉瑞茶君題詞

坤輿廣漠道阻且長繩幽鑿險山海梯航郵傳神速電騁雲翔煌煌四政紀載難詳厥惟偉
箸示我周行包羅宏富採擇精良筆凌霄漢紙貴洛陽灌輸智識文軌津梁數週甲子撰述
盈箱風行遐邇發展無疆

交通部出納科集功贊君題詞

繫扶輿之磅礴具造化於天工賴智作而巧述躋寰宇於棣通惟運用之神妙孰啓牖夫顯
蒙矧羣言之淆雜或蔽塞夫明聰有鴻編其傑出足發曠而振聾本扶輪之妙手闡文軌於
大同既蜚英而騰茂更肆外以閱中將循環於甲子與交通並壽以無窮

交通部統計副科長權國垣君題詞集選

振冠南嶽曹子建王仲宣誄采撫羣言孔安國尚書序荷適事陸士衡連珠恣意所存揚子雲解嘲因勢合變班固

賓吐故納新夏侯孝若東如彼芳樹屈原文藏器在身陸士衡連珠身窮志達曹子建王茂績

維嘉潘安仁揚州誄防微慮遠張茂先女史箴憂世忘家曹子建王仲宣誄乃眷北顧潘安仁夏侯常侍誄布教京畿陸公石

闕昭章雲漢王元長三月三日曲水詩序散璞發暉潘安仁揚州誄風氣所宜孔安國尚書序立言必雅任昉王憲集序文功

若泰山揚子雲解嘲譽滿天下沈休文齊故安昭王碑文舟車不通司馬長卿難蜀父老言中而發顏延年陶微士誄慨然有

懷夏侯孝若東志華日月顏延年祭微士誄敷暢厥旨孔安國尚書序三年於茲司馬長卿難蜀父老依續託寓司馬

文封禪風以動之卜子夏求之明據仲宣誄王仲宣誄為世作程陸佐公新刻海銘鄙人固陋司馬長卿遠

屬荆衡張孟陽劍閣銘

交通部路政司申湘君題詞

開導同胞自有方卷中字字示周行他年路網編成日始信吹噓賴報章

七載汝南月且評毛錐紀錄費經營從今努力千秋業莫畏前途萬里程

交通部總務廳鄧一鶴君題詞

潮流促我日維新首重交通陸四隣地走龍蛇鑪鑄鐵天連蚯蚓綫飛銀浮沉豈任洪喬誤

深淺惟憑貨狄巡六十書成成近史相期大雅共扶輪

路電郵航各有書頻年著述樂何如星沙舊本堪徵始日下新編敢忽諸萬國虎鷹羅紀載
一家鷓蚌足欷歔斯文幸得風雷助計月觀成願不虛

交通部路政司歐陽啓焯君題詞

同軌寰球合轍先進縷晰條分營營四政製巨鴻編交通之幸今六十期爲叢報慶宏我漢
京藉滋參證以擴交通匪惟輸送文化灌輸賴茲孟晉

京漢綏鐵路局長丁士源君題詞

有客有客談交通車書萬國趨大同西海之西東海東南北兩極環當中一葦可航波萬重
奔雷激霆盤蒼穹消息不藉鱗與鴻銅山遙遙應洛鐘擬燭六府達四聰一一記載開愚朦
我跨武勝登庸作賦不見左太冲快覽斯編心膽雄朗若列宿羅當胸况復要政蒐航空
南針導我欣從公邊塞風雲來滿蒙及今籌策非無功功在造化鑿洪濛甯止一官補致工
洛陽紙貴行如風莫然冊籍堆崇庸瑯嬛仙靈顏化童論齒勿驚花甲翁民國肇建與俱榮
鴻文盛業資擴充祝以萬歲三呼嵩傳之奕禩無終窮

京漢鐵路副局長水鈞韶君題詞

六十週遊星世界萬千花著佛前身羨君手控羲和轡驅馭風霆老斲輪
漢使曾傳鑿空談歸裝陸賈橐輕擔南金東箭儲材徧涉險何妨北極探

津浦鐵路局長徐世章君題詞

宏惟我國首啓文明舟車致遠郵置紀程富源內蘊羣利莫興西人後起乃導先聲覃思創
造慘澹經營我國步武視彼規型越五十年如戶啓局交通四政爲國大經 鴻社建立寒
暑八更凡所搜輯擇詳語精經世文字裒然集成千齡萬歲永享令名

京奉鐵路局長徐廷爵君題詞

羲曜不停奎躔載更翳維叢報繼繼承承典重扶輪譚非炙輶世輻爲篇一爐並冶剛明物
質啓牖工商紀事明珠先導津梁躬茲六周著述宏富休哉盛哉以永終譽

京奉鐵路副局長鄭鴻年君題詩

行地江河絕厲流沿沿理論日尋摛從今發展交通業信有津梁作壯游
叢譚可補考工制流覽還同記事珠入手一編家一集應知紙價洛陽殊

滬寧鐵路局長任傳榜君題詞

交通叢報社六十期紀念之辰謹以詞頌之日光岳肇分交通首啓太古源流莫窮書契丹

楫馬牛漸稱繼世制度猶踈渺無統系閱千百年河山長滯水陸從衡音書迢遞天牖神洲
大開海禁萬里重瀛汽船遙迎極日平原颯輪飛競鐵線架空電音四逆佐以航空益弘郵
政凡此創制日就月將不事紀纂良法奚彰不求沿革進步難望卓哉叢報起自湖湘搜羅
美富編訂精詳北移京邑紙貴萬方維今事業日以新奇纂述之責日以夥蹟形上彤下富
彊是期事實之母言論其機先河之導後起之師文章不朽永古淋漓

湘鄂鐵路副局長吳希曾君題詞

扶輿搏搏塊塤無垠萬國競勝大業日新東方病夫胡瘁不仁假無和緩維與回春偉哉叢
報鐸振邇人交通利病罔不具陳路郵航電縷晰條分燭照數計如犀燃溫近圍航空前無
比倫名論傳播五族共珍溯從發軔大雅不羣歷時五稔四極流芬篤實輝光炳炳麟麟樹
立宏達利國福民啓淪聰靈導平均仁言利溥天合彌綸載瞻禹甸同軌同文千秋萬禩
海嶽銘勛

株萍鐵路局長唐德萱君題詞

在昔元后自詡亶聰四千年來故步自封國政日敝民智日窮海禁旣弛四隣爭雄商旅輻
輳其勢洶洶山川精萃搜括幾空朔野恐怖莫知所從憂時之士血涕飛紅重洋遠渡探政

觀風謀及富庶始策交通主權恢復功媿華嵩槎浮天塹輪渡鸞叢郵電繼之無遠弗通民
生國計兩起衰癘共和而後文軌大同交通政紐如日方中不有述者疇闡厥功偉哉袁子
藝苑英雄創設叢報言論折衷編年紀事萬象陶鎔史派之別報社之宗五載纂輯取精川
宏瓊林禱頌響徹亞東飛箋遙祝愧我疏慵千秋箸述藻火笙鏞往者以著來者可風不朽
盛業是謂良工

前湖南鐵路局長文斐君題詞

天新宙合世進大同二曜所被無界無垠維我禹域文化先聲末世秕政日卽疲癯民國建
立百度維新航空潛海政尙交通誰發其鑰孰指其針皇皇叢報警世之鐘提挈社會灌輸
文明初元墮地石破天驚周行示我大地回春數符花甲途歷艱辛不脛而走有觸皆通前
程遼遠願澈初衷於億萬載共仰高文

直蒙電政監督北京電報局長厲藻青君題詞

誠詭神奇豈寓言驚看舌底有瀾翻風行天下真無敵猶憶初編正紀元
環海車輪稱大同而今世界闢鴻濛騰空沉海多神妙都在先生彩筆中
紀載居然見史才標新領異漫相猜銀河若有通航日盡可乘槎共往來

紀念欣逢六十期愧無椽筆爲題眉千秋萬歲蜚聲遠聊寫新詩當祝詞

電氣學校校長鄧子安君題詞

滿紙琳瑯六十期航空縮地恣瑰奇楚天啓筆文明軌燕市蜚聲絕妙詞振鐸麟書風盡靡
凌雲駿價日方滋龍門遺直千秋業推重生花筆一枝

司法部監獄司長王文豹君題詞

袁公手筆大如椽落紙雲煙滿九天潤色交通生異彩搜羅宏富紀新元車書混一期他日
甲子循環閱數年更喜高談驚四座相逢共醉樂陶然

司法部參事湯鐵樵君題詞

警時適鐸秉機樞律呂週期數正符早喜三湘開筆路更欣一統肇車書史才端合追司馬
直筆今尤繼董狐願祝萬千無量壽報齡長此應嵩呼

教育部視學李寶圭君題詞

浚明先生主交通叢報社筆政匆匆六十期矣運五丁開山之手肩重甲周星之年
導啓大同心勞功偉月前以紀念箋屬題余珍之秘笈懸日未報所謂得意言得意
忘象非與茲補成一律川志欽忭

手揮鐵筆作津梁驅斥山川腕下忙銀漢乘槎侈博望玉壺縮地小長房須臾尉候通重譯
咫尺風雲會八方萬里車書看統一始知經世是文章

財政部泉幣司周果君集題詞

講藝立言顏延年
博史秉筆顏延年
類別羣分張茂洗品物咸秩謝靈運
大濬克明謝靈運
規周矩值謝靈運
妙識幾音顏延年
理宣其奧顏延年
超哉邈猗顏延年
側聞邦教顏延年
如電斯揮陸士龍
容光必照顏延年
朝夕論思班孟堅
潤色鴻業班孟堅
誰與盡言嵇叔夜
日月獻納班孟堅
論而錄之班孟堅
芳猷蘭秘顏延年

袁君浚明遊學東隣精研路學歸國後歷辦交通事業夙著能名更以公餘編纂交通叢
報風行海內發揚國光自出版迄今爲期六十歷時既久甄材更宏洵四政之津梁交通
之寶筏也爰集選句以作頌詞
民國八年九月長沙周果

內務部工本司萬樹芳君題詞

君不見燕嶺源頭江水來東出吳淞滄海開又不見同源大河瀉千里天界大陸南北起自
來文明藉川過阻隔雲山幾萬重重鑿山使過峽然後軌如長蛇車如龍世界成鐵人如
仙飛船又起長空旋南北東西過上下郵傳不用飛驛馬泉府何勞嚴鎖關源流不盡終循

環一家天下入大同那有青天蜀道難

陸軍部諮議李鐸君題詞

不須修阻怨關河萬里舟車瞬息過鑿道五丁呼力士移山二子記夸娥漫云秘術防宣洩
盡把奇書入網羅國計民生兩攸賴豈徒價比洛陽多

陸軍部軍務司李著強君題詞

居恆喟喟而視淵淵而思謂中國實業之不振由於交通之不整而交通之不整則
由於無人提倡鼓吹而指導之也 浚明先生篤於性情富於文學與予同負笈於
日本予方潛心於軍警公則注意於交通歸國後相見於京師公主持筆政於交通
叢報社由南而北裘葛屢更蓋今日交通界惟一鼓吹指導之賢者也茲值週甲紀
念予雖南旋在即以予與公之交誼又安得無言書來索題特記其平日之感想如
此並贈之以詩蓋亦我公所點首也乎其詩曰

論交試話巖倉事攜手京華酒一卮鑿空遠過張博望置郵應笑鄭當時八年雜組驚文藻
萬國奇聞鑄偉辭細檢芸籤成巨帙著書艱苦只心知

陸軍部軍需司李世恩君題詞

雷雨歐風拂面來交通新策費量裁諸君各擅淵雲妙鼓吹休明日日開
青雀臨風振羽翰不須帆楫渡驚瀾計程一日行千里都作江陵白帝看
武鄉牛馬漫稱奇今日輪人更巧思若教鐵軌求蛛網世路都能化嶮巖
雁帛魚書事偶然寄音遠道或經年霎時列缺能傳語藉補人間別恨天
御風列子原諛語弭節羲和託楚騷偷得飛鳶遺制巧雲羅萬里任翔翱
鴻篇歷著啓新知紀念欣逢六十期愧乏珠璣資頌禱強隨羣彥祝俚詞

京師稅關監督劉鶴慶君題詞

宏惟大報六十應期燦然美備華藻紛披郵電航路交通四維凡此要政洵爲時宜航空新
製儲金始基灌輸民智記載靡遺鳳樓妙手鵝閣巧思考工補闕子野搜奇哀集紀念勳舉
雲馳絲絲億載虔貢祝辭

前參議院議員易宗夔君題詞

鑿空張騫志談瀛鄒衍儔梯航集萬國聲價滿神州漢使通重譯唐風漸五洲大同無量壽
箸述足千秋

山東財政廳金丙炎君題詞

五洲風氣趨大同世界文明重交通舟車郵電徧八極更從天外開航空強鄰諸政馳前列
吾國矐目望塵絕追奔努力矢兼程叱馭揚聲賴喉舌前清變法言路開報社人多博雅才
可惜無數新聞紙不主交通論是非民國肇興圖更始交通社立長沙市滄洲臥雪起袁安
壇坫羣推執牛耳山陬海濱採奇文餉我國人耳目新五丁開闢蠶叢路不及牖民荷難辛
久握江淹生花筆洞庭醮乾水一尺範圍終覺衡湘小志在室中報全國攜持鉛槧入春明
四政日夜勞經營身親路局資探討舉一反三智巧生放開巨眼鑒文海陳者翻新訛者改
崇湖蘭紙貴洛陽報界羣驚放異彩搜羅著作豐如林五光十色諸美乘奇若航空窮顛末
新則郵政說儲金要政利弊議興革天下儼然匹夫責部長揜揚手賜書元首賞鑒親題額
不重財貨重名譽畢竟好語貴於珠聲價愈高傳愈遠不翼飛翔到海隅文章稿束牛腰大
取精用弘錄其最要典尤爲濟世資天地從此臻交泰開社今滿六十期擬將諸寶徵文辭
投桃報李貴相稱敢以祛疢換瓊瑰我初濡毫慚刻鵠橐筆又難道衷曲額手遙致頌禱詞
掀髯自笑豚蹄祝

鐵路管理學校教務長首鳳標君題詞

晏坐周千里潛心在一篇梯航憑後盾飛輓得先鞭解縮壺中地真窺域外天壯遊看指掌

薪火永相傳

鐵路管理學校庶務主任張藝君題詞

海沉沉天寂寂狂飈怒浪聲何激奔莽神州中有靈氣氣之所附麗文人斯萃集發爲雄文
貫白日翱翔乎空際遊行乎水底機輪軋軋穿石壁精光閃閃傳消息聞發四政當務急端
賴龍門一枝筆一千八百餘日中手獲一卷如拱璧

北京中國大學校長姚懋君題詞

大聲南來振噴啓聳彌成盛治文軌大同決江疏河千載禹功有利吾國國議特叢

龍駒寨關稅稽徵局長周敬廷君題詞

八易寒暄閱海桑鴻規六十富篇章縱橫直欲小天下淹雅真能貴洛陽文軌事功同萬國
經營基業憶三湘千穉萬茂貞金石遐矚中央樂未央

陸軍第二十四混成旅司令部朱沃君題詞

洪維交通隆替攸繫歐風東來知者奮勵崇高維嶽篤生袁君搜奧探奇播之新聞誕育長
沙載遷都下書六十期八易冬夏宏開紀念精益求精交通津梁于焉有聲

交通部技監京漢鐵路工務處長李大受君題詞

路航郵電四政畢，交通便利溯自同光。厥維叢報鳴鳳，朔陽宏編鉅製，炳煌煌燕許史筆。馬班文章，日新月異，聞廣見長。牖民覺世，功德無疆。歷期六十載，頌載揚。

京漢鐵路會計處長陳振家君題詞

橫涕中原靡所止，感時又恐民氣死。大聲疾呼圖富強，不牖民智亦徒爾。君有著述能餉人，探撫見聞矜俗耳。國之本富實業先，注重交通探奧旨。交通四政有月刊，叢報與之相踵趾。邇來學說出愈新，馭電行風妙驅使。充類至盡爲用宏，物有精粗窮表裏。有時歌哭抵掌談，議論是非不偏倚。一士謬謬自有聲，且向薊門遡湘水。薊門湘水憂憤多，慷慨激昂伸國恥。造化無權有喉舌，用作鍾鑪筆與紙。編摩甲子數一周，無失博物之君子。

京漢鐵路車務處

處長錢鏞
文牘黃丹 詞題

世風邪說統一鐵路滅，中國賴救護國家命脈淺。語深言嘔出字字，血撥亂反正憑翰墨。鼓吹盪摩如冶鐵，四萬金剛同心結。叢報一編真抵開經偈。

京漢鐵路駐漢事務所夏所長祝詞

敬關互市各爭雄，錦繡河山繫眼中。世界已非分畛域，潮流偏向重溝通。雍容籌筆羣公在，蒼萃成書四政崇。拭目大同欣可俟，不愁亞雨與歐風。

艷說航空事可師最難履險竟如夷靈機直奪天工巧創睹驚傳域外奇眞個御風如列子
果然奔月有常儀笑他縹渺煙波語海客談瀛尙管窺

未雨綢繆寓意深置郵法更備儲金預懲臨渴求泉計猶是牽蘿補屋心積貯論惟宗賈疏
阜財風已譜虞琴從茲雁羽飛馳處絕少嗷嗷澤畔音

紀念期逢六十周新增乙部費刊讎資爲典冊垂千禩採自輶軒歷五洲已見循環系甲子
莫嘲斷爛是春秋懸知此日車書盛經世文章壯遠猷

湘鄂鐵路車務處長蕭杞柵君題詞

澧蘭沅芷挺奇芳學識才隸擅衆長四政發明新事業一編薈萃大文章名都近攬幽燕勝
元著濃熏班馬香從此交通添掌故允宜崇奉作津梁
芻蕘何足備諏咨一紙偏勞驛使馳北斗泰山名士望江雲渭樹遠人思料知珠履三千客
競頌瑤篇六十期引領下風增豔羨強拈枯管獻燕詞

前京漢鐵路工務處長鮑庚題詞

羣經覆瓿開先例大雅扶輪拜上賓都爲佞盧彰絕學未應有傳續疇人
張虎招狼亦等閒四山風雨逼人寒竭來幾許傷心事留作他年痛史看

神洲淨土已無多現復重瀛蘊怒波我願衆絃無懦響各騰清越補蹉跎

湘鄂鐵路文牘課長黃徵君題詞

普天下八方同國強富重交通藝日新功月盛歐美間各相競我華夏獨後時不孟晉悔何
追召攻兼惟弱味亟自強庶不敗人皆智吾豈惜振木鐸資適人楚有材躬翼導貴新知輯
叢報綜四政挹羣言既提要亦鉤元焉戾天犀潛海上下察見眞宰明明月六十閱海內外
睹爭先不翼飛不腫走理璧心碑在白大和會儻有時交通利實前基卜蕩平瞻正直車書
同候尉一利吾國福我民言不巧彌千春

京綏鐵路編查課長曹景奉君題詞

氣機世界古未有祇今創造何曾久轉瞬瀾漫六合間一日千里無窮究蒸氣無敵電神速
輕氣飛騰空載負鐵軌發明單與雙汽車無軌藉地吼電線有無皆可通潛航出入水底走
郵傳一紙遍瀛寰電話萬重如聚首飛艇憑虛更自如御風逐日窺牛斗五洲三界大棧通
攢天入地誰能陡試作十年前後想能無昨舌噴驚口凡此轟轟烈烈事無一非爲交通敷
光怪陸離旣雄奇况其利賴更不朽林日世界方競爭惜乎我國瞠其後袁子鍊人眼界超
大聲疾呼日登阜拚將腦力殉交通傳播新知爲衆牖箴述應多經世編理想終爲事實母

眼光到處筆揮成即論文章亦作手勸君守此無窮業幸勿相將換美酒鐘人善飲

株萍鐵路會計課長夏邦濟君題詞

濟世應推雋軼才交通言論富強煤車書文軌從頭紀萬古龔替一繫開
叢報琳琅六十期藝林慶祝集鴻詞蘭臺著述山河壽愧我疏慵得句遲

京奉鐵路總務處章理繪君題詞

袁浚明生先識時英賢學殖深邃經營交通叢報山南而北有年茲值六十期紀念
深悉於四政研究淬勵精神發揚光大促晉文化萬物隸通匪獨交通界之榮抑吾
國前途之幸爰成七律用供覆瓿

四政義文古攷工電離路艮坎輪通而今神禰瀛外自爾縱橫大陸中風鼓三千毛瑟勸
稊粲六十手編叢飛車保息如懸法萬姓觀瞻象魏同

京漢鐵路駐局分段長陳兆炳君題詞

大箸流傳六十期交通紀要事無遺開源湘水欽時彥集社燕京鞏舊基多見多聞蒐軼史
同文同軌輯新知叢篇讀訝來東觀述作殷勤苦下帷

京漢鐵路車務處文牘課長劉敦謹君題詞

題詞

車書一統視環球叢報文章速置郵六十期開新歲月五千年闢舊林邱燕湖事業毫端輯
歐亞風雲腕下收志怪齊諧原不怪鴻篇展玩豁雙眸

京漢鐵路車務處調查長王潤貞君題詞
鐵路協會本部編輯幹事戴渠君題詞

十年彩筆夢江郎贏得文章萬丈芒天上御風誇列子人間縮地說長房學能經世方爲寶
功到新民未可量此日洛陽驚紙貴應隨青史永流芳

京漢鐵路工務課長林希孟君題詞

世界甯久昏曙光鏡一線人事幾推遷起滅紛泡電交通四政張叢報日出見椽筆掃千軍
洪篇羅衆彥航軌達寰球探風隨其便九洲智慧鱸萬有歸煅鍊雄國賴雄飛時雍歌於變
吁嗟萬斯年吉光珍片片

京漢鐵路車務處計核課長佟俊焯君題詞

國之血脉端在交通利國便民爲用最宏厥惟 貴報四政之叢蒐集貴博選擇是精宗旨
遠大議論恢宏鼓吹提倡克奏效功六十期滿洋溢聲名將見交通之業日進而 貴報與
之相輔而行於無窮

京漢鐵路車務處文牘課韓進君題詞

交通四政歐風東逐得治國富強失治邦顛覆名者乃實之賓實者爲名之主列強得其主
我國廁其賓人爲貴報頌我爲四政哭往者今已矣來者猶可復惟冀搜求四政之得失藉
充報內讜論之篇幅能使聞之驚心閱之觸目交通前途庶可逐鹿不作頌揚詞願上諍言
瀆出刊豈僅六十期我將馨香千秋祝

京漢鐵路總務處文書課李遂賢君題詞

四政源流遠鑿垂轡軒原異採風詩郤從興革推陳蹟前事離忘後事師
八年雲物幾風塵甲子連編次第新自是扶輪推大雅更將史筆作詩人

京漢鐵路局總務處文書課章炳燮君題詞

軌物期能納風雲路可通車書今統一南北與西東
當代幾鄒枚三長擅史才淵淵金石響驚蟄若聞雷

京漢鐵路局總務處文書課戚震瀛君題詞

一畫開天運混沌資雕鑿四政燭文明袁子啓其橐叢著累萬言九疇與八索航戰助偵探
郵金儲節約電浪音訊傳路軌紛交錯覺世牖斯民所爭祇一著凜凜先哲言適人徇木鐸
靜如璞返真動若金出躍矻俗足醫愚苦口飲良藥轡軒採國風春秋嚴筆削周知中外事

鄭僑無此博律呂雌雄鳴大樂偷偷作

京漢鐵路總務處文書課林涵君題詞

寰海文明導詞壇集唱吟張槎勤探險陸橐盛儲金大雅扶輪日英才濟世心黃鐘冠無射
律呂譜元音

京漢鐵路總務處文書課蒯恩榮君題詞

羲馭不停執司其經玄機秘籥水火風霆車導指南券鐫模型升降馭氣有形無形雖鑿造
化政軌效靈鴻篇鉅冊光照汗青

京漢鐵路總務處文書課蕭大中君題詞

淶水江潭訪故人鷄鳴風雨樂相親楚騷嗣響傳千載羲經馭天紀六旬信屈文書遂象譯
細縑橐籥闢鴻鈞要知學與年俱進濁世能扶大雅輪

京漢鐵路局總務處文書課水頌禹君題詞

彈指華嚴現琉璃世界新南針元相製迺鐸古箴循塞北聯車軌人中一鳳麟晨星殊落落
築燼式先民

京漢鐵路車務處文書課

密承介
魏詩銘
楊詠章君題詞

君不見昔日東西南北人况瘁長途茹苦辛而今四海遠行客電逐風馳渡阡陌又不見昔時萬里出征師道遠經回力不支而今塞上防邊卒明日胡塵今日發天涯海角不覺遙六洲之人皆可邀何必長房能縮地自有輪蹄走急颿颿輪急經緯坤輿如網密如網密先河恃有生花筆先生提起筆一枝提倡改革運精思精思抽繭無窮盡闡發文明千萬期

京漢鐵路車務處文牘課

唐世泰
姚禮康君題詞

翳維叢報智識交通伊誰創始淥水袁公路航郵電論說精工集思廣益車書大同詩辭彙選宜雅宜風袞題再見名震寰中自丑徂未著述無窮期週六十拜手呼嵩

京漢鐵路編查課牛光斗祝詞

文明物質說交通咳唾琳琅滿紙中六甲歷年週復始千篇紀事樸而工路航發展談先後郵電經營論異同大筆從今光萬丈鼓吹統一助成功

京漢鐵路車務處王之弼君祝詞

鴻篇發軔在阿彌

交通叢報社初在長沙城內阿彌街

出版今盈六十期迺鐸大聲徇道路飛車到處任驅馳

連番著述逢花甲絕妙文章夢草池歐亞風雲存腕底滔滔次第擅新奇

京漢鐵路工務處周澤君題詞

報林新歲月數數六迴頭史筆三長擅宏篇四政收地連燕楚勝人是董狐流明歲喜蒲綠
聽添七十籌

四鄭鐵路工程師彭道中君題詞

萬縷千絲一目成文章今古任縱橫翠舟行陸休驚異霍棹航空何足論班史未曾詳驛路
唐書僅見紀郵程際茲文軌交通盛不脛原來勝驥奔
從茲四政仗南針至道名言迥不羣慘淡移將南楚秀梯航來助北山文千秋信史淵中鑑
萬里河山掌上紋極壤窮荒欣展拓輪蹄到處仰燕雲

前湖南粵漢鐵路運輸課長郭志任君題詞

博博大地原隆澤凹水迴山崎阻譯方牢惟智無極惟機不息剗巉巖險市陬通塞載鈞載
索煦厥邦基軫以求範排斗擁箕我聞滄溟喻大以粟輪動氣充岡象側足我聞域外人絕
路殊激聲傳語正矢脫弧我聞傳驛依程戒宿誰挈其綱期緘約牘我聞禹甸無平無陂頃
息飛越壘偃蛟癡啓之牖之聿茲雄筆矢艱盡思國欽其實歲月如瀉風雲撲人猶有珍域
何時相親

前湖南粵漢鐵路長沙站長劉鍵君題詞

蓋聞制器尙象古帝特創舟車之法梯山航海西儒開發汽機之功是以輪軌旣行郵便斯快陰陽相觸電學乃通

蓋聞指南之作機輿者姬相鐵道之設經始者士提是以素王垂訓車書同茲一軌金山開路聲教播諸四夷

蓋聞周易演剝木剝木之辭漢武習樓船戈船之戰是以上行下馭航空並飛艇齊驅北伐南征潛水與魚雷乍見

蓋聞使匈奴之子卿帛繫雁足客杭州之太傅詩寄郵筒是以傳命惟速亞聖倡言於戰國軍書恐誤法王興此於倫敦

蓋聞雷風震盪而氣成焉雌雄摩擦以力引也是以寄書則報達千里傳聲則晤語一堂流光則明並日月駕馭則行如龍馬

蓋聞經國之謨首重交通要政牖民之術厥推叢報惟先是以海客談瀛博稽六十期之大事狂夫獻頌辱題八年度之鴻編

大豐煤鑛鐵路工程師張熠光君題詞

我昔在湘正值發軔海內風行走而不脛我同北上揭槩偕行長安道上大放光明我再北

來期逢六十錦軸紛羅光輝照世我今致祝愧無妙詞酌君大斗千載一時

粵漢鐵路湘鄂局車務處張惕埃君題詞

鏗鏘叢報崛起熊湘喬遷燕北價重洛陽路航郵電彙厥大綱獻可替否既博且詳歐美華斯爲介紹急起直追是則是做喚發聰強祛除昏眊矯首八方功在先導茫茫禹甸寧忍沉淪協同揀揀責在國民偉哉木鐸廣夏周巡歷時五稔日新又新輔世覺民載顯不績元首崇褒蕩平正直車書以同候尉以一拜賜仁言永永無極

上海湖南月刊社主筆傅熊湘君題詞

馳翰激駛迅如雷尙惜人寰有此才如公之文搖筆出五嶽拔地滄溟開亦勇亦猛亦精進大雄大力大慈悲範我馳驅無詭遇任重致遠此其時

前湖南財政廳長袁家普君題詞

交通事業者國家富強之母也交通叢報者交通事業之母也願祝我交通壽母將來花甲重週三週以至於無量週母壽愈長交通事業愈大國家之富強亦因之萬壽無疆矣

長沙朱恩絨君題詞

交通叢報成立久矣本年爲發行第六十期紀念徵文海內美萃琳瑯不揣無文謹

獻頌詞以附大雅詞曰

九州莽莽瀛海環之歐波東漸黑雨西馳文明起點如針引磁工精製造農務耘耔惟商賈
遷爨轉景隴萬里庭戶梯航是資星郵四達電網千絲巧奪造化創設專司同塗並騁事益
繁滋必有甄錄爰疇爰咨潤色鴻業崇論宏辭分編別部緯史經詩鈞元提要光舒藻摘真
然成帙巨觀在茲天道周星積月累時爲期六十紀念成規博我王道弘我漢基溝通學說
有譽無疵耆儒碩彥振振有詞祝我民國鞏固綱維廣闢幽險悉成康夷左史右史纂記不
疲繼續進行逞妍競奇光華璀璨傾寫淋漓風行萬本永無盡期

鐵路協會長沙支部祝詞

明月重圓六十回神州今聽鐸聲催定評自有千秋在公論原賅四政來熊繹早傳開鐵路
燕臺今喜萃英才文章日出隨園手到處歡迎掌著雷

參謀部陶瀚通君序辭

民國八年八月望日爲交通叢報出版第六十期之紀念日袁君鍊人設酒召同人而謂之
曰余主斯報已六十期諸君助我請以此謝余曰美哉君之爲此酒也天生以一地成以六
故易六爻而成卦卦六十四而數全君之報今滿六十期已備天地之小數行將由小而大

積日累月紀研年鍊其造功於言論庸有涯乎且今茲交通行政亦多故矣路郵航電罔匪師資外洋或謀而未設或設而未成或成而未備孜孜矻矻日不暇給而彼全歐一戰槍林砲雨又激出一航空飛艇今日震越全球矣學書不成又須學劍刻鵠未就且當畫虎東塗西抹早已竭蹶莫名然猶曰入室我居人創我獲誠之所至金石可穿也我國建造鐵路最先雖未全國通行南北幹綫實已纍纍乃全國計劃既付泡影近則合辦統一之政策聚訟紛紜質之當局彼亦一是非此亦一是非而抵押借款之條約重見疊出更不勝俚指計矣姑無論築室道旁事恆罔濟即或有濟恐我方就緒而已贖乎他人之後矣此六十期以往之交通叢報所不可不研究者也國家政策貴有一定之方針尤貴能擴張自己之實力我國交通雖在萌芽時代然政治之文野財物之通滯軍事之運輸國民之經濟皆與此有莫大關係時至今日政府人民財力俱困苟欲不借外力興辦實業固爲不可必得之事然人芸我田而竟奪我田則如不芸之爲愈耶列強虎伺逐逐眈眈其在當軸固應早洞見及此而亦六十期以往之交通叢報所不可不注意者也興言及此不禁爲袁君及同社諸君馨香祝之爰爲頌曰發憤振聳清議之功宏我函夏際此交迪

京漢鐵路局戚震瀛君序辭

周天觀象贊紀律而月閏重逢稗海談瀛桑成田而星球自轉淪愚灌智捷若飛機記事編年創爲私箚芻蕘當代珠璣則咳唾隨風撫拾羣言根抵則春秋繁露作南針指導中邦耳目一新述西土文明太史雲霞五色成不朽業懷茲木鐸道人造無盡燈恍現菩提壽佛良工心苦鑿路開山企業願弘范金搏土此吾友袁子交通叢報六十周期所由刊紀念集也夫以單軌雙軌之制千山萬山之程巨靈肇開百輛往復沿隄植樹藝圃培材機軸引擎陸與坡異橋梁建築鐵較石堅電籤設則開轍啓閉車輪鮮撞擊之虞水塔修則蒸氣沸騰熾火無崩竭之慮環域接軫瞬息看長安之花汽笛一鳴咫尺夢盧溝之月所以風景遊覽京瀛旦夕可通中外聯盟歐美會議列席而商貨招徠軍運靈捷主權規復工廠振興更無論矣此最近路務之成績也至於吉松皖極探木則就地取材藏微蒙疆架綫則通行無阻越谿塞之障隘省軍戍之文書發挾萬鈞收舉一羽表測準度縮擊雙弓鋅板則油塗巴麻繫草則繩代呂宋橡皮圈束燈炮采而利用居民石炭酸施匣傳話而預防消毒高壓低壓交流正流陰陽激蕩以生波山谷鳴應而作浪磁鐵功用萬能畢備此最近電學之猛進也若夫東鱗西爪雁帛魚箋郵程頒自唐書驛遞詳於元史區分邑界交易郡名竹報平安荔枝消息包裹資費準格蘭姆輕重爲衡匯兌程期視航路綫遲速而定券徵新舊嘉禾寶鼎之

珍藏銀積毫釐一母九子之息率公私結以信約勞動藉以蓄儲日往月來節衣縮食金融
周轉從茲家裕戶饒囊橐輕齎無間天南海北此最近郵筒之便利也又若樓船組練番舶
鯨鯢港灣紛歧駕駛爛熟哈呼沿岸水櫃疾馳梧柳公司灘舟出險黃天蕩飛輪直渡置駁
運於江頭黑水洋暗礁須防燃燈台於海綫水泥鋼鐵幾疑鬼斧神工時計羅盤悉屬楚材
晉用歐戰勝算敵艦沒收漁雷潛行兵謀謫詐而且槎乘星漢訝列子馭氣而行路薄風雲
作軍事偵探之助身輕一葉翼鼓雙輪五雀六燕衡其平竹頭木屑神其用此最近航戰之
競爭也綜茲四政成規要皆大同盛軌積銖累寸之算式鑿空探險之叢談亦既綱舉目張
發蒙振俗新民事業貴日新而又新進化程途以先進迥後進幻作散花天女遊戲神通探
諸列國風人咏吟雅正鐵錘在手箠作等身固不獨政學淵源宗周官之相法攷工餘緒鄙
墨刻之精能已也饋糧原可療貧爲山基於覆簣三十幅共一轂更璧合以珠聯五大洲若
同堂侈西鵝與東鸞軒所錄佻虛左行律呂相諧黃鐘疊奏參玄機於造化知古知今較
營業之盈虧計年計月竊願紙鈔洛下再刊百二寶書莫噴錐處壘中猶有三千毛遂淮安
戚震瀛

湘鄂鐵路許有慶君序辭

西哲有言日報一日之生命也雜誌叢報百年之生命也余嘗佩服以爲名言蓋日報之作以徒使一日急需不免敷衍苟且故其爲文亦多與報同其消滅雜誌叢報之作則必傳之久遠作文者自不得不格外矜慎故其爲文多實用而可傳是以欲求言論事業之不朽者莫如雜誌叢報近是顧雜誌叢報尙矣而世之爲此者率多始勤而終怠有始而無終適年吾甚見此等書之出亦云夥矣乃或不數期而卽悄然絕迹焉其久者不過十餘期或二十餘期而卽寂然無聞焉窮其所以致此之故則或因欸項之不繼或因時會之已更或因黨派之消沈或因人才之星散種種原因必有其一余嘗睹此現象未嘗不太息近年來我中國人心力之太不切實志力之太不堅凝貿然而興闕然而止迄無一事之成功適足以見笑於外人而顯其國民性之劣弱吁可慨已惟吾友袁子浚明獨不然其所辦之交通叢報創始民國元年在湖南成立其時筭路藍縷極費經營人輒以爲難於持久而袁子一意孤行不少假借嗣因湖南多事袁子又以入都供職之便適於五年遷入京師自茲厥後斯報之興也勃焉而袁子之聲譽亦於是乎雀起前年曾有四十期紀念之會今又至六十期紀念之時矣蓋袁子生平夙負大志余與交好十有餘年嘗見其辦事強毅不爲則已爲則必要其成而於交通事業旣本其昔日所學復出於歷年經驗發爲文章著之事實是其生平

心力貫注於此故其成就有如是之遠且宏者

交通部曹璜君序辭

杜武庫序春秋傳謂發傳之體有三而爲例之情有五發凡正例新意變例歸趣非例體之三也微而顯志而晦婉而成章盡而不汙懲惡而勸善例之五也茲交通叢報開創至今已閱六十期其皆本斯旨而爲體例乎夫今之時勢正春秋之時勢也擾攘紛爭是非莫定姑無論大者遠者卽交通行政不過國家經濟實業之一端而聚訟紛拏已匪伊朝夕則欲於言論界求一綫之曙光且不可多得遑曰春秋之體例乎古昔聖賢立一言而可爲天下後世法今之言也既不涉於典章文物復無關於得失廢興直如昌黎之所謂蟬噪耳人方唾棄之不暇法何有焉然以證諸六十期以前之交通叢報顧何如哉所列法令要紀說林諸編因竊師乎春秋之體而近聞及實錄僉載警鐸之類蓋亦無在不師乎春秋之例則編是報者之心可謂苦矣夫宇宙間一事一物必有一定之道理有一定之道理即有一定之主張有一定之主張卽有一定之言論故言論者所以公諸天下而非可以私諸一己者也孔子作春秋當時懼之後世尊之豈有他哉亦曰公而已矣吾對於交通叢報固不知其揆諸斯義之云何而迹而觀之未嘗不幸其出於公也今之交通曰路政曰郵政曰航政曰電政

利之所在弊卽叢生習而相忘者有之矣噤而不聲者有之矣知之言之而不能盡焉者尤有之矣若此之屬吾不敢謂其皆有所私也而跋胡疐尾其能免此者僅矣故無偏無倚者厥惟恃此一紙之報而主斯報者有其人苟匪其人報亦安見其可恃市本無虎三人言市有虎則必信之及其信之而市竟無虎則其所煽惑者不更廣且大哉今茲六十期之交通叢報其能上擬乎春秋與否吾不敢知而其言論未嘗稍涉於私固可覆按而知者也持此以往百折不回安在不可發天地之肫臙作水陸之南鍼乎嗟乎六十期固已然矣而前途迢遞來軫力邁凡我同志尙其勗旃

交通叢報社主筆袁德宣君序辭

本報自四十期紀念後不過二十期今又舉行六十期紀念區區二十期中不知有何可紀其所紀者爲路乎路則內因歐戰影響借款各路停未進行外因統一問題雖全力抵制迄今尙未解決况濟順高徐兩綫又幾繼送他人之手以此論路而路無可紀也其所紀者爲郵乎郵則總辦要職帛黎去後鐵氏繼任大權尙歸客卿外國所設郵局數達六千應由和會提議撤銷今和議告終已歸絕望以此論郵而郵無可紀也其所紀者爲航乎航則內而腹地多爲外輪行駛况邇來日本對於崎滬更銳意擴張外而海洋不見華輪片影雖滬商

請設國立公司而空徒托言終未成諸事實以此論航而航無可紀也其所紀者爲電乎電則南方電局電桿多被軍隊搗毀損失不知凡幾北方軍電絡繹不絕所欠電費日積月累總額已近千萬以此論電而電更無可紀也若是此兩年來若路若郵若航若電皆無所紀今日之紀念不多此一舉乎雖然亦不得謂一無所紀也

不觀路之成績乎邇來軍運日繁加以被水防疫營業收入本宜驟減乃查七年京漢京綏津浦各路不特未減而且加多京漢七年營業進款共二千三百五十餘萬元除支出用費七千七百餘萬元外尙餘一千三百六十五萬餘元京綏七年營業進款共四百二十一萬一千零六十八元除支出用費二百五十一萬八千九百六十八元外尙餘一百六十九萬二千一百餘元津浦七年營業進款共一千二百七十五萬餘元較上年決算尙超過二百餘萬元七年如此八年軍運減少而意外變故無多較七年盈餘必更有加各路營業之成效有如此者他若初開之路吉會九百餘里已於八年一月起分除測量新成之路四鄭則於七年六月開車湘鄂則於八年二月開車各路工程之進步有如此者至國際鐵路中東鐵路各國爭歸共管會議結果我國尙保主權溫杭鐵路與美商裕中公司借款建築英使以爲與滬杭甬有關提出抗議我國據理駁覆外交尙未歸失敗此外聯運甚關重要今國

外則中日七次舉行國內則召集會議儲才亦屬要圖今除鐵路郵電學校招添班次外扶輪學校又創設二十餘處以上各端皆路政之彰彰在人耳目者雖欲不紀烏乎得

又不觀夫郵之成績乎民國七年收寄郵件較之六年增加二千四百萬開發匯票較之六年增加百分之六十四代收物價包裹較之六年增加十三萬四千餘元此七年內收寄匯兌之發達也而其盈餘又可得而言者民國三年虧折約十萬元六年則盈餘一百四十二萬二千五百十八元七年盈餘則增至二百餘萬元矣若對於已失之郵權收回者則有青島青島郵政前因民國三年日德戰後日本以其在軍事範圍以內強歸管轄而當地人民郵寄均失自由部派顧問權量氏與日本磋商收回自六年三月起至七年十月十日止圓滿解決得以恢復原狀此郵政對外之差強人意者而尤令人注意者莫如郵政儲金一事以零星存款養成國民儲蓄之性獎勵社會節儉之風也我國郵政儲金提議最早至七年十一月二十四日始制定郵政儲金條例頒佈八年七月一日遂在北京天津漢口上海開封南昌杭州等處首先開辦並訂定郵政儲金條例施行細則及經理郵政儲金各章程數十年籌畫而未實行者今一旦開辦不得謂非成績之佳以上數端亦郵政之彰彰在人耳目者雖欲不紀烏乎能

又不觀夫航之成績乎我國對德奧宣戰沒收二國海洋汽船十艘長江汽船二艘內河小輪十餘艘碼頭堆棧七處當局就此基礎合官商之力組織航業公司樹遠洋航運先聲現已訂定航運章程着手開辦矣此猶官商合組也而中外合組又有中義航行公司之設查稅關冊所載國際貿易額對義輸出溢利尤多中義之設實亦應經濟潮流之趨勢此猶係中外合組也而以獨力組織更有梁君士詒發起之戊通公司收買俄輪振興東三省航業以爲內地航業擴充張本更有令人欣羨者莫如江南造船所代造美國商輪也美國爲造船先進國我國工藝果不如人美將棄而不顧而今竟代造七千三百餘噸之大船八艘矣工藝之善可知我國航行法律前僅海關理船廳訂立章程數則所以內外商輪交涉百出交通部以航律爲內外商輪主體所係特會同外交海軍兩部設立航律委員會合訂航運專章俾中外有所遵守以上數端實航政之綽有可觀者雖欲不紀烏乎可

又不觀夫電之成績乎民國七年電線推廣五千餘里合前共二十餘萬里電局增設四十餘所合前共八百五十餘所電話亦以加多北京則增設西局京津則加掛新綫武昌則改換新機卽以北京電話而論用戶七千餘號每日接線者南局約八萬四千三百二十餘次東局約五萬一千五百二十餘次卽此可覘其繁密無線電台關係軍事秘密此項電台無

論何國皆不許國外建設美國獨在天津設立政府嚴重交涉立令折毀此電政之對外也若其對內之擴張更不遺餘力熱河長安重慶四川以及西藏等處電線平時偶受風災卽形梗斷今擬一律添設無線電台以靈消息並與塘沽口輪船艦隊相接如是與英麥剛聶無線電台公司訂造無線電台三所外更與馬可尼合組中華無線電報公司定資本英金二十萬磅中英各任其半又與匯業銀行訂造有線電報計借資金二千萬元爲擴充改良之用電政之擴張可謂至矣然猶未已也當局更與美國西方電氣公司暨日本電氣株式會社訂立合辦中國電氣公司並組織董事會選舉葉恭綽氏爲會長此外電律亦經規定七年制定電氣事業取締條例頒布八年訂定電線管理規則公布規制漸臻完善以上數端更電政之綽有可觀者雖欲不紀焉得而不紀

以此觀之則二十期中之若路若郵若航若電皆確有可紀並非鋪張揚厲踵事增華也然四政固不容不紀四政之外而最宜紀者莫若航空籌辦也歐和結果戰時之航機前特爲軍事之用者今則轉趨商運與火車汽船競爭矣我國路郵航電四政事事皆落人後無可諱言航空事業今又相逼而來苟不及時籌備則內無以爲國家控馭之資外卽無以應世界趨勢之劇此航空籌辦誠爲此時萬不容緩之舉也當局特設航空籌備處遴派丁士源

氏爲處長衛國垣氏爲幫辦從事組織除調北苑現有飛機外並定購新式飛機六架俟到滬後卽由上海試飛來京有此一舉可爲我國飛行界開一新紀元矣而其所紀不尤較路郵航電四政更關重要哉

雖然此不過據六十期中近來二十期之若路若郵若航若電之現狀言之也而未來之二十期六十期以及無量期之若路若郵若航若電應加何之振興如何之發達更不得不略舉言之以觀四政之後效

先試以路言之各國鐵路以英美哩數較之日本尙居低位卽以日本而論據最近調查日本路線共三萬六千六百餘哩以日本人口六千萬分配每萬人得鐵路八哩我國人口四萬萬以日本每萬人得鐵路八百計之應有鐵路三十二萬哩茲據本年調查我國國有鐵路已成者三千七百七十餘哩商辦鐵路已成者五百八十一哩共成四千三百五十餘哩此外國有在計畫中而未成者六千八百八十餘哩以上已成未成合共一萬一千三百餘哩以日本三萬六千六百餘哩每萬人分配得鐵路八哩較之我國每萬人分配不過三十分之一哩若以現成之四千三百五十餘哩分配每三萬人不過三十分之一哩現應如何極力擴張兼營並進暫雖不能與歐美爭驅亦宜與日本每萬人分配得路八哩方免貽笑

海外至統一鐵路問題今新銀行團以實業借款包括鐵路於實業內我國鐵路不借款則已欲借款則不能打破實業範圍然則將如之何而後可爲今之計正宜趁此時期銳意刷新凡路規之紊亂路員之雜濫路款之自由支取以及種種不規則之行動痛爲改革而先自立於統一地位庶不受外人牽制此固六十期未來之路政所急宜研究者也

再試以郵言之各國郵政發達誠有一日千里之勢茲以英美兩國郵政收入之數目以人口分配英國就一千九百十五年論每人每年寄信七十九封我國將各種郵件計算每人每年分配尙不及一件美國就一千九百十八年論每人每年所輸郵費爲三元六角七分我國每人每年分配尙不及一分倘我國每人每年所輸者能及美國分配之數可得一萬四千六百萬元之譜我國應如何力謀發達以闢富源至郵政儲金已於本年八月一日實行開辦之初成績固可不論然以英日二國前二年郵政儲金之成績比較英國統計一、七三一、二二九、九五五圓日本統計一八三、五一三、七六三、四〇〇（本年日本統計六億二千二百萬二千七百餘元）再以英美二國人口分配計之英國每人儲一九九、九三九圓美國每人儲一三一、八零二圓我國人口如此之多不必照英美之數每人平均僅儲一元可儲四萬萬元正宜趁此時期切實提倡漸臻富裕此又六十期未來之郵政所亟宜

促進者也

又試以航言之各國航政日肆擴張而航輪亦日加無已據最近調查英合殖民地約一萬一千五百八十餘艘美約三千六百餘艘日本約八千一百六十餘艘我國海岸線長一萬四千九百五十哩各省江流大小汽輪通行哩數尙不在內以各國艘數比之其最小數宜達二萬餘艘我國招商局僅有輪二十七艘今年收管德奧大小輪二十餘艘合共不過五十艘而各國輪船在我內地行駛者除日本大阪公司日清汽船公司南滿鐵道會社船數不計外英國怡和洋行共輪四十餘艘太古輪船公司共輪七十餘艘合共一百一十餘艘我國自有之輪船尙不及其半英輪行駛我國船數如此之多而其收入純利必不待言據本年調查^{一千九百十九年}怡和洋行資本金三千萬圓收入純利約四百餘萬圓太古輪船公司資本金九千萬圓收入純利約二千萬圓又日本日清汽船會社最初資本金八百一十餘萬圓去年^{一千九百十八年}增至一千六百二十萬圓收入純利約四百萬圓以英日兩國汽輪一項收入之純利計之近三千萬圓我國應如何積極籌備以塞漏卮現政府以收管德奧各輪組織航業公司定爲官商合辦資本金額定一千萬元政府以德奧船艦估作價本不敷之數仍由政府湊集餘由各埠航商分擔似此亦感情聊勝然以英日兩國在我地組織之

船輪資本論之尙不及十分之一正宜趁組織航業公司之時多方籌集資金以厚基本此又六十期未來之航政所最宜注意者也

更試以電言之各國電氣事業日益進步不特有線無線各電報皆臻美備即電話一項亦可令人咋舌今試以各國之電話資本及全年收入之額數一較比之即可知其故矣茲據一千九百十三年之調查美國資本二十三億萬元收入六億萬元德國資本五億六千萬元收入九千三百萬元英國資本二億九千萬元收入六千萬元比國資本一億七千萬元收入二千六百萬萬元奧國資本一億二千萬元收入一千八百萬元俄國資本一億萬元收入二千萬元瑞典資本五千二百萬元收入一千萬元日本資本四千六百萬萬元收入一千五百萬元各國經營電話資本如此之鉅一年收入又如此之多今我國電報借款總麥剛聶馬可尼各公司匯業各銀行所借之額尙不及比國電話資本之半而英美法德各國更可不論當此電氣競爭時代我國應如何亟圖發展以躋富強今值電氣技術會電氣試驗所成立之初正宜將各種電業極謀擴充以期與電氣世界爭一線光明此更六十期未來之電政所萬不可忽者也

若是六十期未來之若路若郵若航若電關係之大如此况四政之外航空一政又關重要

本年周游世界之航空大賽會，不越太平洋、大西洋，取道紐芬蘭、格陵蘭而直渡柏林、莫峽，乎又萬國航空會，除本年訂立公約五條外，今又不訂立國際航空法四十餘條，乎世界航空事業已咄咄相逼而來，我國當此航空籌備之時，正宜從長計畫，與航空世界爭插一翅，不致如四政之盡落人後可也。如是若路若郵若航若電之外，更加以航空，皆於未來之六十期有無窮之希望者也。然則此六十期之紀念，對於已往如此，對於將來如此，豈得謂爲好事者之所爲耶？雖然，往者已矣，來者方興，吾願與交通界諸君子勉共圖之。淶江袁德宣。

交通文藝集凡例

一本報六十期紀念蒙 大總統頒題匾額並承各界題詞贈序不下百數十首特選交通各名作彙刊文藝集一冊藉資酬答

一是編將 大總統頒題匾額暨當道各鉅公題贈頌詞攝影刊登以存其真其未攝影者已一律照刊俾供衆覽

一是編分文錄詩錄而文錄又分序跋啓牋傳記頌贊碑銘壽文祭文謝辭十三類詩錄又分七絕五律七律五古七古五類以醒眉目

一是編專輯交通界各名作以餉閱者凡與交通界無關者概不收錄以免泛涉

一是編文錄詩錄皆屬名人手筆並係文藝正宗不特可供交通界參閱即非交通界亦可資瀏覽

一是編仿交通類編辦法分甲乙丙等集首刊甲集以後丙丁各集當按次序繼續出版

交通叢報六十期紀念

毫端古意多含蓄

筆下萬物生光輝

龍學敬集韓魏公六一語奉祝

交通叢報六十週期紀念

撫拾羣言鑪冶萬彙

恢張叢著彪炳千秋

劉鶴慶撰句敬祝

交通文藝集弁言一

易順鼎

世之盛也。遂通道九夷八蠻。國有人焉。是能讀三墳五典。蓋自秦丙之御。周於垠堦。豎亥之步。遍於垓埏。拱北仿帝車之式。百工考績於冬官。指南達越裳之郵。四載程功於夏后。圖成遁甲。頌美由庚。巧製莫逾於奇肱。樸學皆出於勾股。惜乎封山玉檢未詳。司馬之書。築道金椎。難繼祖龍之烈。至於近代。始軼往時。自元菟白狼。以至黃支烏弋。由碧雞金馬。以至朱崖龍川。軌轍全通。環球盡關。日新月異。霞蔚雲蒸。可謂極五丁開道之能。具二子移山之力也。已袁子鍊人。稟洞庭之秀。生醴陵之鄉。湘管一枝。江花五色。非僅窺乎半豹。已早失乎全牛。從事有年。著書多暇。意以交通極盛。紀載宜詳。既創叢報社之編。復有文藝集之刻。久儲腹笥。羅廿八宿於胸中。若數指紋。臚九萬里於掌上。韓昌黎稱汗牛充棟。黃山谷終收汗馬之功。劉彥和著雕龍文心。楊子雲漫鄙雕蟲之技。屬爲弁首。勉寫赫蹄。儼入鄧林。恍遊元圃。其人品如精金美玉。宜多收精金美玉之文章。其體裁如合璧連珠。可上應合璧連珠之天象。已未季冬。易順鼎序。

交通文藝集弁言二

袁德宣

文軌四通。海宇大同。之頌。郵傳徧達。瀛寰登康樂之書。人多破浪。乘風感懷。作序。客正。追雲逐電。紀事成篇。俗採輻軒。記使臣之載筆。奇搜島域。聽海客之談瀛。盛事雅繼。中郎書傳。天外宗派。遠承列子術衍空中。所以萬國周流。不少紀遊之作。千秋著述。每多經世之編。極稗海之大觀。非詡私家著作。萃藝林之佳話。藉成華國文章。此交通文藝之所由集也。原夫交通四政者。今時新略。古昔緒餘也。溯厥由來。皆有所自。作車創制。有熊古史。堪披治路。垂型姬氏。遺經可考。國傳剛輞拾遺記。非等空談。民造飛車。博物誌尤徵遠識。旣象天而象地。周家制度如新。不指北先指南。越使流貽。未渺况復。述征有記。木仙乃旛信之仙。舊說堪稽。曩祖是道神之祖。爭說獻王好古。考工而記補冬官。更欣元相多能。掌路則職詳。周禮道平。有術車制。綦詳或韻。協和鸞或輅。傳駕駟或開道。而驛驢見詠。或騰驥而騏驎。爭誇以是言路亦云善矣。而非可例。諸今日棋羅星佈。好看蛛網之牽。電掣雲馳。益見鴻圖之拓。效長房之縮地。豈屬荒唐。比愚公之開山。猶多事實。更或育才。設校門。停問字之車。試士臨軒。室接青雲之路。會議則中西列席。記錄無遺。遊覽而燕楚乘驂。詩吟滿篋。此路之文藝足重也。江南春老。時考庾信之書。塞外秋深。特寄李陵之札。漫道使君通好。往來驛騎如飛。豈徒太傅。

傳詩絡繹郵筒不絕探取筒中消息無須問訊梅花得來嶺外音書多是平安竹報未必相逢片語徒憑馬上之傳須知聊寄一枝不盡隴頭之贈弗令軍書滯星火匆忙好教音問常通天涯咫尺旅程不斷驛寄頻殷或雁帛遙傳或魚箋速遞或遣使而賫寸柬或呼童以剖雙書以是云郵亦云備矣然不可例諸斯時玉札紛投豈患洪喬之誤瑤函迅達直同鳥使之脚自知到處歡迎不數雙雙之鵠何致秋江望斷空瞻六六之鱗况復政尙貯藏新撰儲金之錄風崇節儉別編致富之書紀列國之遺規名篇不朽考頻年之成績總論堪徵此郵之文藝可寶也鼓狄作舟逸事曾傳世本番禺造舫遺聞紀自山經浪遊來似鏡中不少吳舫越艇春水坐如天上應多霧舸雲艤顧長康跡寄江湖豈僅布帆無恙米元章船藏書畫定知清興依然碧海波澄誰泛芙蓉之艦太湖春早更浮鸚鵡之舟魏武神勇何如舳艫千里王濬樓船直下檣櫓十門行駛非遲規模益壯或鴨頭逐浪或鷁首衝波或六鰲駕海而來或兩龍挾舟而走以是言航亦堪述矣而不可與今日並論人來萬里恍乘犯斗之槎客過五洲非擊渡江之楫內則綫聯南北纜醮湖光外則洋放東西波涵旗影而况艇飛天際衆仙同詠霓裳機放空中有客上摩霄漢軍事既經收束誰傳繫空之談郵便又盛流行更紀凌虛之筆此航之文藝宜採也一鞭爍處遙連玉竦之光兩線飛來徧擊金蛇之影何

處。驅。龍。走。虎。氣。撼。乾。坤。有。時。匝。地。週。天。力。迴。日。月。紅。綃。輕。閃。吟。成。禹。錫。之。詩。紫。貝。飄。揚。選。入。昭。明。之。賦。挂。長。虹。於。天。畔。奚。論。雄。赤。雌。青。走。列。缺。於。雲。間。孰。辦。陽。乾。陰。濕。燭。天。有。耀。如。開。不。夜。之。城。射。地。多。光。恍。入。長。明。之。館。雷。鞭。直。撻。霓。幟。頻。飛。或。童。女。吐。靈。或。謝。仙。助。燄。或。激。青。巖。而。洩。祕。或。繞。丹。屋。以。騰。輝。以。是。言。電。亦。可。觀。矣。然。不。可。與。今。日。同。語。陰。陽。薄。盪。片。時。可。達。全。球。山。谷。應。鳴。一。線。竟。通。萬。里。八。夜。燈。光。燦。爛。何。事。焚。膏。接。談。人。語。分。明。無。殊。對。面。而。况。靈。思。日。闢。綫。則。化。有。爲。無。神。妙。莫。名。機。則。易。遲。而。速。盛。會。曾。開。博。覽。紀。載。尤。精。絕。學。別。有。專。書。考。求。倍。切。此。電。之。文。藝。不。容。忽。也。嗟。乎。斯。文。未。喪。吾。德。不。孤。大。道。彌。光。宗。傳。若。接。羲。和。馭。日。精。摩。上。古。之。編。阿。曼。承。風。手。撰。大。王。之。傳。傳。命。誰。留。師。法。孟。軻。學。說。堪。追。馮。信。更。訂。良。規。希。利。遺。篇。可。讀。訪。河。源。於。星。宿。博。望。侯。問。卜。有。書。闢。新。地。於。荒。濛。哥。倫。布。體。圓。立。說。金。光。時。掣。猶。傅。蘇。軾。之。詩。玉。軸。頻。調。艷。說。磨。斯。之。制。薪。傳。未。替。記。續。淵。源。文。藻。紛。羅。集。師。長。慶。徧。採。崑。山。之。玉。滿。卷。琳。琅。廣。搜。藝。海。之。珍。連。篇。璀璨。豈。侈。烜。烜。炳。炳。壽。文。字。於。千。秋。原。期。蕩。蕩。平。平。奠。車。書。於。一。統。

目錄

文錄

序

交通實紀序

鐵路辭典序

鐵路全編序

鐵路危言序

鐵路統計序

交通文學序

交通類編序一

交通類編序二

交通類編序三

湘路文電輯要序

中國鐵路現勢紀要序

京漢鐵路旅行指南序

京奉鐵路旅行指南序

交通文藝集

目錄

許世英

葉恭綽

李家駒

詹天佑

曾鯤化

姚國禎

詹天佑

王景春

黃徵

余肇康

湯化龍

關廣麟

王景春
徐廷爵

805508

交通文藝集 目錄

二

滬甯鐵路旅行指南序

鐵路學校畢業紀念冊序

北京鐵路校友會報序

萬國電報通例序

中國鐵路史序

交通名人畧傳序

湘路吟草序

天橋消夏序

亞醒草廬序 爲鐵路學校首君吟父題

園遊雜紀序

跋

鐵道全編跋

中國鐵路史跋

鐵路學校畢業紀念冊跋

啟

鐵路協會附設圖書館徵書啟

鐵路協會附設圖書館募捐啟

胡韞玉

黃贊熙

俞人鳳

賀林榮

袁德宣

陳蜚

袁德宣

袁德宣

鍊人

楊樞

黃沅

劉鷲東

隴海鐵路施督辦贈送義莊彙錄啟

路政曾司長令尊元高先生八十雙壽徵文啟

牋

賀交通葉次長代理部務牋

答王京兆整頓路政牋

傳

交通部技監詹天佑傳

浙路工程司盧公耀傳

記

湘路新河碧浪亭記

京師嶽雲別業記 前郵傳部尚書張文達公妥神地

頌

京漢路局水孟廣先生嘉禮證婚人頌詞

京漢路局水孟廣先生嘉禮來賓頌詞

贊

交通部殷君人籟令尊雲翔先生畫贊

路界同人

于寶軒

王闓連

石甫

熊希齡

交通部殷君人齋令尊雲翔先生畫贊

袁德宣

碑

大總統頒故交通部技監詹天佑碑文

銘

湘路總理陳佩衡先生生壙銘

王閻運

壽文

祝交通葉次長尊人仲鸞先生六十晉一壽文

馮國璋

祝吉會鐵路權督辦令慈袁太夫人八十晉四壽文

曾毓雋

祝京漢京綏路局馬君公執令慈劉太夫人七十壽文

袁德宣

祭文

祭交通部技監詹睿誠先生文

鐵路協會

祭京漢鐵路馬莊站長蔣國晉君文

丁士源

京漢路局李仲都君尊人古餘先生誄詞 並序

袁德宣

謝辭

鐵路協會梁會長謝 大總統隆賜親壽文

交通學校校長謝交通部給予名譽獎章文

交通叢報社謝 大總統頒賜匾額文 六年

交通叢報社謝 大總統寵賜尊影文

交通叢報社謝交通部給予名譽證書文 七年

交通叢報社謝 大總統頒題匾詞文 八年

交通叢報社謝各界題贈祝詞文

詩 錄

七絕

京漢鐵路車中雜詠

京漢鐵路車中書見

津浦鐵路車中卽事

題京漢路局章君所藏草愁湖圖

題京漢路局章君所藏莫愁湖圖

題錄人中國鐵路史

題湖南粵漢鐵路瀏城橋

題湖南粵漢鐵路白石港橋

京漢鐵路車中口占

張元奇

樊增祥

我

夏孫桐

易順鼎

文斐

袁德宣

袁德宣

袁德宣

湘江放舟

黃本祺

舟過小姑山戲詠

樊山

謝交通部張僉事彬人贈高麗髮紙

袁德宣

湘鄂鐵路黃課長穎初贈交通類編弁言作以謝之

鍊人

和交通部張僉事彬人贈高麗髮紙

黃徵

戊午四月五日京漢路局同人赴南崗窪植樹

鍊人

和鍊人與京漢同人赴南崗窪植樹原韻

鐵漢

和鍊人與京漢同人赴南崗窪植樹原韻

黃徵

和鍊人與京漢同人赴南崗窪植樹原韻

張之紀

交通部李技士俊夫四十初度賈三同座賦祝

鍊人

俊夫生日歡會賈三同座鍊人賦祝依韻和之

王幼彭

祝哈爾濱電報局顧局長衡如令慈六十

蔡傳奎

壽湘鄂路局黃課長穎初尊人煥吾先生七十

夏邦濟

和株萍路局夏課長直卿壽家君七秩原韻

黃徵

弔交通部曹技士灼彬愛姬秋舫

鍊人

弔交通部杜主事伯衡

鍊人

弔交通部杜主事伯衡

陸開鈞

賀京漢路局黃君聯琴戒酒納寵

鍊人

和鍊人賀聯吟家戒酒納寵原韻

戚震瀛

和鍊人賀聯琴吟家戒酒納寵原韻

黃徵

收婢作妾承鍊人諸兄惠賀佳章次韻奉答

黃丹

己未端節祝前路政司長搏九兄生日

鍊人

賀鍊人端節祝前路政司長搏九先生生日原韻

戚震瀛

前湘路局長牧希來書知其夫人沒於漢作此挽之

鍊人

答湘鄂路局黃課長穎初惠書

鍊人

五律

湖南粵漢鐵路開工紀念

袁德宣

湖南粵漢鐵路新河工程處落成

袁德宣

祝湖南粵漢鐵路長洙首段通車

陳蜚

祝湖南粵漢鐵路長洙全段通車

孔慶誥

送鐵漢測勘京熱路線

鍊人

湖南交通學校開校

袁德宣

交通文集 目錄

八

鐵路協會長沙支部成立

袁德宣

湖南粵漢鐵路汴滌試車

袁德宣

送交通學校宋管理蘭蓀之大梁

鍊人

祝交通學校鐵路班畢業

陶嘉揚

赴株萍路局舟過洞庭

夏邦濟

次株萍路局夏課長直卿過洞庭原韻

鍊人

與衛支歷耕兩君赴都過洞庭

袁德宣

祝交通部舉行實習試典

鍊人

交通叢報社新遷法源寺

鍊人

送京漢車務張副處長仁齋赴南滿考察

袁德宣

次鍊人送車務張副處長赴南滿考察原韻

黃丹

送赴日電氣博覽會參觀團

鍊人

和鍊人送赴日電氣博覽會參觀團原韻

鐵漢

交通叢報社再遷李精胡同

鍊人

賀四鄭鐵路通車

袁德宣

遇穎人南口車中出示遊入達嶺作奉和原韻

曼仙

送交通葉次長赴歐美考察

送鐵漢諸友測勘吉會路綫

測勘吉會過老爺嶺寄鍊人

和鐵漢測勘吉會過老爺嶺原韻

鄆城車次別查芸孫

哭漢粵川鐵路督辦詹春城先生

哭漢粵川鐵路督辦詹春誠先生

題交通叢報六十期紀念攝影

和鍊人題交通叢報六十期紀念攝影原韻

祝津浦鐵路鄧處長筱浦令慈梁太夫人七十

株洋鐵路夏課長直卿三十六歲初度以所成三十六句見示仍擬三十六句贈之

七律

火車去來經廣武隧道

黃河鐵橋

題交通部蔡君斗南停機勗學圖

飛艇八首

曹璜

鍊人

鐵漢

鍊人

李遂賢

袁德宣

黃徵

鍊人

戚震瀨

袁德宣

袁德宣

樊山

樊山

易順鼎

樊山

賀湖南粵漢鐵路工程處落成

鄒壽熙

祝交通葉次長尊人仲鸞先生六秩晉一

孫寶琦

祝交通葉次長尊人仲鸞先生六秩晉一

周自齊

祝交通葉次長尊人仲鸞先生六秩晉一

梁啓超

祝交通葉次長令尊仲鸞先生七秩開慶 並序

袁德宣

九江路局登樓閑眺

陳伯嚴

赴嶺南鹽署舟過洞庭與鍊人話別

包炳坤

和子卿親家赴嶺南舟過洞庭話別原韻

袁德宣

祝前湘路總理陳佩珩先生六十

袁德宣

贈交通學校鍊人校長

王訓

題鍊人碧廬吟草

藍顯鑑

謝部委粵漢鐵路唐局長監考交通學校畢業試驗

袁德宣

與衛支歷耕兩君赴都舟抵漢泉

袁德宣

讀交通部蔡主事斗南報暉堂有感

權國垣

酬交通部權主事子藩讀報暉堂有感原韻

蔡傳奎

疊交通部權主事子藩讀報暉堂有感原韻

袁德宣

鐵漢長考工再書贈之

鍊人兼京漢路局秘書依韻答之

和鍊人贈鐵漢長考工原韻

京漢鐵路局黃君聯琴五十初度置酒賦賀

和鍊人賦五十生日原韻並以誌感

鍊人鐵漢招飲京漢鐵路北京西站新園卽席有作

和一厂先生西站食廳卽席原韻

和一厂先生西站食廳卽席原韻

祝前鐵路協會梁燕蓀會長六十

祝前鐵路協會梁燕蓀會長六十

鍊人社兄七夕新遷大阮府招飲卽席賦賀

和一厂先生辱賀七夕新遷原韻

和一厂先生賀鍊人七夕新遷原韻

和一厂先生賀鍊人七夕新遷原韻

和一厂先生賀鍊人七夕新遷原韻

和一厂先生賀鍊人七夕新遷原韻

袁德宣

曹璜

蔡傳奎

袁德宣

黃丹

易順鼎

鍊人

鐵漢

沈琪

關廣麟

易順鼎

袁德宣

曹璜

吳宣光

金丙炎

黃徵

依七夕新移原韻轉賀一厂先生喬遷

袁德宣

再謝鍊人社兄七夕新遷嘉招並柬鐵漢諸君

易順鼎

和一厂先生再賀七夕新遷原韻

袁德宣

和一厂先生再謝鍊人七夕嘉招原韻

吳宣光

和一厂先生再謝鍊人七夕嘉招原韻

黃徵

鍊人社兄寵詩奉和卽正

易順鼎

壽湘鄂鐵路黃穎初課長尊人煥吾先生七十

呂莘

壽湘鄂鐵路黃穎初課長尊人煥吾先生七十

袁德宣

送四鄕路局虞局長尊人西津先生歸葬

錢鏞

祝交通部李君子光令慈陳太夫人七十

袁德宣

鐵漢以秋舫女士遺句囑賦鹿盧體率成四律

陸開鈞

鐵漢以秋舫女士遺句囑賦鹿盧體用和九兄原韻

鍊人

鐵漢以秋舫女士遺句索和鹿盧體率成四章

陶翰通

送交通葉次長京漢王局長赴歐美考察

袁德宣

和鍊人送交通葉次長京漢王局長之歐美原韻

黃徵

交通次長玉甫師出使歐美各國賦呈

霽東

送權督辦赴吉會鐵路新任

袁德宣

和鍊人送權督辦赴吉會鐵路新任原韻

黃徵

賀京漢孟廣副局長榮誕並與張女士結婚儷喜

京漢路局同人

賀京漢孟廣副局長華誕榮婚用京漢局同人原韻

黃徵

交通部第一次運輸會議賦詩恭紀

諸以仁

鍊人社兄以鐵漢江密峯近作見示勉賦二律

戚震瀨

和孕東社兄贈鐵漢江密峯近作原韻

鍊人

祝交通部龍主事澄宇尊甫悅叔先生六十晉二

蔡傳奎

祝交通部龍僉事澄宇尊甫悅叔先生六十晉二

水鈞韶

祝交通部龍僉事澄宇尊甫悅叔先生六十晉二

京漢路同人

代挽四鄉鐵路虞局長尊人西津先生

戚震瀨

哭漢粵川鐵路督辦詹睿誠先生

鮑庚

祝京漢路局戚孕東社兄四十三歲生日

鍊人

謝鍊人已未生日贈詩並次原韻

戚震瀨

祝京漢路局孕東同年四十二歲初度並次鍊人原韻

黃徵

和穎初同年己未賤辰贈詩再次鍊人原韻

戚震瀨

賀四鄰路局彭君述成與俞女士結婚嘉禮

鍊人

元首賜題溥平正直匾詞卽前所刻章語賦以誌之

鍊人

西北利亞鐵路車中

林下老人

航空學校借外子觀飛艇戲作豔體

競翠

祝交通部殷君人靈令尊雲翔先生七十冥壽

張緝光

祝交通部殷君人靈令尊雲翔先生七十冥壽

李盛鐸

祝交通部殷君仁靈令尊雲翔先生七十冥壽

沈琪

祝吉會鐵路權督辦令慈袁太夫人八旬晉五

曹瑣

祝吉會鐵路權督辦令慈袁太夫人八旬晉五

袁德宣

祝京漢路局戚孕東君令叔玉豐先生六十

袁德宣

賀鍊人鐵漢衛芝三兄生日

石甫

祝寶甫先生六十晉二並鐵漢衛芝兩兄生日

袁德宣

和鍊人祝寶甫先生六十晉二並鐵漢衛芝兩兄生日原韻

黃微

和鍊人祝寶甫先生六十晉二並鐵漢衛芝兩兄生日原韻

戚震瀛

和鍊人祝寶甫先生六十晉二原韻並賀鍊人新受紫綬褒章

曹瑣

祝交通部陸渭漁參事四十

付毓雋

祝交通部陸渭漁參事四十

蔡傳奎

祝交通部陸渭漁參事四十

袁德宣

京綏道中紀遊

傅熊湘

正太車上偶吟

林傳甲

古體

五古

題鍊人中國鐵路史

粟彬

乘車遊昭山

黃梓齋

車過石家莊懷古

袁德宣

賀路政關穎人司長合登

徐世章

贈鐵漢出測吉會鐵路

陶鞠通

鐵漢以測吉會路綫來雞林聚談經月將之敦化因集五古以贈

易克樸

三十六歲初度偶成五言三十六句

夏邦濟

和株萍路局夏課長直卿三十六度原韻

曾昭澤

七古

脂車行

黃徵

弔飛行家馮如君

鍾振之

車脫鎖

鐵佛

汽車中觀預南諸山

穎人

送交通部特派委員赴東京中日鐵路聯絡會議

袁德宣

鍊人生日卽席賦賀

陶鞠道

鍊人領交通叢報遷居李靖胡同歌以贈之

陶鞠道

題鐵路學校首君吟文亞醒草廬圖

林紆

題鐵路學校首君吟文亞醒草廬圖

實甫

題天橋消夏集

鍊人

題交通部林君德明三十肖相

蔡傳奎

鍊人社長生日卽席賦贈

成震瀛

京綏鐵路局在偏薄有亭臺花木之勝相傳爲陳圓圓舊居雨餘吟眺賦此懷古

葉祖鼎

交通文藝集

卷一上

文錄

序


交通紀實序

國家文野視乎交通發達者必強幼穉者必弱此一定不可移之公例也吾國路線延布纔及萬里郵電未能普及航業更無足稱者處今之世當今之時縱夜以繼日以圖之而猶不足與空中交通海底交通事業展之歐美各國並駕齊驅况乎却步以追前人哉鄙人承乏交通急思整理雖學識不足以爲而事事公開時時惕勵之心則未嘗一日去諸懷語曰前事不忘後事之師旁屬員司將歷年交通情形摘要編之名曰紀實置之座右庶幾多識往事以爲進步改良之助並以享諸世人俾共知交通之實也中華民國五年十一月秋浦許世英識

鐵路辭典序

民國二年同人以鐵路名詞迢有待於審定之急集會研討推不佞主其事都專門士凡一百一十人自撰擬大綱從事纂輯迄於參稽商榷審定迢錄校讎印刷前後凡四十閱月大

葉恭綽



小會以百數用成斯編因爲之引曰浩矣哉學術之無窮也自十九
 因之益繁擴摭搜討窮年莫殫是書篇幅不過七百名詞不及六千直如稊米太倉其不能
 包羅彙括不待言已夫翻譯文字以信達雅三者相兼爲難此中甘苦凡從事譯者類能
 知之然猶不足以語名詞也翻譯文字限於意而不限於辭故潤色描摹旁證曲引猶得操
 翰自如隨心所至若夫名詞每爲字之數所限取精擷華貴乎簡該但刻意求簡則義多晦
 澁務於了達則又失冗長此簡之難也英德法文原義未能錙銖悉稱調停衆異折衷漢文
 非穿鑿附會卽削足適履又或名同物異各具妙用望文生訓顧此失彼此又信之難也歐
 美名詞或借姓氏或襲地名或採俗語各據方聞不必盡有意義迨一經轉譯意義卽生求
 諸字書苦無專字聯綴造意有類詮疏名詞本象至是而失故往往一字推敲數日不決此
 又達之難也科學應用儀器機械日出不窮灌輸東來詫爲未見以其不可名狀任呼馬牛
 沿用既久遂成習慣通俗之言固不盡合古訓而深奧之字又難索解今人此又雅之難也
 不寧惟是木書編輯諸君大都散處各方以其隙餘更迭從事全書之成非出一手故部居
 條附體例或欠精嚴就簡刪繁去取豈無疏略此又輯譯之難也綜就所述卽此區區成已
 匪易蓋自屬草以迄殺青稿凡三易閱時三載始克成書雖不足語夫著作之林或庶幾有

裨當世之用。繼今以往。仍歲纂修。尙當有事乎糾補。倘海內宏達。以是爲正名之梯。枕而匡其闕失。俾臻完善。是則本書之榮幸也。夫葉恭綽序。

鐵道全編序

李家駒

國家成立之要素有三。曰土地。曰人民。曰主權。固已然。譬之人身。土地如肌膚。人民如骨幹。主權如神經。苟無筋絡。聯屬於其間。頑純不靈。直偶人而已。若鐵路者。則國家之筋絡也。十八世紀以來。觀人國之盛衰者。輒以其路線之長短爲衡。邇者我國鐵路之觀念漸深。上設郵部。下立公司。汲汲經營。全國之筋絡。常不十年即可貫通。乃豫定之路線。雖多而事舉功成者。殆寡。此何以故。日本勝部氏謂。由不嫻其技。致人譏疑也。蓋無論何種之事業。必有因應其事業之學問。而學問之程度及範圍。又必與之相副。而後可以勝任。况鐵道事業。複雜實合。工商業兼而有之乎。故昔日祇有鐵道學。邇來更分鐵道學、爲業務、建設、機械之。三科。湖南諸生。負笈東遊。卽從事於業務課餘之暇。編纂是冊。以響祖國。其有裨於路政。豈淺鮮哉。至是篇所論。列詳備。明晰。讀者自能辨之。不具論。論其大略。以爲序。

鐵路危言序

詹天佑

聞歐人方克伯有言曰。就天下大勢而論。則中國之面積。與人數。其鐵路應得九萬英里。又

曰就中國已成之路而論借款之路其費鉅自築之路其費省比而較之總在三分之一換言之即借款修路九萬英里而以中國之法築此新路所省出者足以再造新路四萬五千英里此其大略也近觀吾國路歷孰得孰失如火燭物無容強辨然各國之路互有得失而中國之路亦互有利弊所宜參酌損益取其長而棄其短謀其新而不遺其舊審利弊之由酌從違之準不禁於是編深長思焉王君兆熙哲學博士也崇尚實功推精闡達必得其當而後已而是編之論鐵路羸絀尤於天下大勢如掌上觀文夫而後就各國之實際比較所得之義理而復擬以預防救濟之六策旨哉言乎知於此道三折肱矣所願從事路政者其奉是編爲矩矱焉丁巳春囑爲弁言不揣固陋謹述梗概如是

交通文學序

姚國楨

三代及秦專家之學皆以吏爲師兩漢以降官吏失職張蒼章程蕭何律令不列藝文而九流百氏之學亦日以湮滅夸詞竄說轉相仿效甚乃以秦爲詬病章實齋氏奮起千載之後迺明其大原曰有官斯有法故法具於官有法斯有書故官守其書有書斯有學故師傳其學有學斯有業故弟子習其業秦人以吏爲師猶官守學業合一之謂也嗚呼官守學業之不合此中國之所以日益退化歟有清之世號爲右文顧所稱爲士夫者呻佔畢治訓詁習

詞章窮老。盡氣以無用之文相高一涉。仕途畫諾。坐嘯叩以吏事。則一聽幕僚胥吏所爲。道威之際。海內綴文之士。未易千百計。而左文囊。謂天下能爲奏疏者。獨某及胡曾二公耳。於萬億千百學者。文人之中。求其能操奏牘。陳述事理。動中竅要者。僅僅二三元老是尙。可名爲有教有學之國哉。降及晚近。學校朋興。士習歐化。拘墟篤古之流。憫然以斯文將喪爲憂。然求其人之所誦說。實無所用於斯世。猥以充教科飾耳目。日本與西來之學。枘鑿而不相入。而賤牒簡牘。將本學說以赴官程者。又不可悉求之於旁行之文字。故用文之途愈廣。而學文之途愈隘。官師學子。舉用爲病。曾君擽九。早以文學知名海內。而致力於路郵航電諸政。學兼採歐美日本之官師法。守蔚爲吾國專家。比歲主講交通傳習所。與余昕夕論學。毅然以革新文學界自任。頃者萃集其疇。曩論述路郵航電四政之作。及各種公程式編爲交通文學講義。以詔學者。余受而讀之。蓋有用之書也。有官有書有學有業。三代之教。薪以是復。而陋儒選政曲學小文。將一掃而空之。循是以推農工商鑛財政軍事。罔不需文。需學則所以肄其文。以昌其學者。將各賴其官師。而章程律令之屬。炳然與六藝爭光矣。余不敏。粗聞四政之緒。嘗苦其文之不能達。得君此書。將先諸生而誦述之。謹序。

鐵道統計序

吾之初志鐵路學也如鄒衍談天莫之與並器吾者且僉以小試見奇無何陳晃初君東渡獨能高瞻遠矚以鐵路爲醫國良方發憤就學吾欣然者久之越明年吾考察全國鐵路拔所學及經驗所得者著中國鐵路現勢通論四十萬言舉國士大夫始知列強所尙鐵路政策乃滅國新法之代名詞路權一亡則國無倖立於是收回自辦主義一唱百和震動全球而是時陳君亦在湘中與同志組織鐵道學校殷殷教育造就者凡數百人鼎革事起吾因病返鄉聞陳君以品敦學粹經當道推舉總理萍株不覺距躍三百喜同學已闢治路之先河今春重遊燕地承乏交通部統計科憫行政方針紊亂無狀迺創設統計講習班並撰統計學教科書冀樹施政之標準適全稿告竣陳君忽持所編鐵道統計乞序吾檢閱一通盡善盡美愈服其所見略同嘻如陳君者誠可謂忠於所學者矣夫我國辦路已歷四十餘年然其發達之遲較諸各國幾不可以數計此果何由而然耶蓋統計不備則改良進步之道規畫無由吾嘗謂世界鐵路統計表獨缺吾國一席非無路可計也良以司路政者不知其所以計之之故斯書旣出不啻與越裳氏以指南之車路界諸君其速斲兮鑽研奉爲振興路務之圭臬切勿自甘固陋貽識者以不學無術之譏則不僅鐵路前途之幸抑亦統計界無上之光榮也吾將拭目以俟

交通類編序一

詹天佑

去冬入都適交通叢報五週年紀念承推鄙人爲名譽社長良用慚悚誠以交通新聞非易事也間嘗披覽西籍見美國鐵路大王阿利曼曾任記者發明電學大家佛蘭克林首創新聞所出報章皆指導詳切發揮透闢其名言精理令人傳誦之不忘故二氏者乃由新聞鉅子躍而爲交通界之名人言論者事實之母有言論以闡所學而後事業之偉大可一蹴而成袁子德宣品學兼擅創辦交通叢報已歷五稔抉擇所集裊然成帙其書之價值有裨於交通行政者當不問可言而吾尤望袁子以新聞之言論進而成交通之事業且可於此書之出而卜之蓋袁子首與余君堯衢創辦粵漢鐵路始軼已發今又徂役京漢鐵路固方興而未艾也是爲序

交通類編序二

王景春

交通之爲世重也久矣余嘗遊歐美各國見其交通發達駸駸然有一日千里之勢而其若路若郵若航若電互相維繫而又互相發展初不解其何故迄觀各國報章對於交通四政者幾不勝俛指分之則路有路報郵有郵報航有航報電有電報合之則路郵航電有叢報叢報之中有週報有月報有年報所以各國之交通事業日見其改良交通學問日見其進

步雖主持交通者殫精竭慮有以致之而其得於報章鼓吹之力指導之功實不少也甚矣報之一物不其交通促進之橐鑰乎返觀吾國交通事業本值幼穉時代不可與歐美同日而語然其促進之橐鑰幾於鳳毛麟角之不獲多見除成立最久之鐵路會報近年出版之交通月刊以及電氣電界兩雜誌外未見他報以如此之事業而促進橐鑰寥寥之若晨星又何怪交通事業與交通學問進行遲滯不能與歐美並駕也幸矣有交通叢報自出版以來已歷五寒暑對於若路若郵若航若電四大政旁徵博引深究精研頗得歐美各國交通月刊之旨今以五年之成績類撰而成一帙條分縷晰朗若列眉不可爲交通促進之一助乎然而社中諸君毅力熟忱亦可謂良工心苦矣余不禁欣然慰之猶望是書一歲一編以合歐美年報之例則所成者大而交通之前途庶更有裨焉

交通類編序三

黃徵

吾友袁子浚明以累載刊行之交通叢報最爲類編其於交通事業之廓張足爲震旦人民之翼導吾既掇其智稜猶有引喙矣而是編之綴輯尤有異於其他裨販之叢鈔理則博而趣駭言以仁而利溥迹其功用良足稱焉夫繁星蔽天張角或眯散錢滿地壘貫斯艱狐一腋而何珍鷄千蹠而益美繫古懋修之士績學有聲其克機杼一家經緯畢具笙簧六籍餽

釘無譏者必其元元本本殫洽異於雜揉詹詹炎炎小大均於致用斯語長而心重乃實茂
 而聲宏方今道重知新文宜經世其在交通之企業尤需藝學之端家驪珠有賴深探麟
 奚容僞飾自非汲明於先覺問道於已經登山既蔑其階梯駕海將迷其津筏東鱗西爪誰
 爲啓蟄之龍北轍南轅安見識途之馬是編屬辭比事義仿春秋崇實黜華文殊月露絨滕
 盡關極纂組之千文錦軸紛陳萃琳瑯之百寶析之則門分戶別各有堂奧堪尋合之則玉
 鑿金炊不慮餅纍或罄宛聚珍於一室無假他求任轉益以多師均堪實獲視彼零紈碎拾
 無補天衣暗室冥搜如撈海月者衡其得失判若霄淵此則取精而用宏奚啻事半而功倍
 是便檢尋其利一也歐風東漸樸學西繁掬物競以日新奪天工於人巧地窮煮胛徧置庚
 郵山巨懸繩悉經亥步網環蛛而較密八方畢會中樞隙展駟以遄飛萬里瞬通警欬兼以
 犬牙繡錯各備西鄰馬首高驥咸思東略鳶戾天而上察爭乘犯斗之槎犀行水以潛分眞
 見伏波之艦綜陸讐而水慄舉智盡而能殫迨夫禹甸迴瞻乃覺康衢增痛馬牛風梗轍迹
 誰周魚雁天遼浮沉可慮濟川豈云無楫掬指皆異國之舟縮地亦誠有方吮血徧諺臺之
 債腹當鞭而不及非惟幅廣徒荒臍經噉以無餘抑且陸沈堪懼是編取材彌富借鏡尤多
 補牢事迫於莊辛師夷學優於鄰子盲人瞎馬心懼墮彼危途暮鼓晨鐘志在發人深省冀

虎。俛。之。不。作。共。鑿。前。車。期。獅。睡。之。過。醒。合。謀。後。盾。振。聾。啓。聵。聰。彊。賴。以。發。舒。救。敗。圖。功。觀。感。
 於。焉。興。起。是。資。警。覺。其。利。二。也。自。來。羣。萌。之。達。道。貴。專。研。庶。績。之。熙。功。推。演。進。衣。之。好。兮。改。
 造。本。授。粲。之。常。經。琴。不。調。則。更。張。尤。革。新。之。公。例。岱。雲。起。於。膚。寸。不。崇。朝。而。雨。徧。中。原。河。源。
 濫。若。涿。蹄。匯。百。川。而。波。騰。大。海。固。知。事。無。微。而。不。鉅。力。至。斯。彰。理。無。顯。而。不。幽。思。精。乃。豁。芥。
 塞。礮。石。擴。之。則。電。力。彌。天。輅。始。椎。輪。恢。之。則。雲。車。匝。地。側。聞。西。邦。羣。彥。尙。求。生。面。別。開。豈。可。
 東。方。病。夫。竟。忍。望。塵。卻。步。至。若。藝。推。從。政。自。仗。羣。才。利。用。前。民。端。歸。實。驗。害。難。去。馬。知。物。腐。
 而。蟲。生。善。不。如。人。必。汲。深。而。綆。短。譬。若。良。醫。切。脈。允。宜。洞。見。膏。盲。亦。猶。大。匠。程。材。安。可。妄。施。
 繩。墨。是。編。楛。良。細。別。理。析。牛。毛。利。病。樊。陳。事。懸。龜。鑑。挈。長。較。短。如。披。統。計。之。書。數。往。知。來。一。
 洗。盲。從。之。陋。用。作。他。山。攻。錯。心。彌。苦。於。良。工。以。爲。當。路。箴。規。事。應。賢。於。諫。鼓。是。備。觀。摩。其。利。
 三。也。有。茲。三。利。愈。顯。百。宜。聞。不。厭。於。求。多。益。實。宏。於。開。卷。莘。莘。學。子。非。無。幹。國。之。材。汲。汲。窮。
 年。或。起。望。洋。之。歎。高。自。卑。而。遠。由。邇。躡。等。原。難。山。採。玉。而。海。探。珠。守。株。亦。昧。必。假。途。以。捷。獲。
 斯。履。岸。以。先。登。嚮。導。未。逢。羊。每。忘。於。歧。路。津。梁。既。值。驥。輒。附。於。雲。衢。專。門。欲。蚤。名。家。將。伯。豈。
 堪。無。助。則。居。學。校。者。宜。讀。是。編。葑。豐。味。日。位。忝。居。高。草。偃。從。風。機。原。自。上。吾。國。車。稀。同。軌。命。
 滯。傳。郵。舳。艫。鮮。橫。海。之。觀。琥。珀。短。架。空。之。線。匪。特。愚。柔。自。固。民。智。不。瑩。抑。亦。倡。導。無。方。官。能。

未盡果使九垓命吏共策梯航百里小侯咸除道第安見東西兩戒不徧緇以金繩南北一
經弗齊揚乎汽笛逝波如夢來軫方適惟急起以直追或月殊而歲異則登仕版者宜讀是
編若夫環甲從軍氣矜蓋世由庚遘路事罕循規挾軼慣走鄭郊假道寧須屈乘鍤葱靈而
載寢車告乏而周轉不靈迫奇肱以飛馳軸橫撞而顛覆立見皆由周行之不曙寢成戎索
之無疆如能關鍵徐諳冰淵自惕知履險之無倖安貴蟹行審率由之有章庶馴龍性則著
軍籍者宜讀是編又若五都貨殖事實居奇三倍金贏利需應市計然展趨時之略知機實
賴如神豉高有愛國之心轉饒尤須捷給舶來品頤挽溢利以何從水到渠成如寫經而恰
好凡克操夫勝算均有藉於新知則營商業者宜讀是編稗海旣通社交日溥林林總總疇
老死不相往來攘攘熙熙願到處盡逢歡喜或尺素貽從遠道作答難遲或乘黃贈送尊親
愆期未可或選勝而攜蠟屐脂車利獲指南或營生而挹酒漿揭柄懼嘲維北果行窩之欲
覓自寶笈之常窺則凡治民事者咸宜讀是編抑聞干城心腹難語閨人然而巾幗鬚眉類
諳時務儷諧嘉淑彌多贈答之篇志勗嬰陵可乏廢興之識毋兮陟屺尙載春暉伯也執爰
何傷杲日值此嶺雲數變海水羣飛雞鳴應促子與鶴瘦寧堪婦歎東瀛負笈雌流亦破長
風西方結襪嘉耦恒過密月縱或征袍手絮未免牽兒女之情果皆智鏡胸懸何至短英雄

之氣則凡持女誠者亦宜讀是編嗟乎幕巢燕雀來日大難陸起龍蛇我生靡樂天多漏穴誰工石煉媧皇日返虞淵願共戈揮夸父袁子時艱蒿目民瘼愴懷以杜牧之罪言據賈生之治策鑪錘在手實冶衆長金石有聲自殊凡響會值殺青之際屬爲題白之詞棖觸旣多芻言遂夥借酒杯而澆塊壘僕愧狂夫徇木鐸而作道人公眞健者試看興酣筆落早已粲醴陵之花從茲戶誦家絃何啻貴洛陽之紙瀏陽黃徵

湘路文電輯要序

余肇康

余以病謝湘路之役五年於茲矣衰慵視息不復過問聞在事諸君子支持殘局多所保全則愀然慰望頃承以所編文電輯要寄示山中披閱一過自開始至於告成事凡夫有關路政大端首尾略備就中經鄙人手訂者爲較多余惟先朝新政莫大於所在鐵路以湘路爲最艱阻當夫丙午以前從美商合興公司廢約贖回鄉之諸君子飽更盤錯籌款招股百凡創始並極困難功不可沒逮辛亥以後則公私股款之糾紛涿涿工程之煩重脫有疏失指目隨之而諸君子奔走補救內外兼圖率以維持不敝嗚呼豈易易哉若夫丁辛五年之間鄙人實承其乏時方歸田養母杜門不出而鄉之朝官外吏與夫在籍同人緘電會集一致推舉哀然成帙湖督張文襄公至以意存高蹈坐失事機致誤全局相敦促郵傳部並有劬

任勞怨之奏十辭不獲則並理財考工爲一職日與諸君子戡掘經營夜以繼日既誓不用一錢不私一人則惟殉吾身所能至而無所於逭避亦惟表吾心之靡他而無所於毀譽閱時雖垂五年而前後事變乘紛多停工其實長洙百許里以戊申十一月初九開工至庚戌十二月十九日即已一律通車其間尙因洙昭一段部令停罷數月爲時特年許耳且長岳亦於是月初四日報明開工使賡續不已此時轍跡所到下岳上衡可斷言也乃未幾而國有矣又未幾而國變矣今覽是編雖限於篇幅不能無所刪節而當日所歷之境焦勞憔悴困苦顛連情狀如在目前諸君子不負初心能事畢矣鄙人未能相從卒功方愧感之不暇夫復何言辱三書問序不敢辭輒書以歸之乙卯先立秋三日長沙余肇康識於倦知廬

中國鐵路現勢紀要序

湯化龍

自煤鐵稱霸以來百凡機械日呈奇鬪巧於寰區而尤以鐵路爲傳導文明之利器吾國鎖港時代鐵路利害在文人學士間尙成爲問題掉舌鼓唇閤陋可哂外人乘隙而奪其利以去者殆不可計數甲午以後情見勢絀始怵然於棄利之可惜於是對外熱心於利權之收回對內與爭政柄國有民有之論卽爲辛亥改革之動機鐵路之爲物在吾國竟成爲君權民權嬗蛻之紀念品詎不異哉庚辛之交不佞在鄂主持議局亦嘗與聞路事於此中機緘

知○之○極○稔○今○追○溯○往○迹○歷○歷○如○在○目○前○橫○覽○中○國○鐵○路○形○勢○雖○較○諸○歐○美○諸○強○輪○鐵○綦○布○全○國○固○不○免○瞠○乎○其○後○然○一○念○往○者○之○苦○力○奮○鬪○實○不○意○尙○有○今○日○之○成○績○也○願○吾○國○鐵○路○以○國○民○資○力○艱○薄○之○故○全○恃○借○款○爲○挹○注○國○有○民○有○不○過○名○義○上○之○區○別○絕○無○立○於○完○全○自○主○之○地○位○者○緣○此○而○鐵○路○又○成○爲○國○際○競○爭○之○一○目○的○物○此○則○國○民○之○大○恥○也○頃○讀○張○君○鴻○藻○所○著○鐵○路○現○勢○紀○要○於○各○路○之○沿○革○及○締○造○之○艱○鉅○蒐○考○翔○實○雖○曰○紀○述○現○勢○而○就○中○國○國○人○以○競○進○者○意○深○且○摯○其○於○中○國○鐵○路○上○具○有○極○深○之○歷○練○與○絕○大○之○志○望○亦○於○此○著○可○見○梗○概○今○張○君○慕○已○宿○草○後○之○人○展○覽○此○編○可○了○然○於○鐵○路○經○過○之○歷○史○與○內○政○外○交○上○有○重○大○之○關○係○因○而○亟○亟○焉○籌○保○其○固○有○增○進○其○所○不○能○且○徐○圖○恢○復○其○已○墜○斯○則○國○家○之○福○不○僅○以○彌○既○往○者○之○憾○也○茲○張○君○嗣○子○光○斗○以○遺○著○徵○序○於○余○乃○略○抒○感○觸○所○及○以○還○之○民○國○六○年○五○月○二○日○蘄○水○湯○化○龍

京漢鐵路旅行指南序

關慶麟

古○者○輶○軒○採○風○木○鐸○徇○路○史○官○得○以○編○之○載○記○國○家○因○之○而○布○憲○而○當○時○之○學○子○亦○莫○不○周○知○其○國○情○焉○夫○上○古○乘○櫟○乘○橇○豈○乎○邈○矣○降○而○至○於○後○世○關○河○之○險○隘○道○路○之○崎○嶇○形○諸○篇○什○者○亦○莫○不○嗟○行○路○之○難○然○嘗○聞○之○士○當○讀○萬○卷○書○行○萬○里○路○又○曰○登○高○能○賦○可○以○爲○大○夫

夫其行路之難如彼而謀政於朝求學於野其重有賴於行路者又如此則古人攬轡騶
之錄歲時風土之書非惟文獻之所徵抑亦政令之所繫固不可等閒視之者也近代鐵路
既興千里之遙旦發夕至行路者誠可忘其難雖然古今變遷人亦因之而異古人不難於
讀書而難於行路今人不難於行路而難於讀書且古人之觀國也誦其詩披其圖稽其志
乘浸假而因其路之難行於是周章徘徊淹留歲月而關津驛路之修阻人情風俗之殊異
且因而言之詳而知之審今也輪軌棣通風馳電掣過都越邑會不容瞬苟非有書以供行
路者之考鏡大之何以謀國小之可以求學則旅行指南之作其可以已歟我國輿地代有
專籍卽客遊之士亦往往於所歷都邑郡縣一經考覈之後筆之於書所以嚮導後人激發
壯遊之志者其益良非淺鮮矧京漢一路爲南北交通之要道行旅往還冠蓋相望舉凡山
川之形勢勝蹟之留遺以及都會鄉鎮塵市旅邸之位置及其狀況皆行旅必不可不知之
事至路局規例驛站程途行車時刻運輸品彙其有關行旅尤不待言此書之作竊本斯旨
考諸載記證以見聞彙而成編以餉來者名曰指南意取示途目今文明諸邦其國民靡不
樂於壯遊不甘拳伏國亦日以富強吾國民豈無四方之志哉昧於行路而畏其難耳旅行
家苟手是編而一讀當有忘行路之難者若夫持此以貢諸政治家學問家之採錄則亦僅

爲椎輪嚙矢而已。

京奉鐵路旅行指南序

王景春
徐廷爵

繫我版圖。延袤萬里。物質民力。日以發抒。所藉以利交通。而便輸運者。舍鐵路而莫由。本路於全國路線中。建設較早。支幹綿亘二千餘里。以京師爲首站。以津門爲中樞。西連京漢。指臂可使。南接津浦。呼吸相通。逶迤東走。迄於瀋陽。然後與日本之安奉。南滿。俄之東清。西伯利亞。互相聯絡。是不第爲全國交通之樞紐。實溝通東西洋之一大關鍵也。中外商旅。出是途者。既日以衆。不有指導。奚識方針。不有圖籍。奚資考鏡。歐美鐵路。密若蛛網。於旅行指南一書。靡不注意。修輯或月一編。焉或數月一編。焉。凡以應時勢。供需要耳。本路是書之刊。始於清季。迨後國體改革。時事變遷。而本路工程。既有擴充之處。沿途風土。不無今昔之殊。凡若此者。無在不與國家政治。人民經濟。息息相關。是旅行之所宜知。不得不重行編訂者也。乃飭局員。蒐輯成書。凡旅客得此一編。則擔簦負笈。庶幾少問道之勞。而覽勝探幽。亦足增旅行之興。是書之編。或不等於覆瓿乎。

滬甯鐵路旅行指南序

胡韞玉

渡長江而南。石頭虎踞。鐘山龍蟠。殷殷隆隆。萬千氣象。秦淮秋月。棲霞春雲。泛棹玄武之湖。

憑欄北極之閣過江山水有如畫圖由秣陵而東南岡連巒接北固爲雄三吳襟帶之邦百越舟車之會固英雄之所竊據亦文士之所流連挹金焦之秀飲中冷之芳讀瘞鶴之銘考雲雷之鼎怡情靜性恍日清心雖在塵寰如遊雲表南朝陵寢半在金牛石馬嘶風銅駝泣月斷碑殘碣不可復識矣常州古延陵地訪季子之故居遺蕭氏之舊壘川澤沃衍襟山帶湖北通江淮東連惠錫桑麻積綠桃李餘紅樓閣凝煙山巒隱霧登九龍之頂七十二峯乍隱乍現於銀濤雪浪中也若夫聽寒山之鐘說生公之法坐琴台之石步響屨之廊尋鄧尉之梅試虎邱之劍或蒼涼蕭瑟或窈窕幽奇然而煙水浮青雲山舒翠草樹鬱鬱池館清幽蓋處處然也滬濱古稱荒冷輓近以來街衢洞達道路縱橫九市開場百貨列肆馬龍車水煙雲相連急管繁絃絲竹雜奏而龍華塔影歇浦濤聲軟紅十里中又未嘗無清淨境界也自此折而西九峯三泖滴翠融青食松江之鱸聽華亭之鶴文人隱士庶幾遇之嘉湖之間其俗善蠶桑密成陰麥秀翻浪菱荷覆水竹樹擁村靜女提籃兒童曬網濃陰沉綠天地皆青春盡夏初風景尤美西湖山水甲於東南濃抹淡妝只增嫵媚清華綺麗不可殫論觀八月之濤泛九秋之月放孤山之鶴聽柳浪之鶯雄奇淡蕩兼而有之若夫渡錢塘走山陰訪甬上之耆舊讀天一之奇書蓋亦別有風趣也溯自秣陵止於臨安千里之程一日而達古

蹟名勝隨處皆然。既載之編中矣。爰約其大要而爲序云。

鐵路學校畢業紀念冊序

黃贊熙

歲戊午，余膺鐵路學校講席者數月。旋于役隴海。弗克其緒。未嘗不惓惓於諸生也。邇者高等甲組卒業。將刊紀念冊。以誌弗諉。徵序於余。夫炳炳琅琅之文。非余之所能爲也。諸生既不棄譎陋。以序屬余。亦本余所欲言者。還以告諸生耳。今之學生。皆侈口曰。聯絡感情。結合團體也。卒之以美感。始以惡感。終者數數也。以一團分裂爲數團。卒無一團能存在者。尤數數也。且徒私人之感情。團體而已。曾無所裨益於社會。雖甚聯絡。結合何貴焉。是知團體必以公義爲前提。而後有可久可大之道。諸生之學業於今日。終諸生之任事。將於今日。始此。後奔走於全國路界者。皆諸生之師友也。苟取聯絡感情。結合團體之說。而正用之。見解不必盡同。而意氣自無或忤形迹。不必相親而精神要可共貫。諸生之卓然樹立者。在此。培養諸生之職。教員所期望於諸生者。亦在此也。諸生果瞭於此。義出校以後。當永持互相策勵。互相提絜之旨。以底於有功。則予此一編。豈僅鴻爪雪泥。誌舊日之陳迹已哉。

北京鐵路校友會報序

俞人鳳

夫離羣者。諛聞。瞑求者。多誤。是以卜偃。動索居之感。韓愈發獨行之嘆。繫我先民。嘗憂孤陋。

矧值近代學術繁演羣智競進獨學無偶其事倍艱邇者鐵路專科諸生設校友會於京師謀精神道義之結合爲學理深邃之研求余既嘉贊之矣復進而會報之組織將以通情感闡學義賞奇析疑旁求博取甚盛舉也竊爲思之諸生之習鐵路者或已服務於路局或尙肄業於校中勢不能常蒞會萃聚一室有長譚縱辯之暇必借徑於楮墨爲交換智識之方會報之作誠不可緩已唯是學之所表著者悉得而觀諸其報則千里鱗鴻睹論學之宏箸一廬風雨賞筆記之珍聞伐木聽鳥鳴之聲攻玉借他山之助人將於斯報而驗諸生之成績矣尙其勉旃民國七年三月交通部鐵路管理學校校長俞人鳳序於都門

萬國電報通例序

周萬鵬

處全球交通時代則一國之政教設施不能不隨世界爲轉移苟自域焉其弊豈止隔閡而已考萬國電報公會創設於法蘭西之巴黎時在同治四年我中國電報尙未成立即外洋各國亦甫發軔會中所議僅及鄰國接遞各要端迨光緒元年續開會於俄國之聖彼得堡歐洲各國相率入會於是有公約有章程公議設總會於瑞士越五年會議一次奉行以迄於今上年開會於葡萄牙萬鵬奉郵傳部之命前往代表赴會聽講藉廣見聞爲入會之預備計與會者五十國未入會而與者尙有美利堅隨行者吳君桂靈榮君永清洋員德連陞

君會中規模完備成效昭著修正之萬國電報通例計公約二十一款章程二十二章凡八十、八、條、四、百、五、十、七、節、條、分、縷、晰、賅、括、靡、遺、因、屬、榮、君、悉、照、原、文、迻、譯、其、價、表、則、以、取、費、規、則、爲、各、國、特、定、故、略、焉、謹、按、公、約、經、各、國、政、府、允、准、含、有、國、際、公、法、性、質、者、也、章、程、則、原、本、公、約、各、視、其、國、之、商、業、引、伸、而、參、訂、之、不、啻、爲、國、際、私、法、焉、故、公、約、無、更、改、而、章、程、則、屢、有、損、益、是、編、所、譯、卽、上、年、所、修、而、入、會、各、國、本、年、實、行、者、也、夫、以、萬、國、之、大、小、強、弱、不、同、而、斷、斷、焉、謀、各、擴、其、權、利、則、不、得、不、藉、法、約、以、規、定、範、圍、蓋、匪、特、公、理、之、得、伸、抑、亦、衆、長、之、可、集、道、固、應、如、是、也、我、郵、部、分、年、籌、備、電、政、案、內、定、宣、統、五、年、入、萬、國、電、政、公、會、爰、舉、斯、編、亟、付、梓、印、俾、我、同、人、得、資、考、鏡、卽、當、世、蒐、輯、之、士、或、可、爲、研、究、之、一、助、云、爾、宣、統、元、年、十、月、寶、山、萬、鵬、謹、序。

交通名人略傳序

袁德宣

竊楮墨摹傳賢哲鬚眉如見馨香頂祝英豪勳業常新杯酒頻酌東西人多壯氣一卷足傳今古筆有餘芳矧交通諸哲爲世界放光明功垂不朽代人羣謀便利造福無涯者乎創始其誰述者謂聖觥觥巨子流貽遠焉今試數典紀之造車送使薪傳曾奉元公剗舟濟人製造應追黃帝置郵速於傳命孟軻遺訓堪稽飛電激而應時列子師承可溯淵源未沒宗派

宜尋安得以蘭臺之才龍門之筆撰世界交通史以傳諸世哉雖然我國交通初祖未修專史以爲壽然散見諸雜紀列傳藏之名山者不可勝計獨泰西交通界各名人創造旣神流傳又遠偉烈固彪寰海奇勛足耀山河樓指以數路界之錚錚者蓋世功勳阿里曼大王第一驚人事業畢士麥宰相無雙電界之矯矯者磨爾遞傳消息暗底潛通格儀協振機宜空中摸索郵界之卓卓者改良遞法希利功多製定價章畢公績著他若航界之傑出者關開新地哥倫布勒石銘勳濬通運河雷索富鑄銅作像此皆立功己國彰彰在人耳目者若聘來我國藉資贊助者亦大有人在落克脫飛來中土金達信是元勳葛顯禮會撰良規赫德合膺上賞然西人之勸勸我國其功固不可沒而中國邇來提振交通其功之在國家者亦當引而及之創設商輪李文忠獨具隻眼奏開官電沈文肅早竭精心設郵局以復主權此功不在禹下長路政而張國力其績豈讓阿王此蓋我國當行出色着着爭先者以上諸人事蹟繁多才能優美若不旁搜博探期與星日以俱光淹沒不彰盛業誰繼亦未始非學者之隱憾也今者世界交通益徵進步氣則易蒸而電線則化有爲無郵會立則萬國一家運河通則天涯咫尺是由大同世界漸入神化世界矣究之要皆交通諸賢竭無量腦力之所致也爰撰略傳以揚懿芬媿手筆非高恐士禕之過略願心香頻熱祝裕德以長存是爲序

中國鐵路史序

賀林榮

近世紀文明之發達實由物質思想兩方面積合而成。鐵路者物質的文明之利器也。然其初必有其人具一種交通之思想著爲理論以風動一般或文明新製作充分以著其效用。然後轟轟烈烈乃成爲勃不可遏之勢。十七世紀以來鐵路之起源導於英。踵於美。繁興於東西各國。至今日而創有空中海底環地球一週之奇議。於是二十世紀之鐵路史將爲最文明一大特徵。我國地大物博開國最早鐵路之發達宜乎陵歐駕美超越各國以上。乃百餘年來各國之鐵路已風行雷厲而中國尙在幼稚時期不亦可慨哉。同學袁君德宣思有以提倡振作因以著中國鐵路史藉補世界鐵路史之缺噫世界從此必放大光明已蓋一國無路史而各書雖炳炳麟麟鴻篇鉅製光星壽日揆之文明極點尙未能達是書搜羅宏富體例謹詳信能導一般國民之新思想而增進良物質祖國人士之見而讀之者觀其據事直書窺得失之林知盛衰之蹟時加猛省踔厲振興集資合羣爭圖企業他日汽笛一聲五洲響應則是書之影響良未可知特不識外人之有見此者亦能懾其狼吞虎視之雄心而鐵路政策屏然爲之退歛否此又文明史上之軍事上問題也。抑知從私權之規定對於人之所有權皆負有消極的義務而不可侵害攘奪故雖今世採用內外平等主義而於鐵

路諸大端未嘗不嚴加限制彼向之所以敢悍然肆其要求者以我不知權利之所在譬如投果道旁人爭而食之無怪其然也今見是編所書凡關於主義所在之點無不力爲防護其他一切軍實礦產商務政教等不肯稍自讓步外人將從是而退却焉則是書之戰勝亦良未可知鄙人材謏學陋不能自書所見以貢於物質的文明之史叢界然莊讀是篇一過不禁擱筆興歎爰綴其最重之關係願以質之於二十世紀之讀鐵路史者

湘路吟草序

陳 蜚

竊維客路三千豈乏周行之示國風十五何來下里之音蓋太史所陳止於問俗行人之作不逮審音况乎歐米梯航已異朔南限域卽采風所不及何覘國之可言賴有遨遊兼資吟咏杜少陵豈推詩史編纂失回鶻驪勾蘇長公雖謫邊州紀述止蠻煙甍雨然則行萬里成一編不獨藝林獵寶且爲國乘照珠矣袁君浚明以求學而東並采風而返耐人尋味比紀載尤精依永和聲爲雅言所托嗟乎櫻花春到秦娘門外天涯淺草路迷靈運夢中風雨此鄉雖好非故都庾郎因而蕭瑟春水來如坐上班生不啻登仙悲驩各殊見聞則一如袁君動懷故國留意文明豪端湧現三山車應西指海上歸裝八月道正南來知季重之多愁視休文而擊節蓋其難矣非人傑歟且也飛車讀列子之書乘槎借張鷟之阻斯人不出筆

路○誰○啓○山○林○惟○楚○有○材○杞○梓○共○推○楨○幹○爲○山○始○簣○比○路○如○棊○君○左○右○經○營○躊躇○詠○歎○本○詩○人○之○忠○厚○不○同○砍○劍○王○都○豈○壯○夫○所○不○爲○轉○笑○雕○蟲○楊○子○伯○仁○舉○新○亭○之○酒○愴○念○河○山○仲○將○署○凌○雲○之○臺○式○憑○文○字○凡○此○有○爲○而○作○豈○曰○無○病○而○呻○蛻○蠶○聞○高○臥○汝○南○見○便○面○京○兆○慚○孝○標○之○注○世○說○枉○自○翻○書○如○士○衡○之○讀○三○都○將○遂○擱○筆○勉○爲○小○序○以○稔○知○音○歲○在○庚○戌○九○月

蛻蠶先生死已三月矣。海上故人以重金求遺稿。其人其文可知。概梗余昨從舊篋中得公序湘路吟草一首。讀之聲咽欲絕。不堪回首。已三年也。嗚呼。斯人已矣。世道如何。之子云亡。風流安在。急錄登之。以問當世之知公者。民國三年五月鍊人注。

天橋消夏集序

袁德宣

竊○坡○仙○放○赤○壁○之○歌○韻○流○絃○外○摩○詰○敲○鞞○川○之○句○詩○在○畫○中○自○古○勝○蹟○流○傳○每○多○騷○人○題○詠○所○以○宴○張○金○谷○謫○仙○遂○以○成○詩○禊○祓○蘭○亭○右○軍○因○而○作○序○者○也○原○夫○天○橋○者○正○陽○門○外○一○舊○蹟○也○虹○腰○雨○濕○泥○淖○盈○途○雁○齒○烟○迷○囂○塵○滿○地○不○似○金○鰲○玉○蝮○空○懷○駟○馬○高○車○午○戌○一○炬○盡○成○焦○土○霸○陵○離○別○地○更○銷○魂○津○渡○荒○涼○人○誰○側○帽○警○長○高○君○見○而○惜○之○以○荒○頽○之○廢○址○闢○公○共○之○游○園○引○水○築○堤○種○花○蒔○竹○條○條○楊○柳○恍○似○隋○堤○樹○樹○桃○花○渾○疑○立○觀○嫩○陰○墮○地○游○絲○障○天○春○意○何○如○綠○上○葡○萄○之○架○秋○光○未○老○紅○飛○茵○茗○之○鄉○未○幾○而○蓮○池○成○如○是○傍○松○結○樓○牽○蘿

補屋水心鏡澈亭正臨風波面金浮艇宜泛月一篙蘸碧人來銷夏之灣兩屐拖青客到藏
春之塢借問酒家何處紅杏村前試聽簫鼓連聲綠楊畫裏愛西山之當面四時風景依稀
似北海之停踪一片湖光盪漾漪瀾堂額湖光浮玉四字而且雲璈三疊檀板一聲好鳥弄音游魚出聽攜
琴小憩坐談天外之天扶杖散步認路中之路况復稻花滿隴豆蔓一籬瓜圃分涼領故
侯之風味韭畦冒雨識學士之襟懷地不辨夫城鄉賞更宜於雅俗比江亭之晚眺別動騷
情傲刹海之遊觀更多邱壑不讓鴛湖當日應多佳句留題宛同蠡澤風光宜有新詩點綴
此奎騰解元詩文之所由徵集也於時則有青衫墨客黃絹詞人對月揮毫托霞染翰效瓊
華之撰記健筆凌雲繼會稽之紀游清詞麗日奎遂提倡風雅採輯珠璣鱸冶百家光燦華
林之苑牢籠萬類芬揚文選之樓非徒銷夏日餘閒實足壯春明景色矣僕才非吐鳳技等
雕蟲瀛島歸來慨滄桑之屢變都門小住厭絲竹之紛喧遊太液而訪遺宮斜曛憑弔上錦
墩而尋香塚斷碣摩娑到處流連逢山繫戀呼僮檢點酒囊而外琴囊對客評量畫稿而兼
詩稿而此則茗椀常設吟屐頻來春日聽鷓秋風鬥蟀勝游無恙非關人影衣香好景宜人
莫負酒懷詩料海內本多佳作縱自慚白雪陽春世外不少知音好共譜高山流水民國八
年夏月鍊人序於都門

亞醒草廬詩序爲鐵路學校首君吟父題

袁德宣

神州莽莽黑幕初開長夜漫漫黃梁乍熟蘧廬無恙任憑吾輩優遊臥榻依然豈容他人對
睡問臥龍於當世尙存諸葛之廬笑蝶化於何年莫入莊周之夢此日豈病夫之日美歐風
雨頻催是鄉非睡漢之鄉虞夏河山大好此吟父亞醒草廬之所由署也吟夫海內英流湘
中俊彥先覺還期大覺衆醒不忍獨醒東渡蒼茫看三島風雲之變南湖歸去慨五洲局勢
之奇問誰咄咄逼人鷹瞵畢視笑我沉沉未起獅睡方酣地猶湖舞山歌何處晨鐘驚破人
半醉生夢死幾時警枕催醒五千年老大悲傷漫道六朝如夢四百兆頽唐沮喪誰教好事
多魔蕉鹿猶迷蒲牢誰扣欲醒東陸速喚南柯吟父亞醒之署不有以乎嗟嗟吾道久衰黯
然無色老天若寐覺果何人四顧茫茫孤懷落落念徐生於海島旭日如何慨箕子之遺墟
陰霾未已今則雄雞催白朱鳥驚紅亦愛吾廬托吟情於靖節欲知先醒問往事於靈均豈
故鄉無此湖山猶記碧廬之詠敵鄉山碧草廬承黃樞
腴譚俎尸兩先生題喜少年本皆同學何羞白屋之吟

園遊雜紀序

鍊人

做春宴於華園謫仙因而作序訪仙人於舊館王勃輒以摘詞所以觸景興懷東坡有紀遊
之作搜奇誌勝西堂多雜俎之文此園遊雜紀之所由昉也夫中央城南各園者本前朝禁

地也。方壺圓嶠。轟映中央。玉宇瓊樓。儼同上界。十洲煙景。催開帝子之花。七寶欄杆。環繞神仙之府。想像大羅天上。五雲佳氣。常多試看。太液池邊。九陌紅塵。不到御柳。栽依上苑。豈教野鶴飛來。好花開傍。上陽祇許宮鶯。啣去白波。青嶂果然。非復人間。玉瑟瑤琴。誰復倚同天半。無何國體變更。壇禁改放。紫城不鎖。青闥常開。大地春多。香簇唐花之塢。上都月好。影搖隋柳之堤。枝頭好鳥歡呼。水面遊魚出聽。臨風看竹。何須頻問主人。傍水開軒。且喜共迎佳客。笑看門前車馬如水。如龍試詢。藤下琴樽。誰賓誰主。帽影鞭絲。雜沓恍從山陰道上而來。釵光鬢影。縱橫疑是長安水邊之地。則有青衫吟客。白袷遊賓。京邸名流。宮闈佳麗。無美弗備。不速皆來。或樹底開筵。或花間品茗。或風前把笛。或石上敲棋。或飛如電之球。或打凌波之漿。或入娉嬛之室。飽看羣書。或登衆妙之門。幻觀萬象。皆足以增吟興。助詠情也。所以對月飛毫。倚雲潑墨。登山作記。掃石題詩。妙緒紛披。吐矚半皆名貴。新詞絡繹。遊戲盡屬文章。既佳作之如林。豈教散佚。復奇文之欣賞。應廣流傳。由是倍極搜羅。頻加採輯。羣芳薈萃。萬枝聚金谷之花。滿紙琳瑯。一片集崑山之玉。豈盡亂離絲竹。休論變幻滄桑。願着手以成春備。極行文樂事。望有日之共賞。藉消永日餘閒。

跋

鐵道全編跋

楊樞

鐵路握交通之機關。操富強之筭。鑰故鐵道線之長短。可以覘國家之盛衰。驗社會之進步。日本之創建鐵道。始於東京橫濱間。今則線路縱橫。以達五千有餘。英哩其發達之現象。有如斯者。雖然鐵道之事業。繁雜萬端。實占政治上。一大部分。非專門研究者。不能分析。條流發揮。透達。湖南諸生肄業東京鐵路學校。舉其平日所熟聞於師者。並參考羣籍。纂成一書。名曰鐵道全編。是書於鐵道之歷史。鐵道之種類。鐵道之法規。鐵道之經濟。暨組織機關。設備運輸等項。無不提要鉤元。有條不紊。其鐵道主計一章。論出納記載之手續。尤反覆詳盡。足爲業務上標準。吾國郵傳部初立。凡百草創。得此正可借爲考證之一助也。抑余嘗聞十九世紀之世界。蒸汽鐵道之世界。二十世紀之世界。電氣鐵道之世界。蒸汽電氣互相競爭。其效果愈益不同。世界之文明。不將蒸蒸日上哉。

中國鐵路史跋

黃沅

袁氏多史才。撰後漢紀者。則有彥伯。撰通鑑紀事本末者。則有機仲。後漢編年體也。通鑑本末。紀事體也。編年法。春秋紀事法。尙書兩先生之所撰。各樹一幟矣。雖然彥之例多。仿苟悅而循年。順序據事。直書點竄。綦詳。條目不紊。子幾獨推其非。苟作機之例。雖因君實而分類。

排纂每事爲篇起訖詳明經緯條貫溫公而外首屈一指之二氏者不媿史家巨擘而亦袁氏家乘光也今吾友浚明所撰中國鐵路史一書首編年次紀事博取宏收綱提目舉爲近世史家所罕覩此殆得其家法歟夫史學之優未有不秉其家傳者馬談之後則有子長德林之後則有百藥後儒獨美其累徽之盛今是編之成余益信其嫡派親承而流貽遠也

鐵路學校畢業紀念册跋

劉鷺東

往余嘗慨光景奔馳人事變遷之速憶自束髮就傅與諸同學少年呶唔一室其酣嬉嬉跳之狀猶依稀在目及出校門各散而之四方求其踪跡渺然難得或於舟車之間偶值同學一二其容貌幾不復辨久乃識之使當時有一物焉爲之紀念亦可以誌雪泥鴻爪之緣而慰落月停雲之想矣今夏六月本校高等科甲班諸生卒業乃有紀念册之刊余觀其內容頗爲詳贍凡夫在校之歲月經歷及諸師友之年齒狀貌籍貫寓址均可按圖而索循迹以求於是始歎今之學者其思想進化情感周摯與文明利用之具悉完而整以視廿載以前文物簡陋相去遠矣余嘉諸生之行而有以補余之憾也因綴數語以殿其後

啓

鐵路協會附設圖書館徵書啓

結繩而後代有篇章。海通以來人多著述。欲謀東壁西堂之富。宜求名山秘閣之藏。矧本會人近萬員。歲逾七載。尤宜宏開策府。廣搜秘書。以抒國光。而饜羣望。夙仰先生精羅四部。富擁百城。既不便王泰之手抄。惟有冀蔡邕之持贈。伏望不吝瑰寶。早付書郵。無論一車五車。內史外史。總期瑤編輦至。寶軸輸來。今日徵自陳農。恍入洛陽之市。他年藏同任昉。竟成宛委之山。無任欽遲。曷勝翹企。

鐵路協會附設圖書館募捐啓

四方善本還須束帛之招。百國寶書尙待千金之購。羨黃卷之壓架。盼青蚨之飛來。迺者本會石室未成。玉軸不備。阮囊羞澀。良用慙然。欲儲萬卷以羅胸。惟集千狐而求腋。夙仰執事素輕阿堵。雅重琳琅。用效將伯之呼。望切他山之助。伏冀襄成。曹庫助開。陸廚分河海之源。流增洛陽之聲。價庶幾衆。擎易舉長留簡冊之光。大雅能扶永拜雲天之賜。

隴海鐵路施督辦送贈義莊彙錄啓

教述敬宗。首列曲台之記。曲徵陸族。遠稽魯壁之經。范氏稱先義莊。斯建分田。奉廩炳懿範。於天平推宅。共財播芳型。於吳會則敬等承謨。兩世勵志三十年。幸克荷乎析薪得輟。完夫墜茨。兢兢杜勉。告孱功粲。粲葛藟敢矜盛格。追維裴鄭。用之昭示。後人仰企。崔盧冀以永

垂來禩規矩之旋折儻涉麤疏綱紀之弛張容多絳漏錄其顛末彙印成編謹附膝緘上塵
籤閣伏乞俯加鉞砭特予糾繩文正遺模由公輔之文而著劉侯徵譽賴婺源之筆以傳佇
待甄明無任翹幸

路政曾司長令尊元高先生八十雙壽徵文啓

蓋聞闕宮有作魯侯燕喜興歌楚國多賢萊子綵衣起舞衡嶽峯多古岫丈人與天姥齊高
長沙泉映壽星南極偕發光並耀所以論沅湘間氣應多耆舊之編撰梁孟儷詞宜譜壽人
之曲者也洪維元高先生者梅城望族湘水耆英鄉國楷模人倫儀表春生杖履任老子
以婆娑鐵鑄河山看佳兒之建造世仰南豐品望子有重名人欽魯國精神公多盛德李士
謙守還遺物公在里橋拾數百金券終夜守還魯仲連喜解糾紛蕭先生夜行賊聞驚走王彥方尙在盜畏
人知而且心好濟施念存凋卹趙溫散糧濟賑活逾萬人張儉分產救荒命全一邑先生
之懿行高誼誠有足多者德配劉太夫人溫恭表度婉婉修容姆教風嫻女箴早懷荆釵
示儉人稱孟母之賢紗幔授徒世慕宣文之範鮑蘇雞鳴並起女宗是以表閭少君挽鹿偕
行史官因而載筆於是聿彰人瑞更叙天倫冉冉珠聯勝謝家之五鳳亭亭玉立若荀氏之
八龍而哲嗣搏九司長尤徵傑出讀書曾破萬卷論識足冠五洲阿曼才多預建大王偉業

奉先學。樹上追元相。殊猷佳話滿。途頌聲載道。貽謀足羨。家慶堪徵矣。今以五月二十三、九
月十一兩日爲兩老八十雙慶之辰。蒲觴益壽。菊釀延齡。正鴻案之齊眉。適兕觥之在手。曼
倩是歲星所化。食烟火幾何。先生以酒養生。麻姑乃仙闕中人。問年齡無算。此誠人間活佛。
海內休禎。宜謀祝嘏之詞。藉佐稱觴之盛。仰冀騷壇健將。鴻都鉅公。對月抽毫。臨風潑墨。生
花筆妙。灑揮滿紙雲烟。奪錦才高。咳唾九天珠玉。喜此日馬融座上。吟成黃絹之詞。看他時
曾準堂前籠徧碧紗之句。

賀交通葉次長代理部務牋 六年一月

鐵路同人

春成着手乍改龍纏事。喜從頭忽聞雀報。恭讀一月四日大總統令交通總長曹汝霖現
在因病續假。派次長葉恭綽暫行代理部務。欣悉之餘。距躍三百。伏維部長以政學斗
山作交通領袖。全權在握。統轄皆歸。庶政親操。樞機悉綜。河山早由手鑄。定教鐵石俱堅。
密忽盡出心裁。必使金甌無缺。行見萬方同軌。車書昭一統之功。四海皆春。文史紀千秋之
烈。同人等步趨是效。景仰彌殷。仗倚老成。喜龍頭之既屬。追隨末席。附驥尾而益彰。冀道鐸
以同徇。麟筆懷春秋之義。望洪爐而合冶。鴻勳增日月之光。特肅鱗箋。藉伸燕賀。

致王京兆整頓路政牋

于寶軒

志。襄。大。京。兆。閣。下。秋。盡。冬。來。維。政。通。人。和。爲。頌。寶。軒。簿。書。瀾。迹。襟。帶。塵。勞。爰。爲。探。勝。玉。泉。澄。衷。浣。俗。願。舉。遊。觀。所。得。以。供。采。擇。之。資。前。日。曜。午。後。取。道。西。直。門。聞。環。行。所。至。可。達。平。則。門。經。歷。馬。路。平。坦。如。砥。頤。和。園。宮。門。迤。北。一。段。新。敷。土。石。尙。未。竣。工。惟。該。路。土。石。鬆。浮。必。得。匠。石。時。以。重。機。磨。碾。漸。臻。堅。固。此。外。陂。陀。之。處。尙。多。亦。待。整。齊。以。躋。平。蕩。庶。幾。九。經。五。緯。宏。營。國。之。規。模。四。關。六。通。惠。行。人。之。車。騎。沿。途。橋。欄。祇。倚。虹。堂。及。繡。漪。橋。尙。稱。完。好。餘。多。傾。圮。入。水。鑄。鐵。牛。以。爲。纜。遐。想。開。元。置。銅。駝。於。棘。中。興。嗟。典。午。展。視。欄。石。鏤。刻。精。奇。良。工。心。苦。宜。與。修。復。舊。觀。永。珍。古。蹟。玉。梁。碧。沼。藉。存。勝。國。之。烟。雲。帶。竦。垂。虹。待。入。風。人。之。題。詠。行。近。玉。泉。山。處。經。一。新。建。石。橋。址。基。峻。削。汽。車。馳。越。若。履。春。冰。化。險。爲。夷。宜。從。改。建。如。右。所。述。咸。仗。我。公。主。持。飭。養。路。局。及。時。分。別。修。整。庶。無。遺。憾。稽。豐。施。於。遂。士。申。畫。郊。圻。考。茂。績。於。冬。官。繕。修。苑。囿。名。都。覽。勝。美。政。成。書。引。企。槃。才。欽。遲。不。暨。專。函。馳。佈。敬。頌。政。綏。弟。于。寶。軒。拜。啓

交通部技監詹天佑傳

詹天佑、字眷誠、廣東南海縣人也。生於前清咸豐十一年。幼時穎敏。落落有大志。會同治十

一年。清廷遣派學生百二十名。赴美洲留學。天佑年方十二。獲與其選。卽於是年九月抵美。未幾駐美公使易人。政策忽變。將留學生概行遣送回國。留者僅六人耳。天佑幸乃獲留。因得繼續其學。旋入耶路大學。專攻土木工程科。光緒七年畢業。得學士位。當年歸國。復入福州兵工學堂。翼年畢業。任爲母校教習。至十四年始充關內外鐵路副工程師。是路雖爲我國。最初自辦之路。然總工程師仍聘英人金達爲之。自三十一年。清廷因俄國屢次要求。西北邊陲直通北京之路。權遂決計自辦。京張鐵路任天佑爲總工程師。國人自辦路工。自此始。京張路全長三百六十三里。工程之最艱鉅者。爲由南口至八達嶺鷄鳴山之間百四十里。有山峽三十五里。需建築三百呎及六百呎之橋六七座。開鑿三千五百呎長之山洞四處。當時勘估工程需銀七百二十八萬兩。四年告成。清廷可其請。卽於關內外鐵路餘利項下。每年撥款以充工費。是年九月開工。翼年七月豐台至南口一段工竣。開車中外驚歎。日人佐藤氏曰。京張鐵路開築之議。初起以爲中國雖能自行籌款。惟無上等技師。其議恐不能實行。不料事出意外。技師卽以詹氏任之。測量路線迅速。興工未及一年。首段工竣。比之關內外及京漢工程。有優無絀。足令列國人士知中國人之不可侮。云。時清廷見京漢路之成效。由是更欲延長京張路線。至庫倫。或綏遠。城復命。天佑籌畫一切。當卽勘定。今之張綏

路、線、迨、宣、統、元、年、六、月、京、張、線、完、成。七、月、卽、展、築、張、綏、線。清、廷、特、欽、錫、進、士、以、獎、其、功。先、是、粵、漢、鐵、路、因、收、回、自、辦。由、湘、鄂、粵、三、省、分、任。川、督、於、光、緒、三、十、四、年、奏、派、天、佑、爲、川、漢、路、總、工、程、師。宣、統、元、年、宜、漢、段、開、工。天、佑、前、往、監、視。而、粵、漢、路、風、潮、疊、起。郵、傳、部、於、二、年、又、奏、派、天、佑、充、廣、東、粵、路、總、理。自、是、遂、專、辦、粵、路、工、程。其、成、績、爲、三、省、冠。迨、民、國、初、元。川、路、湘、路。先、後、收、歸、國、有。復、兼、川、漢、路、會、辦。惟、督、辦、三、易。其、人、工、程、停、滯。至、民、國、三、年、六、月、大、總、統、因、任、命、天、佑、爲、漢、粵、川、鐵、路、督、辦。並、辦、漢、宜、及、宜、夔、段、工、程。蓋、以、川、路、敷、設、之、難。有、襄、河、之、建、築。大、橋、南、沱、山、之、開、鑿、山、洞、工、程。爲、最、巨。更、由、巴、東、以、至、夔、府。則、巫、峽、一、段、工、程。尤、爲、艱、險。非、天、佑、莫、能、任、也。時、天、佑、資、望、最、高。被、推、爲、中、國、工、程、會、會、長。又、香、港、大、學、贈、以、名、譽、博、士、學、位。其、見、重、於、中、外。有、如、此。本、年、中、東、鐵、路、管、理、問、題、發、生。政、府、以、關、係、國、權、至、重。特、派、天、佑、赴、海、參、歲、與、美、日、會、議。力、爭、主、權。四、月、議、定、回、京。詎、卽、以、心、臟、病、卒。中、外、人、士、聞、之。莫、不、爲、天、佑、未、竟、其、才。惜、更、爲、中、國、工、程、界、失、此、泰、斗、惜。

外、史、氏、曰、吾、國、留、學、生、學、成、歸、國、者、都、以、功、名、顯。而、天、佑、獨、始、終、於、交、通、界。有、造、於、社、會、有、益、於、國、家。嗚、呼、可、以、風、矣。

浙路工程司廬公耀傳

盧公耀。諱維照。鄧山爾恭先生叔子也。生而穎異。憬然善悟。鄉黨交稱之。至日爲神童。七歲就傅。識字有數。輒能循覽。報章聞歐美文明之風。私心歆慕。恒繞膝陳請曰。它日必使兒習西文。父若母笑之。年十二。負笈海上。數畢業名校。中西淹貫。卒如其志。凡爲學。自少至壯。未嘗一日厭倦。嘗有志鐵道工藝。先之以物理圖繪。重數諸專學。朝夕孜孜。南洋中學校長王君培蓀雅重君。既卒業。入高等實業學堂。肄鐵路專科學業。孟晉歆然。不自滿。居常語人。非游學海外。終慮窺豹未全。願一介寒畯。有志莫能逮也。丁未。浙省徵學子。修業外洋。資以官費。君欣然赴試。臨期而病。病且甚。遂不果。明年沈君祖綬介紹君爲全浙鐵路公司測繪員。尋赴硤石。監造橋工。測勘杭甬甬曹諸路線。皆始終力役。爲公司利賴。甬曹工起。擢君任工程司事。專責重益。自甬勉凡墊路闢竇。建橋設軌。靡不勞思焦慮。窮其擘畫。至工堅費節。乃已。民國二年春。慈谿創建壯觀橋。瓊洞百尺。越江而過。羣山周繞。百川會集。江流湍激。工巨勢阻。然往來甯波。慈谿舍此莫能飛渡。咸豫計橋工。成日爲通車之期。君奮力經營。罔卹所艱。日夕兼工。不遑定省。入夏。卑濕之患。且中其身。以橋工利速竣。未敢甯息。晝夜董率。如故。秋後。濕毒侵手。流水潰足。略不節勞。室人婉諷之。則曰。不寓吾目。豈愜吾心。深夜露立。工次指揮。達旦黎明。始入監工室。少憩。須臾復出。諄諄獎勸。工衆俾立。竟厥功。一日。君傍轆轤而

立左足。翹於枕木。輓轡者。用以盤旋。鐵錘高舉。下壓每度。木可入土盈尺。蓋擊椿利器也。然於時不當擊。錘忽脫。鈎飛墜。猛衝枕木。木騰空。尋丈君遂仆。既起。視蹶踵落。若脫屣。乃昏絕。亟昇送慈谿保黎醫院。僕僕八里許。血流被衣。如染倉卒。震驚神經。亂雖中西醫士羣策合力。卒以創重不治。其受療也。如法先絕傷脛。而衰弱彌甚。手足拘攣。母柴自滬至。憑榻問狀。自言髣髴萬鏃鑽心痛。徹骨髓。然嘔嘔語皆橋工事稱道。各氏皆匠目也。九月六日卒。年僅二十有七。事父母以孝。聞兄維銘。維鑿。弟維漳。敬友。備至。妻攜李濮氏遺女子。子一甫。三齡。君夙性恬淡。不慕名利。敦品勵學。沉默端重。刻苦寡欲。處事謹敏。晚近學子罕見其儔。昊天無覺。禍起皇遽。竟使齋志以終。惜哉。君死之日。浙路公司自總理以逮夫役。靡不傷惋。至有泣然泣數行下者。感人之深。固自有在。亡何所建橋成。總理湯君壽潛命易名曰盧公耀橋。俾以身殉職者。昭垂千古云。

記

洲路新河碧浪亭記

王運閻

開福寺故馬氏會春園。霸府改爲梵宮。風景猶勝。往年余欲約裴樾岑、李次青諸公。各造屋三四間。環湖堤埤。游觀苦其不能避春漲。未可卜築也。獨佛殿後臨水一圓洲。可亭云。舊有

而後圯。余與郭筠仙修襖賦詩於殿後堂。嘗議修之。郭出銀十二斤。徐壽衡自京師寄銀六斤。四兩。余皆以囑陳總兵鳩工。庇材陳時方避暑寺中。大有興修。以水心亭當巨費。乃集少余銀不肯承也。昔漢文露臺百金。尙以爲費。今三百精鏐不能造一亭。故當罷之。然余自計若得暇督工。以百金成之。不難。故嘗謂彭雪琴。他日當以此享爲君專祠。比莫愁棋。彭薨後。衡城專祠費銀六萬兩。省城專祠購地已萬兩。而余欲以百金敵之。夸矣。余又嘗借彭千金。彭薨。義當償。適張孝達令鹽局歲餽余家。及胡文忠家。六百金。讓不敢受。積局中。滿三。千金。乃屬程生及李生。以千金成此亭。程李估工。俱在二千金以外。知余銀有餘也。余又吝不肯。偶與日本僧水野師話之。師欣然樂助其成。時師方游湘。闡佛法。開僧學。以開福爲壇場。亦議飭亭榭。與余前意合。卽日以五百金興工。築亭基。合用東西法。以避水。其費若干。余皆不復問。取成一亭而已。師又謂余曰。古人興作。輒沉碑水中。立石山顛。以待陵谷之變。今此亭始末。當先作記。葬基址。亦釋家安象塔下之意。故余以文紀而瘞之。

京師嶽雲別業記 前郵傳部尙書張文達公別業

易順鼎

嶽雲別業者。在京師南橫街西園亭。勝絕。祠廟巍然。蓋張文達安神之區。而吾湘人讌集之所也。西山眉瘦。黛能撲樓。南窪掌平。綠可遮海。己未春二月。頌年劬希諸君。慨萍蓬之渙散。

思桑梓之敬。恭欲集京曹以行鄉飲。適郭省長侗伯來從雞塞。袁運使巽初至白虎林。宴異
遨頭會宜軟脚。於是同人作客中之主。兩君爲主中之賓。殺核雜陳。觥籌交錯。簪裾合沓。冠
蓋喧闐。是日也。惠風和暢。快雪時晴。集者凡三十餘人。歡然閱兩時許。秋羹鱸膾。難忘。莼菜
之鄉心。春酒羔羊。且叙枋榆之樂事。七十二峯雲氣。恍疑朱鳥窺人。一百五日春光。不待黃
鸝勸客。變沙中之散雪。爲堂上之聚星。他鄉忽似故鄉。今雨無非舊雨。笑同開口。飲不攢眉。
守江介之遺風。見漢官於今日。亦難得已。願他日八千子弟。踵諸父老而興。看今朝四十賢
人。著一屠沽。不得未飲之先。更同攝影以代寫真。庶幾印各留鴻圖。堪索驥云爾。

頌

京漢路局水孟賡先生嘉禮證婚人頌詞

詩詠關雎化紀二周之始。采隆奠雁吉觀六禮之成。今阜寧水君孟賡與南皮張女士結婚
於京師。慶兆麟振祥徵鳳卜春明池畔看並蒂之花開。延壽堂前喜雙飛之燕舞。旣宜家而
宜室。自永熾而永昌。從此佳婦佳兒兩美。訂同心之好。更願多男多壽。百年賡偕老之章。

京漢路局水孟賡先生嘉禮來賓頌詞

秦樓月滿喜騰引鳳之人。桓院春濃歡結乘龍之客。冉冉珠簾捲處。彩燕雙飛。團團玉鏡開。

時紫鸞對舞所以蘇長公迎婦羨賢耦之重逢崔學士論婚喜伴人之再得者也水君孟賡
淮江碩彥上都綰轂共羨多才妙手扶輪羣推大雅車迎百輛早聯兩姓之盟戶聚三星載
訂百年之約張女士厚勝者璇閨淑女金鑑名媛會天上雙星問姓則宿聯翼軫結人間兩
美好速宜詩詠河洲茲於夏正二月十七之吉合卺如儀禮也節過花朝正賦桃天之什時
傳芳訊定徵蘭夢之祥二分春色方妍此日慶鸞交鳳締五世昌期永卜他時頌麟趾螽斯
贊

交通部殷君人盦令尊雲翔先生畫贊七十冥壽

熊希齡

南邦景慶維衡及湘雲公傑出鳴鳳高崗佩綯而冠璀璨辭章華縟返樸崇理陸王船山模
範敦節能剛授徒鄭緩禮義名鄉朱游作友主賓兩忘佐茲德行興學救荒尊君郭里成彼
范莊曰孝曰弟古之王祥萊衣姜被邕邕一堂于嬪賢婦美譽鴻光璠璣諸子紹業青箱積
善受福昔裔今康黃華老屋樂勝柴桑茹芝季夏錫賚華陽龍蛇丁歲一老胡亡少微月犯
大壑丹藏喬椿雖折蘭桂爭芳秋霜春露孝篤蒸嘗冥壽七十選佛開場衆仙鸞鶴鈞樂笙
簧哀哀雞酒以常瓊漿高山景仰百禩馨香

交通部殷君人盦令尊雲翔先生畫贊

袁德宣

緊經我公世貽芳烈前代逸民吾鄉先哲精靈不味矩矱猶存仙齡瑞日冥誕良辰曷昔騎
牛丁今化鶴鹿駕遙臨兕觥咸酌龜齡無算鶴歲幾千西方壽佛上界詩仙椿舊懸弧萊猶
舞綵百世不忘三年無改苟龍絢曜薛鳳聯翩諸郎並美季嗣尤賢政治日新交通居要郎
署宣勤電郵抉竅蘋蘩展敬風木興哀旣賡陟岵兼賦有台憶昔朱庭曾親道貌德足欽崇
法堪倣效今觀遺像如炙前型悠悠千載永薦芳馨

碑

大總統頒故交通部技監漢粵川鐵路詹天佑碑文

故交通部技監漢粵川鐵路督辦詹君之碑

海通以來吾國選派士人游學東西洋四十餘年項背相望以迄今日其間興教育修法律
整軍政及以一材一藝效用於國家者多不可俚指數求其功績昭著堅苦卓絕爲海內外
同聲贊美蓋未有若詹君者也君之游美國也年甫十二時清同治十二年爲我國派學生
出洋之始至光緒七年畢業始歸其所入學校爲美之威士哈吩小學弩哈吩小學耶路大
學其充教員則爲福州船政局廣東博學館廣東海圖水陸師學堂其充工程師則爲天津
津蘆錦州萍醴新易潮汕各鐵路其充總工程師則爲京張川漢粵漢各鐵路最後任漢粵

川鐵路督辦而以京張路工爲尤著。京張路者自京師達張家口長三百七十餘里。南口以
 北岡巒重疊溪澗紛歧地險而工艱。出居庸關則八達嶺橫蔽於前。其上爲古長城峭壁百
 尋。駭心怵目。君初履勘擬由石佛寺向西北行。當鑿洞六千餘尺。其後乃改由東面斜行。就
 青龍橋施工。關峽僅鑿三千五百餘尺耳。當是時君所攜習工程學者僅二人。晝則躡足登
 山。夜則繪圖計工。無一息之安。既而其人者或以事他。調議者竊以爲吾國人未有當此
 任者。君益冥心孤往。不以無助而少弛其志。凡八月而山洞成。事四年而全路告成。開車
 之日。王公士庶及東西人士觀者數萬。咸嘖嘖歎爲前所未有。時予方任郵傳部尙書。親覩
 其盛。實君生平莫大之榮譽也。君之督武漢粵漢粵川鐵路也。國人以所信君於京張者。策
 功之必成。日夕跂望。君已先成。湘鄂之武長一路及漢宜路之首段。而君遽以民國八年四
 月二十四日歿於漢。上年五十有九。其舉呈三事。語不及私。知與不知。罔不嗟悼。鐵路同人
 請於八達嶺立祠鑄像。以志景行。予故舉其榮榮大者著之於碑。以詔邦人。而訊異世君名
 天佑。字眷誠。廣東南海人。所著有京張工程紀略及圖各一卷。銘曰。
 繫者輪輿。冬官所掌。知者創物。制器尙象。泰西新術。凌越先民。鼓鑄風火。千里比鄰。君以弱
 齡。遨遊海外。擷精抉微。超然神會。十載學成。眷言宗邦。呈材司契。並世無雙。神京西北。逶迤

原隰飛梁。穴山雷殷。電翕君之始事。中外危疑。及其成功。鬼設神施。衆歸君能。異喙交譽。君則撝謙。蕭然無與。楚材用晉。客卿入秦。惟君航航。吾國有人。川粵萬里。經營伊始。周道日闡。冀昭同軌。命則有終。名則不磨。勒詞貞石。永鎮山阿。

銘

湘路總理陳佩蘅先生生壙銘

王闔運

陳佩蘅觀察六旬晉一之歲。湘省商界同人以其有保存公利之惠。醵錢發書。思徵文以頌之。陳君三辭。同人亦未慊也。陳君曰。吾聞善頌者頌其從先大夫於九原文瑋。少孤。依於母兄。今先太夫人先中丞兄俱託幽宮於西鄉。故自營生壙於龍迴塘之原。與相瞻望。以寄永思。欲自爲志銘而未遑也。其有能達斯志者乎。於是僉議以爲與君兄弟交遊。嫻好最久者。莫若闔運。則具幣來請言。先是君兄以留壙。君循政來告。以官書例多虛文。未及詮實。不遑傳也。及中丞兄逝。復值變亂。不得會葬。正欲於君發之新政之行。君被舉爲議員。故於時局得以維持。補救時議。患國貧尤亟。而君有宏遠之才。不恤破家以求利。人人所畏難而不敢興者。毅然獨任之。人人危慮而君不懼。竟以成立。若商錢局。電燈局。創始輒費數百萬。官民所不敢任也。時湘人應詔集巨資。興大工。曰粵漢鐵路。而設漢口大局。總其事。湘局以余肇

康領之成功。裁百分之之一。避亂而去。衆議推君代之。孫汶總天下鐵路。已而棄去。譚人鳳代之。譚故新化諸生。交遊輕俠。湘督懼譚跋扈。言無不行。譚至則首詰路費指索存款。君一切不應。又面拒之人。或詢譚路政。但切齒憤歎。終不敢問。於是京中交通部議還民貲。以張緝光領湘路。張條上苛例。與君初訂頗殊。君執前合同部議。不能奪。乃仍如約。計年還本息銀七百餘萬。兩自湘州分部以來。無此富也。然君無所利危身排衆而爲之。商民大謹。又嘗白富商之冤。又收養無告孤女。嫁之士人。更恤養其遺腹子。他所建議。興利除害。事甚衆。衆之論君。皆以爲豪張振奇人也。而君逡逡儒服。篤厚肫肫。慕古賢聖之風。雅尙有寄。有子二人。皆令海外遊學。當欲立己不慕浮華。故其樂道反眞。非夫厭世達觀之比也。昔楊王孫矯俗而命薄葬。趙邠卿逢亂而營生壙。君之自壽與人之壽。君又何異乎。乃爲銘曰。

太丘之門。昆弟莘莘。旣傳循吏。亦顯儒臣。季也懷寶。乃邁時屯。長材用屈。壯略斯申。島夷工商。敢餽大邦。賜不受命。殖貨能彊。蠡稱三徙。勾吳用亡。誰爲計臣。實陋弘羊。湘軍氣盛。長沙國小。昔用中興。今成魯縞。路電之光。自他有耀。呼吸風雷。梯航琛寶。黃鵠高舉。丁鶴知歸。言瞻城郭。還升赫羲。清湘幽默。楓林鬱猗。中有世宅。旁連碧厓。可以息塵。吾其歸化。川谷縈迴。林泉閒暇。陟降有憑。懿親攸守。倘有達人。於斯稅舍。

壽文

祝交通葉次長尊人仲鸞先生六十一壽文

馮國璋

蓋聞修道獲壽其文著於史遷美意延年厥旨申於苟况故精一者受福申培本周季純儒貞順者凝庥倪寬固漢廷長者而且砥行深則詒謀自遠植基厚斯翁受尤宏張安世羣羣竭誠貂珥之畢宗不替謝宏徵躬躬知畏烏衣之後起多賢徵之我仲鸞先生益信載籍之非誣而休徵之有自己先生奎宿前身斗樞靈耀采百粵之風謠嶺表本人文淵藪仰宋賢之芳躅水心得再世雲初先生生而敦敏長益魁奇高琳是浮馨之精任昉應懸鈴之兆段柯古趨庭之歲簡札已工王元禮舞勺之年篇章早富固不僅龍門碑字一覽無遺靈穴册書千言閣誦已也在昔歐化未通士重帖括先生文史之餘獨精西算三角八線探赤水之元珠夕桀旁要操疇人之秘籥梅文穆遜其捷悟徐莊愍無此精思馴至長吉臨心相如瘡首其業勿輟而所造益深矣維時先德蘭臺公方官京師以文學引掖後進李元禮顧廚領袖薄海爭趨韓昌黎泰斗聲名望塵遙拜坐上之王楊盧駱憑一言以定後先殿中之東馬嚴徐識一面以爲輕重先生以成童之歲來小友之呼因而上下其議論濡沫其風型阮籍過門每求與阿戎對話薛勳投刺恨不見仲舉而還繇是東閣名賢盡折節

以交郭秦西京太學爭下堂而揖劉陶所謂茂林鳥歸人高物向者蓋已於先生早歲見之焉既而出佐張勸果公東撫之幕郝超儒者獨曉戎機枚乘詩人尤工露布略似請箭夔府迎杜老於霜晨豈維明月揚州護樊川於午夜時勸果擬進北洋要塞圖說先生獨綜其成燒官燭之三條縮海天於尺幅因圖立陣諸葛君胸有神兵聚米爲山馬伏波目無全虜風飄沙綫登萊之形勝全收戈甲樓船渤海之藩籬永固事竟勸果歎爲異才登之薦牘屢擢知府應官江西方期手把一麾少抒偉抱張堪治郡爭傳瑞麥之圖黃霸在官遙待金瓶之下無如磊砢之直節動與時違貞白之遐襟尤招物忌卜望之如含瓦石時來薄俗之譏范蔚宗擬和香方更觸要津之怒坐是一官沉滯廿載羈遲溢浦送人商婦之琵琶如訴匡廬對我書生之面目偏真中間屢權樞政力恤商艱吳隱之能飲貪泉東海有來蘇之慶陸公儀惟提片石鬱林留去後之思是時廉吏之風傳播遐邇各疆吏交章論薦而先生已拂袖歸來敝廬僅存不蔽風雨朝簪一脫惟課子孫話雨間晴認兒時之游釣秋菘春韭尋埜老以盤桓此則寄託之高足希蹤於盤谷幽閒之福更趾美於平泉者矣且夫脫屣軒冕者達人之高致也怡情著述者亦文人之結習也乃先生目空古今障除文字當其少時亦常陳賈生治安之策著桓寬鹽鐵之書仿中壘新序萬言數平子京西一賦其後世變

時移悔其少作。於是韋哀舊稿多焚棄而無餘。李旭高文欲流傳而不果。他若李潮八分陽冰小篆靡不極其工妙。造其精微終以技等雕蟲。尋卽棄如芻狗。先儒謂一命爲文人便無足觀。先生蓋深會斯旨矣。辛亥之秋海內騰沸。長君玉甫方官京曹密贊大計於時。九縣颺馳八荒。霧塞音書之斷。屢月謠詠之口紛來。先生神色泰然安之如素。謂神州艱難之日正兒曹叱馭之時。劉誠意投琰而興知中原大有人在。陳希夷墮鞭一笑卜海內從此晏然。易曰知幾其神其。先生之謂乎。今年二月十二爲先生攬揆之辰。鏡宇銷鋒。銀河洗甲。欣太平之有象。應南極之壽昌。木筆初開。高映錦屏之彩嶺。梅未落遙分犀羶之香象。笏門生競奏南飛之鶴。貂蟬故吏爭馳東向之鳧。從茲大椿三千歲歲。一陳康爵待至老萊。七十朝朝仍舞斑衣。

祝吉會鐵路權督辦令慈袁太夫人八十晉四壽文

曾毓雋

共和紀元之八載。夏歷中秋前十日。金颺薦爽。麗雲耀景。適逢我權老伯母袁太夫人八十晉四誕辰。謹堂督辦板輿迎養。萊階承歡。斟桂醕之觴。譜霓裳之曲。寅僚故舊。戚媿之來。稱祝者景附鱗萃。座爲之滿。濟濟乎踰踰乎。壽觴舉慈顏和禮也。宜也。毓雋等忭忻鼓舞。稽首拜手。退而入綺席。式飲式食。旣醉旣飽。謀所以爲太夫人壽者。商之。謹堂督辦迺固辭。

且謂堂上春秋高。歲舉家慶人子之職。曷敢以煩親友。毓雋等復思世俗之所謂壽儀。皆君家固有之物。重疊繁縟。恐無以當老人意。無已。請避席。擇言可乎。太夫人系出名門。秉禮教。幼隨宦。直北於女訓。諸書無所不讀。歸贈公雲香先生時。逮事重闈。以孝聞。權氏固大家。豪於貲。門閥烜赫。爲一鄉望。未幾而洪楊事起。岳州不守。武昌陷。順流東下。東南半壁。胥被蹂躪。武昌據天下上游。爲長江門戶。故當時治軍者。欲肅清長江。武昌爲必爭之地。三失三復。居民紛紛避地。閭閻蕩析。太夫人疊經兵燹。連次播遷。上奉重闈。下挈幼弱。流離顛沛。數瀕於危。而滌髓之供給。晨昏之定省。無少闕。若幾忘其身處患難也者。迨事平。歸里。廬井爲墟。產業灰燼。遂乃裙布荆釵。率僕婦。先事上。逮下一如曩時。教諸嗣。先後成立。景泉仁兄。既以商業起家。光復舊物。而謹堂督辦留學東瀛。歸國名耀。當軸啟歷。中外勛望。爛然承平。既久。不見兵革。考歷若而年。未幾而有武昌之事。南北道梗。訛言繁興。一日數驚。謹堂督辦奔走國事。謀歸覲。未果。太夫人遣人問道。弛書囑以職守爲重。已則率家人遷避於鄉。間旋徙滬濱。指揮若定。無匕鬯之驚。其履險如夷。處屯若亨。有如此。太夫人之於親族也。尤情誼淳摯。謹堂督辦之嫡堂兄渭川君。少孤。躬親撫育。以養以教。至於有成。今則樹立門戶。子孫蕃衍。聲譽洋溢矣。視諸戚黨也。休戚相關。平時登堂問安者。於其瞻養之所需。薪

水收入之厚。薄問訊慰勞。慇懃周至。間有以緩急疾病相聞者。無親疏。輒任卹之。必人人得如其願。以去。今家計阜康。太夫人八座起居。頤養備福。迺猶勤儉治家。時以溢滿爲訓。其處境之豐。自視歆然。又若此迴憶。共和四年今日。謹堂督辦奉養太夫人。曾於京師。稱八秩壽。毓雋等幸獲躬逢。其盛旋回里邸。就養鴻舫。曁仲今歲重來都門。毓雋等又獲侍慈幃。親色笑見。其神智清明。老而彌健。益信期頤之徵。有自得天獨厚爲貞元人。瑞豈僅贊纓閣。閱孫曾繞。鄰衍爲家。慶已耶。謹揚觶拜手而獻頌曰。萱草油油。言樹北堂。振振公姓。曾孫之慶。稱彼兕觥。俾爾壽而臧。

祝京漢京綏路局馬君公執令慈劉太夫人七十壽文

袁德宣

蓋聞天姥峯高。不夜築長明之館。女媧星燦。宜春照延壽之宮。拜金母於瑤池。桃多益壽。遇玉姜於華嶽。松亦延齡。自來壽母之傳。每侈仙人之頌。若夫譽徵椽斛。世錫嘉稱。名紀闔宮。人歌雅什。鶴啣籌而紀算。瑞靄莫階。鳩扶杖以生春。歡騰梓舍。華鬢不改。漫誇天上麻姑。綠鬢依然。更羨人間郝母。此則輝聯寶婺。樂叙天倫。洵宜堂慶。慈萱共登。龍而祝嘏。盤呈仙李。齊酌兕以延釐者也。惟我馬伯母劉太夫人。系出名門。幼承慈訓。溫恭表度。早嫻姆教。之篇。婉婉修儀。復懷女師之誨。旣含貞而抱樸。亦習禮以明詩。謝道韞幼擅詞華。因風詠絮。鮑

令暉少多才思對月抽毫史續班姬不愧大家之譽書傳伏女別開經學之門名媛信自能
文進士何妨不櫛而且馬垂七誠班守四箴占少女於西方早識門楣之慶詠佳人於南國
預知巾幗之賢迨其歸我鐵崖先生也標梅迨吉實已七三穠李交華年方廿五偕老而
賡執手合歡正慶齊眉絃閣催書博議試新婚之作篝燈佐讀文章期及第之觀况復薦藻
虔心女齋待享作羹洗手姑性先諳雞勿登筵慰樂羊之遊學鴻頻舉案相伯鸞以成名故
鐵崖先生徧交當世也大使頻邀賢公爭聘越南勘界地劃鴻溝冀北培英材儲豹略將軍
幕裏袁宏倚馬成文大帥戎中苟濟磨盾草檄諸葛君指揮如意淮陰侯贊助多功要之皆
太夫人內助之力也所以少君行汲鮑宣賴其勤能侃母延賓范逵知爲賢淑若其奇香襲
桂吉夢徵蘭鳳木雙飛駒尤千里一庭奎壁蜚謝家寶樹之名四壁機絲乘孟母芳鄰之訓
非是母不生是子有佳婦更羨佳兒庭前荻畫俱芳階畔蘭芽競秀仲郎公執風神俊逸器
度雍容羊叔子生有夙根馬伏波衆推大器白眉表異識季常之最良黃手驚奇知公亮之
必貴今則由庚佐績步亥程功大雅羣推獨妙扶輪之選適人共托更嚴徇鐸之司兩路連
鑣賢聲並著萬方同軌美譽交馳然非太夫人之折蘂垂教不及此且夫披古今之女鑑
莫過一貞緬中外之母儀首先四德方今紀綱日壞奢靡風成闡教弁髦無復陶歐之節徽

音遏歇誰存鍾郝之遺蔡中郎女訓空垂張茂先史箴奚補敬姜風渺羣滋閨閣之憂羅蘭
說興隱懼倫常之變太夫人女宗足式婦德無慚割臂不辭夜月進靈砧之藥抽心益固
秋風練菴蒹之莖鄭夫人一卷孝經洵屬人倫師表王命婦十篇女範足爲中壺儀型矧夫
節儉不忘繁華悉屏文宣講學蔚然詩禮之風譙國流徽猶是憂勤之日豈僅豆丁菜甲盡
費經營原來仲雪伯霜亦資調護此真裙簪豪俠閨閣丈夫足挽近風堪敦古俗矣今以三
月中旬之吉爲七秩正壽之辰數九十之光陰韶華未老紀三千之歲月壽祿方長開徧桃
花看蟠桃之結實飛來柳絮喜垂柳以成陰日邊青鳥傳來省識箇中消息天畔紅羊散盡
笑看却後桑滄萬佛林前一片壽雲遠逮八公山畔三春愛日長舒宣等游共文淵早欽懿
德交從希範得奉芳徽茲逢設帨之時敢效稱觴之祝縱鳧飛之未遂輒鳳吹以同伸樂奏
房中藉譜壽人之曲籌持海上願添慈母之齡忘憂草更長生年年樹背如意花尤不老歲
歲簪頭此時萊綵承歡皖水齊歌耄耄他日板輿迎養京華再祝期頤

祭文

祭交通部技監詹睿誠先生文

鐵路協會

嗚呼。蜉蝣。天地。駒隙。奔馳。人非。金石。百歲。何期。生寄。死歸。大化。推移。有才。不壽。爲世。所悲。繫

惟詹公天挺奇姿生而岐嶷志軼羣兒年方幼學屬筆成辭負笈美洲選中程規海風萬里天崩羈班行濟濟秀茁瓊枝公使更易政策紛歧百廿名士悉數遣歸公與五人碩果僅遺旋入耶路大學丕基工科土木構精研思畢業歸國學士名題福州母校兵工教資暨關內外鐵路副師新硯發試脫穎囊錐京張議築自任肩仔艱難締造勝任勿疑河橋山洞建鑿平夷神工鬼斧巧愈般倕雷轟電掣中外驚奇張綏繼軌籌措攸宜粵工成績湘鄂靡幾清廷獎功進士榮施民國肇造展擴優爲粵川督任艱鉅奚辭工程會長衆論咸推名副其實匪徇所私東清管領外釁橫滋海參叙議主權爭持一言九鼎關繫安危銘勛紀績俟其禕而公在我會毅力維持評議利弊有口皆碑同人利賴祝公期頤勤勞况瘁精竭神疲心脈臄脹和緩難醫昊天不弔哲人其萎虬龍驂控鸞鳳鞭笞漆園蝶寂鄭圃蟬淒嗟余儕輩惜逝傷離澹香一炷薄酒盈卮靈兮不昧鑒此忱儀

祭京漢鐵路馬莊站長蔣國晉君文

丁士源

嗚乎、天道之不可憑兮人事難以理測君秉姿瓌奇而偉特兮富路界之學識從公服務兮綰轂於申陽之北地當孔道兮職任繁劇運輸靈捷兮不遑暇食胡叢身於荆棘兮遭兇殘於盜賊一夫當關兮君禦其鋒誓殺賊以捐軀兮鬼猶稱雄愼所司之管鑰兮票櫃緘封哀

君之力寡而不敵衆兮衆拊背而搯吭虹貫日而彗應機槍兮柱中折而尸僵於床天胡不
弔兮殲子車之賢良嗟君之志兮吾道干城悲君之沒兮雖死猶生能殉節於路厄兮鐵中
錚錚百夫之特兮千夫之英何物魑魅兮晝掠橫行奮力抵禦兮甯惜斷脰而絕纓殺身成
仁兮爲國光榮濡丹筆而書銘旌兮嘉烈士之忠貞嗚乎尙饗

京漢路局李仲都君尊人古餘先生誄詞並序

袁德宣

於戲歲厄賢人早應龍蛇之讖天迎康節特傳鶴雁之招峴山而羊祜不來望碑墮淚江都
則仲舒已往掩卷傷懷所以正則楚辭半是招魂之曲士衡哀賦盡成歎逝之詞者也伏維
先生一代儒宗三朝吏隱文章吐鳳擅子雲之才華道德猶龍嗣伯陽之家法詩得義山宗
派學通孟節遺編訓詁則叔重復生箋註而康成再世手運南宮妙腕書畫流傳人似東坡
化身湖山歌嘯而且高風足仰奇行堪傳士謙孝本無虧家稱曾子公封臂和藥並刺郭泰
躬尤有道世慕先生此誠不愧天下楷模人倫儀表者也當其服政也飾經佐治援禮教民
王吉作官不失經師之望兒寬入仕無慚循吏之稱公歷任溫州金華通判趙郡丞婦孺咸知清原似
水王別駕公卿屬望重更如山而且枹鼓宣勤樓船講武公統帶浙江水師浪靜錢江鯢鱷師成潮
水熊羆非等岳少保督師痛飲黃龍之酒原似陳從事在郡生宜白馬之祠此非治譜親修

官箴無忝者乎及其講經曲阜也當危言幾廢之時矢絕學續傳之志經搜魯壁聽絲竹之遺音居近尼山樂絃歌之盛事木鐸餘聲若接杏壇春色平分伏博士授書古籍於焉不墜費長翁講易聖學賴以昌明此尤羽翼六經有功名致者矣無何麟經見絕鵬賦頻傳蒼茫絮影之詞頓疑天上公議有絮影詞稿恍惚榴花之夢非復人間公生時母劉太淑人孰分孔鄭經筵長謝朱程講席越王城畔永留去後之思鄆邑廟中應附將來之饗宣德愧非御李恨未識荆莫登元禮之龍空悵令威之鶴幸與文郎共櫟獲聆先輩遺型經析桓榮識重光之炳煥緒承元節羨家學之淵源門停問字之車談非炙輠仲都於路局公暇猶聚徒講學手撰考工之記學擅扶輪文多出其手况復戴禮兩傳公羊五葉象賢有子繩武多孫矣諸孫皆年少好學雖然穀貽不替薪燼尤延此去刼餘莫問紅羊蒼狗這回來罷休論小帽青衫公誦歐陽文忠詞青衫小帽這回來句繪這回六藝自足千秋爭誦中興之記公議中興別記數十卷百年都成一夢怕看小隱之圖公繪有吏來圖仰涑泗之流風伊誰接席溯洛閩之嫡派我尙尋源梁木雖摧謾松可撫雲迷函谷難追老子之踪日望長安輒效仲宣之誄誄曰

星騎箕兮入東維歲應辰兮哲人萎胡天不愍兮一老斯文將喪兮堪悲一去不復兮柱史海內失望兮經師淵淳嶽峙兮宗風未墜麟吁鳳歎兮吾將安之鯉庭垂訓兮詩禮寶硯貽

孫兮貴顯毛長繼詰兮家乘光百藥續史兮累徽美乘白鶴兮翱翔追少君兮入仙鄉配西
銘兮兩廡奠南豐兮瓣香騎青牛而西去兮不返緬先生之風兮山高水長
謝辭

鐵路協會梁會長謝 大總統隆賜親壽文

竊士訂入覲回粵七月初三日承諭齎回頒給家父金佛一尊。瓊瑯金龍瓶一件。玳瑁洗子
一件。庫緞二疋。等因奉此。伏念家父絳縣凝年。遨遊仁宇。白沙擊壤。歌詠康衢。識時竊比於
南宮。養老久叨乎西伯。前以鶴飛曲譜。曾沐榮頒。茲因雁序。言歸復蒙渥賜。教以慈悲。清淨
如瞻我佛金身。作為黻黼文章。似出天孫玉手。灑楊枝之甘露。卽徧大千。洗木筆於春風。初
開第一榮過玉鳩之杖。頒從金鳥之門。歡溢鯉庭。輝增羊石。詒等。皈依蓮座。拜佛惟拜一尊。
捧作萊衣。教忠先教。以孝罄挈。屏之智守口防微。効珥筆之勞。洗心藏密。范金鑲而趙絲繡。
紫窠倍寶。夫天青穎。羹嘗而陸橘懷。狄舍備榮。乎雲白所有。感激下忱。謹具呈恭謝。謹呈。

交通學校袁校長謝 交通部給予名譽獎章文六年四月

為奉頒獎章敬陳謝悃事。竊本月十三日奉 鈞部第九四號令開交通鐵路學校校長袁
德宣。教務長張熠光。著有勞績。均給予名譽獎章。等因。旋奉頒獎章一座。獎照一起。朶雲降。

下。五。色。斑。斕。霽。月。飛。臨。一。輪。璀璨。公。評。月。日。彌。增。全。體。之。榮。宏。獎。風。流。更。獲。終。身。之。寵。德。宣。力。薄。如。棉。謬。長。路。校。我。菁。徧。野。喜。小。草。之。繁。滋。桃。李。滿。門。愧。春。風。之。鼓。盪。差。幸。匆。匆。三。載。樹。漸。成。林。更。欣。藹。藹。一。堂。因。多。結。果。去。歲。賚。陳。學。績。渥。蒙。溫。語。之。褒。斯。時。俯。念。微。勞。復。荷。榮。章。之。錫。豈。自。他。之。有。耀。更。吾。道。以。大。光。獎。勵。逾。恆。感。佩。無。量。惟。冀。莘。莘。學。子。追。隨。奉。鞭。策。而。來。濟。濟。生。徒。奔。走。效。馳。驅。之。報。所。有。感。激。下。忱。理。合。備。文。陳。謝。

交通叢報社謝

大總統頒賜匾額文六年六月

為。奉。題。頒。匾。額。敬。陳。謝。悃。事。竊。香。生。墨。上。瑤。天。落。如。雨。之。花。春。到。人。間。琳。館。染。凌。雲。之。竹。一。孕。彩。雲。飛。降。錦。軸。琳。瑯。數。行。仙。露。頒。垂。報。林。璀璨。六。月。二。十。日。奉。大。總。統。頒。題。北。爨。南。諧。匾。一。方。謹。領。之。餘。莫。名。欣。感。幾。番。展。拜。榮。寵。已。達。萬。重。一。經。品。題。聲。價。何。止。十。倍。驥。伏。不。勝。惶。悚。受。寵。若。驚。鰲。戴。倍。切。尊。崇。感。恩。知。重。自。他。有。耀。極。金。函。玉。簡。之。榮。無。美。不。彰。有。鳳。翥。龍。蟠。之。妙。感。頌。無。量。光。寵。有。加。更。應。力。圖。再。期。進。步。警。鐘。一。響。驚。迴。大。地。之。春。適。鐸。四。徇。載。放。神。州。之。彩。理。合。備。文。伸。謝。伏。乞。垂。鑒。

交通叢報社謝

大總統寵賜尊影文六年六月

竊。言。論。所。關。敢。懷。風。霜。之。義。容。光。必。照。愈。彰。日。月。之。明。六。月。二。十。日。奉。

大總統頒賜 尊影一端。本報敬謹刊登。毛髮皆生。似勝平原之繡鬚。眉如繪。恍瞻威遜之容。道貌咸欽。尊嚴共懍。輝聯天上。九霄應南極。老人傳徧寰中。四海拜西來。活佛。

交通叢報社謝 交通部給予名譽證書文七年十二月

呈爲奉給名譽證書。敬陳謝悃事。竊十月十八日奉 大部依給予名譽證書規則第二條之規定。給予名譽證書。祇領之餘。莫名感幸。德宣才非。司馬自慚。著作之林。技等雕蟲。竟荷褒揚之典。一朵彩雲。飛降五色。斑斕數行。仙露頰垂。滿篇璀璨。梯航入畫。如披一統之圖。文軌增輝。恍覩大同之盛。德宣惟有益。加奮勉。倍切研求。木鐸共徇。忝附適人之末。轄軒並採。效陳太史之篇。再期四政。修明表揚。盛烈尤冀。萬方同軌。紀載 洪猷麟筆。豈侈鋪章。冀懍尼經一字。鴻業更多。潤色再陳。樞史三篇。

交通叢報社謝 大總統頒題匾詞文八年十月

竊春生天上。九霄飛墨。雨之香彩。降人間。五色煥祥雲之影。蟲負自慚。力薄誠受。寵之若驚。鰲戴彌覺。山高更感恩。而知重。八月二十三日奉。

大總統頒題蕩平正直匾詞。謹領之餘。莫名欣幸。蘭臺拜賜。珠玉盈篇。芸館恭懸。滿琳瑯室。妙極銀鈎。鐵畫更加無上之尊。榮過玉束金函。倍荷非常之寵。本報惟有愈加奮勉。再廣。

搜羅才媿三長願秉龍門之法義嚴一字冀承麟筆之遺直道是循周行用率軌不趨夫歧
異自無黨以無偏路必導以康莊更至中而至正萬方共歸統轄擴車書一統之模五洲齊
肅觀瞻拓文軌大同之盛謬效道人載鐸敢矜太史陳書海嘯山吟宣揚盛烈筆歌墨詠
紀載洪猷博佳話一時暫慶昌隆於千八百日肇興邦四政遠播文明於數億萬年

交通叢報六十期紀念謝 各界題贈祝詞文

竊報林彈指六十回明月重圓椽筆題眉千百朶彩雲齊降萬行璀璨錦霏幼婦之詞五色
斑斕花璨才人之筆吐光芒於萬丈日煥琳瑯落咳唾於九天風生珠玉洵論壇而生色更
藝苑以增輝本報榮寵有加驩欣無極勉振道人之鐸四政周宣追扶大雅之輪一鞭猛着
往事遠懷熊繹溯筭路於三洲佳會雅集鴻都廣棣通於萬國有聞必錄四政補遷史之遺
無美不彰一字懷春秋之義縱愧汝南月旦應期海內風行麟筆春生龍門價漲此日芬揚
京國幸共傳不朽之言他時盛紀瀛寰願再撰大同之記

交通文藝集 卷一下

詩錄

七絕

京漢鐵路車中雜詠 八首

張元奇

王城回首隔雲端，掉尾西山不耐看。
欲索古來爭戰跡，趙州南去是邯鄲。
昨宵擁火辦行纏，今日登車欲卸綿。
冷暖分明爭一晌，底須持此問高天。
脚底黃流吼怒雷，飄輪安穩去無猜。
阻風莫作龍神惡，百丈長橋跨水來。
河畔村氓半穴居，蚩蚩作計未全疎。
豈知陵谷遷容易，大壑藏舟事本虛。
曉日孤城過鄭州，平沙莽莽使人愁。
春田不見耕歌起，一帶寒林放野牛。
插漢峯巒武信關，巨靈擘畫石爛斑。
直從北幹通南幹，便向前山望後山。
人家居處繞陂塘，行盡河南得水鄉。
點綴車前好顏色，麥花分綠菜花黃。
好山過眼太匆匆，枉費描摹總不工。
合向洞庭湖畔住，飽嘗湖水與湖風。

京漢鐵路車中書見將至漢口始有山平水軟之致

樊山

向來塵土染衣斑，今對煙波意思閒。
三百鴨頭綠如綺，鏡中初見女郎山。

津浦鐵路車中即事 二首錄一

我一

北轍南轅十二時，緣何氣候迥懸殊。單衣猶熱棉衣薄，頃刻炎涼愧未知。

題京漢路局章君所藏莫愁湖圖

陸君瀛生所繪景物清適宛在石城山水間有感前遊為賦二小詩

夏孫桐

六朝風月已千載，虎踞龍蟠總似煙。兩度石城來打槳，樓臺猶是中興年。粉本流傳老畫師，浦荷作鏡柳成絲。愁心江上誰能遺，祇有青山似昔時。

題京漢路局章君所藏莫愁湖圖

楚君兄屬題即用夏君閏支原韻

易順鼎

兒女英雄總塵土，鬱金玳瑁亦雲烟。留他燕子一雙影，印我鴻泥四十年。余年二十一即遊此紅衣我最羨漁師，日向湖邊理釣線。更羨煙波好仙侶，斜陽啜茗倚闌時。

題鍊入中國鐵路史 四首錄一

文斐

紀事獨宗司馬法，編年遙接獲麟辭。千秋鐵騎供馳騁，想見蘭臺醮墨時。

題湖南粵漢鐵路瀏城橋 二首錄一

袁德宣

誰教虹臥錦城西，碧浪湖連白玉堤。駟馬高車飛過處，千秋盛業此留題。

總理余公親題橋楣

題湖南粵漢鐵路白石港橋

袁德宣

磷磷白石駕滄浪，飛渡無勞一葦航。知是朱張分袂去，南來吾道此津梁。

港側里許有朱張分袂亭

京漢鐵路車中口占丙辰十一月十七日

鍊人

此來逐電又追風。車走雷聲語未通。行過欄橋風雪裏。撩人詩思太匆匆。
蒼茫雲水幾重開。曾自光中洗眼來。道是鏡滄詩句好。坡仙風味謫仙才。
漫道咸陽賸却灰。英雄勝概紀叢臺。興亡千載渾閒事。都付邯鄲夢裏來。
勝境如何點綴工。九天珠玉唾隨風。一車飛過蓬壺洞。信是山河一覽中。

友人以鏡滄詩草索題
邯鄲站側有叢臺上書英雄勝概
黃河南站小蓬壺楣額河山一覽中

湘江放舟八首

黃本祺

帆拽秋江送客風。廿年飽臥一孤蓬。麓峯怕我添離恨。避入蒼煙翠藹中。
曉程江驛遞郵籤。洗眼玻璃水一奩。倒影昭山清鏡裏。片帆飛過綠雲尖。
層層塔影裏晴嵐。遠水鋪秋瀉蔚藍。樹外青旗人賣酒。半江落葉過湘潭。
花石城邊紅漲天。楊梅洲外綠吹烟。沂灘一葉風催上。快意河輪下水船。
杜老曾題石上苔。磷磷鑿石浦。滌洄高吟新詠酬。秋水九百餘年我復來。
淥口涓涓水鬻脣。醴陵秋水接湘濱。何時香塚尋紅拂。不弔英雄弔美人。
斜日鴉翻社廟前。疎疎垂柳半堤烟。空江翠墮衣衫冷。人與秋山共一船。
離魂飄蕩水雲鄉。高枕難眠舊草堂。又被西風吹斷夢。送將秋雁到衡陽。

鑿石有杜公草堂

舟過小姑山戲詠

小姑寒翠點秋眉。瑤水青蓮搖一枝。幸自無郎居處慣。見郎那得不相思。重見煙鬟一颯然。相看不厭夕陽天。彭郎八百纔稱老。六十蕭郎是少年。

樊山

謝交通部張僉事彬人贈高麗髮紙六首錄二

滄桑世局付朝暉。箕子遺墟是否存。寄語莫提家國事。揮毫落處怕消魂。曾聞三島動歡迎。使節歸來有令名。莫道人情如紙薄。我看紙覺勝人情。

鍊人

湘鄂路局黃課長穎初贈交通類編弁言作以謝之

早識涪公是詩伯。今知司馬更文豪。萬言贈我弁諸首。一卷當令價倍高。本來屈子稱詞祖。况又長庚號酒仙。他日岳陽樓上遇。與君同醉洞庭天。

鍊人

和交通叢報鍊人社長原韻

賜詩甚感厚意何時同醉洞庭天不
免思之口饑耳踵和二絕附博一粲

文章流譽京華滿。持較隋園氣更豪。經世一編還壽世。自應價比洛陽高。勞擾轉增詩裏債。風狂敢號酒中僊。糟臺擬傍琴臺築。卻恐金臺遠似天。

此即所謂思
之口饑耳

黃徵

戊午四月五日京漢路局同人赴南崗窪植樹

培材願各早成林。盤錯端由灌溉深。漫道樹人如樹木。十年應識百年心。

鍊人

蘆溝橋去幾村莊。荷鋤人來綠野忙。手植桑株八百樹。南崗應比作龍崗。南崗窪有廟內祀壯繆武侯
野餐酒半帶春斟。新種甘棠喜不禁。他日乘車頻過此。窗前笑指綠成陰。是日華洋人士二百餘人席地野餐別饒風趣
春風一路影連天。植徧森森樹萬千。願早棟家兼幹國。大名長此共流傳。

和鍊人與京漢同人赴南崗窪植樹原韻

鐵漢

南崗窪畔植森林。根蒂應教自固深。手把桑株自栽種。他年當識武侯心。
炊烟縷縷幾村莊。婦孺爭看種植忙。聞道去年災徧野。樂郊幸有此山崗。
衆綠叢中取次斟。翠拖雙屨軟難禁。擎杯席地發清響。妙句催成萬壑陰。
清明時節暮春天。購得新醅酒十千。手植一枝浮一斗。醉餘人影妙難傳。

和鍊人與京漢同人赴南崗窪植樹原韻

黃徵

閒人車轄感平林。封殖無忘望更深。他日果饒植幹選。滋培應不負初心。
遠近渾聯綠野莊。此間曾亦造林忙。朝陽若果同萋奉。一例誰階鳳有岡。是日詹督辦顏局長亦親率同人植樹徐家棚
聽鶯攜酒愛頻斟。風細無憂柳不禁。仗好庇根休縱斧。閭閻百萬待濃陰。
何年黛色直參天。高聳三千並大千。贏得異材支大廈。口碑應更萬方傳。

和鍊人與京漢同人赴南崗窪植樹元韻

張之紀

豈待需材始植林。年年種樹趁春深。栽培自有輪囷日。莫使盤根負此心。
 旗亭十里幾村莊。欲送春歸春又忙。道是天工換楊柳。此身疑在赤雲崗。
 為饒佳趣酒頻斟。醉撚吟髭樂不禁。料得重來看手植。春官桃李盡成陰。
 清明時節豔陽天。拾翠拖紅景萬千。笑語同人須記取。酒僊詩伯不虛傳。

交通部李技士俊夫四十初度賈三同座賦祝 七月二十二日

鍊人

最喜開筵趁晚風。燭花搖映彩庭紅。蟠桃會上人多少。添個何郎便不同。

嬌嫩真如好女時。碧桃誰說遜靈芝。借郎一卷優曇曲。當作樽前祝嘏詩。
一厂賈郎曲嬌嫩真如好女兒

瑤光奪壻不須猜。菊部而今尙有才。道是老人詩更好。教人一讀一徘徊。
樊山詩入市瑤光思奪壻閱人菊部尙多才

麻姑戲鹿正開場。一齣紅鸞演更良。得隴漫教還望蜀。兩人今尙費平章。
一厂曲云賈郎似蜀梅郎隴

温文端不似優伶。聞道閒居手未停。山水畫宗張戴好。勝人多處又丹青。
璧人畫山水宗張文達戴文節筆端饒有逸氣

漫云勝會每難常。一曲周郎顧正忙。願月更圓人更壽。不隨人世說滄桑。

俊夫生日歡會賈三同座鍊人賦祝依韻和之

王幼彭

為祝長生拜下風。滿堂春色襯燈紅。羣仙赴會蟠桃宴。天下人間一樣同。
 名流從不避疑猜。曲部爭稱大有才。莫怪騷人多好事。百花相見也低徊。

兒女英雄角勝時。璧人端不讓靈芝。龍陽才子如相見。定賦羣仙祝壽詩。
濃妝淡抹快登場。一曲昇平調最良。悟得隋園敲韻意。定教鸚鵡檢詩章。
靈山秀水毓仙伶。法戴宗張畫不停。寫入輞川名筆底。主人一見更垂青。
奇人佳話豈尋常。苦口婆心警世忙。一曲霓裳歌未了。衆仙同日話扶桑。

是日壽俊夫者皆留日同學翰卿亦曾經滄海

祝哈爾濱電報局顧局長衡如令慈

蔡傳奎

輝煌五色史書雲。京洛名流葉語紛。賓從充闕齊額手。壽萱堂上壽宣文。
挽鹿權借荆布身。團圓佳話一家春。無端忽矢確筭節。刼換紅羊迹已陳。
和丸猶憶當年苦。說士欣聞此日甘。賦到高軒誇有子。公卿延譽徧東南。
吾家舊在洞庭西。往事桑滄且漫題。好趁登堂稱祝便。太湖重訪釣魚磯。
壽湘鄂路局黃課長穎初尊人煥吾先生七十

夏邦濟

安輿直達武昌來。杖履從容笑語開。此日耆英羣社客。陶然共醉菊花杯。
綺園福相隱瀏陽。松菊娛情姓字香。欲效鳧趨嗟道遠。望風遙晉紫霞觴。
翠柏蒼松歲幾何。籌添海屋漲清波。而今盛軌開萍漢。都道文郎贊助多。
潞國精神孰與同。湖山隱逸有高風。大椿不老爲公祝。我媿投詞語未工。

詰嗣穎初去歲由株萍調粵漢

答株萍路局夏課長直卿壽家君七秩詩即次原韻

黃徵

南山嘉頌自南來，持獻南陔笑口開。
 飛轡壽沙匆促甚，愧無珍錯佐霞杯。
 年年佳節愛重陽，日永椿庭菊倍香。
 養志未能豐洗腆，卻勞朋酒為稱觴。
 浮雲游子意如何，淥水深悵去波葑菲不遺芻。
 見探拜公嘉賜正良多，茗岑各異道仍同。
 鶴髮猶教感惠風，白雪詞高知和寡。
 勉賡巴曲總難工。

弔交通部曹技士灼彬愛姬秋舫 戊午八月

鍊人

塵緣解脫返瑤天，小謫人間十七年。
 環珮珊珊今去也，前身知是蕊珠仙。
 九靈山上絕紅塵，王母先乘紫輦迎。
 料得瑤池新會讌，衆仙爭拜李夫人。
 百花零落菊偏芳，秋舫原作籬畔今飄淚幾行。
 怪底無情風雨甚，滿城蕭瑟過重陽。
 新秋天氣雁歸時，曾囑山人和短詩。
 八月桂花香遍野，秋舫原作那堪重續斷腸詞。
 法源寺裏憶重游，兩度翩翩雅韻流。
 今日一棺停舊刹，佛緣真個是前修。
 爪泥曾印鷺洲前，猶記中秋月正圓。
秋舫原作孤浪不堪回首望飄蓬，梗共悽然
 元年同作北都行，拜母維兒正產生。
 轉瞬匆匆人長大，靈前呼喚尙分明。

弔交通部杜主事伯衡 戊午九月

鍊人

瀛島曾經載酒行。光陰彈指共堪驚。匆匆報道君歸去，愁絕陽關第四聲。
新聚騷壇正可親。陶然共約醉吟身。菊花插滿渾無恙，無那江亭少一人。
前途珍重亟須才。時正驂騑道路開。何事扶輪今撒手，一車西去不南來。
少陵秋興豈堪論。叢菊重開漬淚痕。自此浣花溪畔立，有人相對弔詩魂。

重九約赴陶然亭君獨未至

弔交通部杜主事伯衡

用鍊原韻

陸開鈞

曾記天橋約伴行。忽聞臥病轉心驚。獨憐商略開餘社，垂死床頭尙致聲。
他鄉朋友倍情親。宦海相逢半老身。末路王孫曾一飯，窮愁羞喚作詩人。
喜聚扶輪大雅才。杏花春好一樽開。如何亭上陶然日，不見君家載酒來。
君游如夢怕重論。哀挽詩詞染淚痕。焚向西風蕭瑟地，傲霜寒斷菊花魂。

賀京漢路局黃君聯琴戒酒納寵

己未四月

鍊人

公善飲，每飲同輩不敢敵。數月前，會於西站酒樓，忽不飲，衆異之。公曰：奉令戒酒百日。（指閩令）籌備筵室，衆未之強。四月二日，承招飲，酒數行，果見彼姝者出，詢之，卽蘇髯公朝雲也。衆喜，囑僕以詩賀之。僕嘉公之能戒酒，又善公之能享艷福，然僕病未能，更不覺欣羨，不置，乃爲詩曰：

一篇酒戒見奇功佳話曾傳綺席中果爾朝雲能載福翩翩來事美髯公髯讀平
 三月春風做畫筵櫻桃含笑復含妍庭前握手呼樊素羨煞風流百樂天承令握手相見
 夜來詩興果如何試撚吟髭細揣摩料得渡江王大令溫柔鄉勝醉鄉多
 梢頭豈蕊正開時細領風情妙可知我悔劉伶常荷鍾未能同賦小星詩

和鍊人賀聯琴吟家戒酒納寵原韻

戚震瀛

多謝風姨保護功釀花天氣暮春中清娛司馬遷畢竟饒清福侍櫛來從太史公

浣花溪畔做瓊筵帶雨桃花色更妍半臂子京新貼體錦江春色嫩寒天
 眉痕深淺畫如何新月初三細意摩替寫一枝京兆筆功夫較比舊時多
 攤箋刻燭賭唸時叔度汪洋契舊知記取盈盈三五約定情為賦玉簫韋泉詩

和鍊人賀聯琴吟家戒酒納寵原韻

黃徵

醇酬寧無作合功緣何醉月聖慵中玉台偏令糟臺剗者莫清狂減次公
 坐花無用醉瓊筵賴有朝雲態極妍若遣歌頭賡水調應嗤把酒問青天
 日飲亡何近若何風傳天女伴維摩四禪天裏新宣戒不厭香多厭酒多
 綺語憐儂似舊時偏無紅雪話心知破除萬事無過汝卻憶涪翁歇後詩斷送一生惟有破除萬事無過山谷集古人詩

句爲歇後語末皆隱一
酒字作對乃絕工穩

收婢作妾承鍊人諸兄惠賀佳章次韻奉答

黃丹

塊壘澆消仗酒功。逢人對陣飲杯中。金釵賺換英雄膽。不拜劉伶拜鄭公。康成有婢能詩內子要余教婢識字

浣花春餅佐瓊筵。陪坐了鬢帶笑妍學得偷閒。年少樂風輕雲淡。午晴天餅三月三日浣花春咲春餅丫鬢陪坐自此日始

筆端春意近。如何時樣眉描費。揣摩京兆一枝分。作兩畫工今日比前多。

誰道知非是艾時。我逢艾歲尙無知。昨宵乞得劉師教。戒寵專房紀短詩。劉公厚之有二姬美而諧余請受教授以四字

己未端節祝前路政司長捕九學兄生日

鍊人

滿城車馬正紛紛。艷說蘭湯浴最芬。更喜菖蒲新釀熟。家家齊壽孟嘗君。孟嘗君五日生

延齡酒共泛瑤觥。佳節重逢樂倍生。願借南豐香一瓣。年年此日祝長庚。

和鍊人端節祝前路政司長捕九先生生日原韻

戚震瀛

載酒談玄足解紛。南豐家世仰清芬。端陽佳節高陽侶。觴飲千金壽使君。

角黍菖蒲賭巨觥。家家綵縷續長生。孟王若許同庚祝。知是前庚是後庚。

前湘路局長牧希來書知其夫人沒於漢作此挽之

鍊人

春明池畔日初昏。一紙傳來有淚痕。無那珊珊環珮渺。楚詞悽切爲招魂。

宣文端是女中師猶記星垣授教時那忍韋郎雙淚盡斷腸人誦斷腸詞夫人前充長沙女校教員

夫君爲國去長沙攜手同乘海上槎今日瑤臺歸去也何人重伴話天涯夫人同遊日本

故園烽火鬪殘紅第宅嗟歸一炬空何處更尋乾淨土不如飛住蕊珠宮夫人第宅被焚因驚致疾

答湘鄂路局黃課長穎初惠函

鍊人

兩年未見黃詩伯今日欣逢雁一通滿紙春風無限意教人南望憶倍公君居鄂渚我燕臺底事臨風一笑開寄語扶輪諸妙手好詩常載北都來

五律

湖南粵漢鐵路開工紀念光緒戊申冬月九日

袁德宣

湘路長洙首段於光緒戊申十一月九日在省城北門外開工時風氣壅閉人多疑沮

着手之總始理余公命招工試辦越明年見漸開通遂分長沙易灣洙洲三段鍊人注

慘澹始經營南圖第一程紅山峯勢削碧浪漲痕平在碧浪湖上風氣開三楚車書達八瀛

此身經百鍊當更見精神

湖南粵漢鐵路新河工程處落成

袁德宣

一閣峙新河雲飛碧浪阿馬嘶江上月虹臥水中波筆路山林啓植材杞梓羅北門誰鎖鑰

東道主人多。新河在省垣北門外。

碧湘宮畔望。碧湘宮在碧浪湖側。五代馬殷所建。今已蕩然。光燄接蓬萊。鄰寺鐘敲月。前鄰開福寺。長堤車走雷。桃花新

巷苑。前有兩苑。循種桃花。楊柳畫樓臺。四圍皆種楊柳。綠已成陰。指點經營處。驂騑一道開。

祝湖南粵漢鐵路長洙首段通車 宣統二年

陳 蜚

陳君蛻龔曾主蘇報。因倡民族主義。繫於獄者數年。迨文字功成。而風流頓絕。遂於

民國二年五月十六日客死於滬海內。多以文哭之。並徧搜遺稿。其見重於世可知。

余從舊篋中得祝湘路首段通車作一首。讀之猶見其丰采。亟錄以存其遺。鍊人注

瘴雲澹五嶺。爽氣浮三湘。漸接星沙影。將通珠海光。龍吟起大陸。雁字列長行。雙槳陂塘路。終成九達莊。

祝湖南粵漢鐵路長洙全段通車並束鍊人 宣統三年

孔慶誥

同詠。霓裳後。(鍊人同列職務)鵬圖萬里搏。君今抒偉抱。我愧厠卑官。秩末功名薄。才長事業

寬前途。期共勉。莫負此儒冠。

送鐵漢測勘京熱 民國二年

鍊 人

萬里秦城外。蒼茫此壯游。峯高天欲近。河急水爭流。身世鷗前夢。關山雁底秋。一聲羌笛起。

鄉思動牽不

交通學校開校二年三月

袁德宣

三楚人才數端宜造練深學應趨正軌教更懷師箴周孔薪傳接湖湘嫡派尋道原歸一貫不負此初心

鐵路協會長沙支部成立三年三月二十八日

袁德宣

吾道豈終窮南來脉尚通扶輪推大雅振策仗羣公支派三湘合車書萬國同中華誰一席共仰大王風路政局歡迎 葉副會長詞云我中華民國鐵路大王一席殆有所歸也

送交通學校宋管理蘭蓀之大梁

鍊人

久鬱非長策君行好自持十年幾同志千里兩心知魚水交歡地龍雲契合時君與巡按使田公相得甚何當一樽酒重與泛瑤卮

祝交通學校鐵路班畢業五年二月

陶嘉揚

縱有長房術逢君且漫誇晴空鳴霹靂陸地走龍蛇治道車同軌儲才金揀沙大鵬搏九萬吐氣壯雲霞

赴株萍路局舟過洞庭五年八月

夏邦濟

洞庭湖水闊四顧壯懷開雁陣催秋老潮聲喚夢回舟邀仙侶共客自海天來舉世憂沉陸
誰爲砥柱材

次株萍路局夏課長直卿過洞庭原韻

鍊人

秋水平如鏡湖光一抹開波澄新月淨帆送使星回誰應扶輪選君應鼓枻來揚鞭今就道
應識不凡材

與衛支厯耕兩君赴都過洞庭十二月十三日

鍊人

湘水清如鏡飄然一葉浮江湖留短艇風月付高樓消息梅先洩騷情荇欲流他時一迴首
佳話記同舟

祝交通部舉行實習試典六年二月二首錄一

鍊人

誰是招賢地黃金舊有台鐵鞭曾鍊士玉尺此量材麒麟騰霄起鸞鳳映日來前途各珍重
莫負濟時才

交通叢報社新遷法源寺五月

鍊人

何處寄吟蹤鼇山第一峯詞非黃絹選句漫碧紗籠旣托詩中鉢誰慚飯後鐘屠黎頻囑汝
打掃且從容客賃寺居僧人例索打掃金

近鄰無量殿住無量殿旁與佛更緣多欲解迦迦偈無忘踏踏歌禪應參老衲妙正入詩魔鎮日清如許顏誰醉若配

何物濃如幄蒼然兩古槐綠籠名士幌青上秘書臺局似曇花現經聞貝葉催南柯酣夢醒顧影莫徘徊

小住漫勾留清風憶虎邱紅羊灰底劫黃鶴燼餘樓何事金緘口應令石點頭醒鐘齊警覺與世又何尤

送京漢車務張副處長仁齋赴南滿考察十二月

袁德宣

此去意何如雲騰驥足舒三邊荒徼地一卷大同書塞草胡姬曲皇華使者車陽關西出近臨別莫躊躇

蜿蜒二千里龍沙入版圖地仍歸統轄我應範馳驅前導無歧路周遊盡坦途指南車尙在應識舊時模

泥雪渾無定翩翩爪印鴻河山嗟莽蕩鐵石費磨礪周道雖如砥他山尙可攻輶軒今採徧好待補冬工

欲餞無他物臨歧酒一杯箕墟君竟去徐島我曾來未折行人柳先探驛使梅潘江春色好

飽載滿車回

次鍊人送車務張副處長赴南滿考察原韻

黃丹

萬里長征路平生志展舒
遨遊週郡國利病考圖書
壤接三韓島輪迴一統車
使君行得得我輩意踟躕

鴨綠江頭景蒼茫入畫圖
輜軒風徧採笠屐雪長驅
疆界標新址山川識舊途
陪都留勝蹟禮器古規模

北野空羣驥南征出塞鴻
金州看戰壘鐵嶺認磨礮
沙急龍偏走車同馬更攻
交通崇實業注重在農工

送出陽關道勸君洒一杯
黑龍江遠去青鳥使初來
雪壓隄邊柳花開嶺上梅
計程三月後筆底帶春回

送赴日電氣博覽會參觀團 六年三月

鍊人

此去三山近遊觀萬騎忙
奇文應共賞吾道更彌彰
客是瀛洲侶人皆上國光
目誰如電好聯袂看扶柔

指點蓬壺路春深望欲奢
我慚曾採藥君去正看花
去正櫻冠蓋連三島車書共一家
他

時歸載後文治更光華

和鍊人送赴日電氣博覽會參觀團原韻

鐵漢

何物飛如駛蓬壺掣更忙垂空銀練朗匝地玉霞彰不有九州客誰增三島光莫嗟奇幻甚

世局本滄桑

更進一杯酒前途春意賒新橋藏柳色上野燦櫻花列子光中祖徐生客裏家不堪迴首處

珍重賦皇華

交通叢報社再遷李靖衡街七年五月十三日

鍊人

大地春如海花飛正滿城朝陽欲鳴鳳出谷喜棲鶯地以三遷善人須百鍊精衛公遺蹟在

景仰不勝情

賀四鄭鐵路通車七月

袁德宣

已遂移山志愚公得意行局長摩天驚鶴舞拔地看龍迎電掣三江口雷轟八面城路經

口八應知新發軔長此慶雲程

周道本如砥新基肇四平康衢通塞徼正幹拱神京縮地功何速驚天事已成高軒飛過處

雷定動歡聲

鄭家何處是四野綠雲屯車抵鄭蜿蜒龍爭出飛騰馬競奔誰尋天外路人指日邊村喜採
輜軒徧皇華最可論

我忝適人末漸無木鐸徇新猷方懋著盛典未躬親酒向遙空祝書由遠道陳大同文軌合
佳話紀扶輪

遇穎人南口車中出示遊八達嶺之作奉和原韻

曼仙

逢君壯遊返執手萬山中嶂疊雄關翠車迴落照紅晴光消嶺雪警句挾邊風媿我先攀險
登臨語未語

送交通葉次長赴歐美考察

曹璜

中外車同軌迢迢星使通一帆鯨口日萬里馬躡風南柱銅猶在西州記定工此行足今古
欣慕思無窮

大輅椎輪始吾華程步推天寬寧自囿道失遠求夷地軸東南缺衡璣上下宜五洲執牛耳
歸更爲傾卮

七載追陪久三生感慨多蹇韃慚仲郢帖版拜隨何願祝朱絲慙驚聞白玉珂輜軒傳絕域
鳳舉亦明駝

此日青纈去何時。赤鞞歸和聲。騰內外。大道識從違。人力舟車。一天心。世局微。海雲鴻鵠舉。目送五弦揮。

送鐵漢諸友測勘吉會二十韻 八年一月

鍊人

君是道人侶。時殷本鐸。徇考工多著述。前長考工縮地見精神。鵬路雲鶩迥。鴻泥雪印新。
河山憑鑄造。鐵石賴陶甄。舊蹟尋箕子。遺城訪漢民。會寧屬朝鮮隨山惟紹禹。鞭石並師秦。旣獲班荆友。尤多入幕賓。彭篋知步亥。彭君述李泌慶同寅。李君俊夫公瑾情彌摯。周君真文真性更純。楊君德與誠長者督辦公。子建本才人。一氣心相應。千途跡並循。松花翻錦浪。松花江柳絮逐芳塵。周道直如矢。天涯近若鄰。關山杯底影。花月鏡中春。面面圖俱合。頭頭道是真。馬蹄奔放疾。驥足展舒頻。漫試五丁手。須經百鍊身。霜鐘期遠響。警枕願遙巡。字寄天邊雁。書通塞外鱗。臨歧弗惆悵。相約共扶輪。

測勘吉會過老爺嶺寄鍊人

鐵漢

行近老爺嶺。舉頭山萬重。江河供醉眼。草木放春容。亂石枕流水。危巖倚古松。羨哉關壯繆。獨占最高峯。

和鐵漢測勘吉漢過老爺嶺原韻

鍊人

何處停驂地雲飛十二重鶴摩天外影雁盪鏡中容驛馬驕嘶草虬龍怪吼松擎杯知興足
吟斷白雲峯

郟城車次別查芸孫

李遂賢

又作離家客飢驅怯亂離干戈兒女淚風雨旅人詩列郡颺輪駛連營鐵艦馳安危巢幕燕
南望不勝悲

天下方多事牢愁抵掌生憂時嗟不測惜別若爲情湖海萍蓬合兵烽草木驚何時方厭亂
天末各吞聲

哭漢粵川鐵路督辦詹魯誠先生

袁德宣

當代幾賢哲前途引睇望我公誠泰斗吾道此津梁日月磨方急河山鑄正忙問天胡不怒
一老忽云亡

少抱不凡志飛輪紀壯遊寶書觀萬國絕學擅千秋識已高諸子名尤動五洲珠江歸櫂後
崛起樹新猷

博博環大地首業創京張績漫追元相仙偏學長房五丁開絕巖千里闢康莊阿曼成功日
人驚鐵道王

漢繫全邦紐，洪工綜粵川。爲通巫峽雨，先破洞庭煙。京汴遙，脚接長萍近。縮聯車書歸一統，南北共稱賢。

壇坫歸誰主，番禺一席當。工師推領袖，技術仰門牆。國重冬官職，公任人登大匠堂。般倅今去也，何處燕心香。

報學互磋磨，公尤獎掖多。南針叨廣錫，東箭費旁羅。像供容如昨，承賜辭刊字不磨。交通類辭數行遺墨在，讀罷涕滂沱。

大陸風雲急，侵謀事豈虛。鐵路統一起主權爭共保，隱患冀潛除。路振道人鐸，途回使者車。

騎鯨忽西逝，憑弔不勝歎。

愛國心殊切，臨終不及私。數言關大計，三策見深思。當軸悲亡鑑，吾儕痛失師。英靈知未沒，他日拜專祠。

哭漢粵川鐵路督辦詹眷誠先生

黃徵

夏甸篋同軌，冬官貴攷工。軼材公獨擅，絕藝世稱雄。日月勳方爛，風雲路宛通。愍遺今未獲，不惠怨蒼穹。

萬古鴻濛闢，才歸大造鍾。地靈彰粵秀，天險洞居庸。通道超羣策，程功歷四封。公歷綜京津

內外新易粵漢
商路諸路工 假年攄偉抱蛛網庶橫縱

艱大遺川粵經營始漢皋夢縈彬嶺瘴思浣峽門濤縮轂宏規在隨山碩畫勞功懸身遽逝
餘恨浪東淘

瀟晦明星少艱難來日多邊雲迴使節朔雪釀沈疴賞志三遺策彫年一剎那事爲天下慟
爭不涕滂沱

閱寂般倓久知新近得師普天阿曼仰縮地長房資駕待輪齊展材希厦共支楷模方永式
誰意哲人萎

涕斷騎箕後聲蜚創業前遠謨恢亥步樸學茂丁年公年十二即游學美國績偉環球詫勳高國史
傳君蒿拜遺像淒戀益欽然

壽莫河山永名猶宇宙留由庚磨鐵血周甲蘄瓊甌幹國羣英仗承家五桂優公有丈夫子五人崇
祠他日建俎豆自千秋

彪炳歸前輩彰傳賴後人九州金鑄鐵一貫火繇薪壠斷雙來軫波流渺去塵勉期靈爽慰
應共勗扶輪

題本交通叢報六十期紀念攝影八月

鍊人

六十期初屆光陰尙可尋高朋今滿座佳作已如林高一廠先生座中笑謂如林不失廬山面應知
淶水心更欣花影下指點見南針

賀鍊人題交通叢報六十期紀念攝影原韻

戚震瀛

尺幅詩兼畫幽居淶水尋龍頭屬高座鳳翰染文林瘦菊留新影卷蔬不老心買絲繡君像
一一度鴛針

祝津浦鐵路總務鄭處長筱浦令慈梁太夫人七秩十一月

袁德宣

嶺上梅齊放花騰八座香荻傳歐母宅萱祝鄭公鄉地接京華路天增寶婺光醉看書帶草
蘭砌更芬芳

三絕傳家法郎君有祖風延齡今酌兕助苦昔和熊門已承通德書尤撰大同願將無量酒
滿載祝華嵩

門下無虛座當時誼足親扶輪稱大雅推轂繼先人海屋籌添滿津沽綏戲新會逢文軌盛
板御樂天倫

有子人中瑞高堂靄笑容客多爭奏鶴我媿未登龍四疊延年曲千齡益壽鍾期頤重祝嘏
兼介大司農

株萍鐵路夏課長直卿三十六歲初度以所成三十六句見示仍擬三十六句贈之

袁德宣

我○忝○十○年○長○余年四十六君○方○卅○六○春○香○山○清○詠○日○香山有我年越水燕遊辰歲遊杭州十六歲月
匆○匆○度○河○山○簇○簇○新○書○生○原○報○國○大○雅○快○扶○輪○舟○泛○洞○庭○側○君初赴湘即以車通淶浦濱間
萍○來○古○渡○萍鄉即孔子折柳到芳津山谷前遊渺谷舊遊地山江淹舊地親江淹封青山留過
客○紅○拂○識○詩○人○紅拂墓在淶江西山既喜鷗盟社還欣燕結鄰軸飛知輦玉軫接定輸銀不意逢兵燹
翻○教○化○劫○塵○近○觀○頻○動○魄○遙○念○更○愴○神○桑○海○時○多○變○粉○鄉○日○苦○貧○縱○憐○多○病○鶴○猶○幸○有○仁○麟○
斯○世○風○趨○薄○吾○徒○道○尚○真○宣○明○家○世○舊○仲○御○性○情○純○樂○秦○南○飛○鶴○書○遊○北○上○鱗○好○教○巴○里○曲○
聊○當○嘏○詞○陳○

七律

樊山

火車去來經廣武隧道

是○誰○鑿○空○效○張○騫○山○骨○真○同○月○脅○穿○昧○晦○暫○遮○雙○掌○日○光○明○旋○覩○兩○頭○天○蟻○柯○裏○作○須○臆○夢○
魚○腹○中○行○萬○斛○船○真○有○英○雄○來○廣○武○步○兵○未○敢○薄○時○賢○
南○轅○北○轍○迭○相○乘○鼠○穴○車○來○信○有○徵○迅○走○雷○霆○疑○在○甕○暗○無○日○月○最○思○燈○五○丁○應○愧○開○無○力○

重耳眞慙請不謗此去鄭州纔尺咫寤生前軌至今仍

黃河鐵橋

樊山

頑固蚊蠶斷不料大河鐵鎖鎖連橋飛行競上金鼇背虛軟何嫌玉竦腰信有異人師造化直將平地易波濤天孫爭及歐西巧歲歲銀河費鵲邀

題交通部蔡君斗南停機勗學圖

易順鼎

仁人孝子意無窮寫入荒山老屋中讀書也應雙鬢白授書難忘去一燈紅母靈縮地猶來北兒淚經天欲注東豈但卷旄堪媲美直追畫荻與丸熊

飛艇八首

樊山

北軍飛渡莫能追雲際翱翔水面馳新莽購人何足算奇肱製品互相師槎浮銀漢三秋迴藕截華峰十丈奇至竟不如爲芥子堂坳杯水任推移江頭電笑復雷驚斗覺雙舷羽翼生上界樓船眞遣將陰謀購臚可藏兵霜鴻得勢千尋舉天馬排空萬里行誰解憑虛執蘭槳乘風打取氣毬輕下方俯視一微塵霞舉軒軒逼帝閣騎鶴白雲隨遠駕釣鼇滄海費長綸最憐窮冝誇行陸若遇牽牛可問津說與杜陵成一笑眞逢天上坐船人

萬人海上觀奇器。羊角搏扶在眼前。下擊恐多兵死鬼。汽毬飛艇皆戰鬥品。上昇俱是肉。飛仙公輸削木慚爲鵠。梁武牽絲愧放鳶。輸與西方美人巧。飛車而後復飛船。

漂搖大陸起龍蛇。不是當年博望楂。追日漫持夸父杖。聞雷欲鬥阿香車。兩頭置礮排天陣。三翼(船名)論兵。忘道家蕩蕩青天大。於海君從何處問津涯。

斗隨鷓鴣上青霄。錦纜牙檣薄汝曹。迴避罡風須轉舵。浮游雲漢不持篙。幾曾六月偕鷓息。冷笑雙星踐鵠毛。萬檝千帆齊仰首。黃頭郎據五雲高。

貪奇競巧奪天工。穿鑿風雲徑路通。進退從容隨六鷁。扶持上下屏雙龍。(大禹黃龍負舟。吳猛兩龍負舟)人求富貴危機裏。天在蒼茫過渡中。上有銀河下紅海。問君何處不相逢。

賽船賽馬此何年。買券家家擲看錢。破浪擬探星宿海。叫閤直上燄摩天。令人皆有凌雲氣。老我徒爲下水船。斗室冥心游八極。尻輿神馬愛坡仙。

賀湖南粵漢鐵路工程處落成並柬鍊人 宣統二年

鄒壽熙

湘路工程處新造落成。謹於古名臣傳世錄。採明廉公勤四字。成七律四章奉贈並

柬鍊人。雖槩才非僅此四字。然此四字能髣髴其爲人。取古人贈言之不諛也。

瑩瑩冰雪淨聰明。寶鏡懸堂澈鑒衡。地喜人文增氣象。天儲國器柱勳名。豈徒鶯擇千章木。

且展鵬飛萬里程。世態春雲消翳障。光昭上下貫精誠。
東海探驪資博淹。北河飲馬炯清廉。澄波不滓才情爽。契道無私膽力兼。最愛聲名三楚重。
更欣操守十分嚴。從知白水盟心久。未履瓜田早避嫌。
甘苦共嘗同一甌。衆因寬得悅因公。不參私意人知感。做到平情自效忠。分澤宛如譙夏雨。
舍和真覺醉春風。化來蠖險歸便蕩。胸次山河指顧功。
君子自強行則健。民生不匱道維勤。心逢熱處啼鶻血。思到窮時透鶴筋。直使案無留寸牘。
恍如風聚掃浮雲。從容部署精神滿。一遇才人共解紛。

祝交通葉次長尊人仲鸞先生六秩晉一 民國三年

孫寶琦

海內人推六一翁。竭來杖屨倍從容。治書冷倚三更燭。領算清餘兩袖風。世德汝南卿長繼。
經師鄭氏祖孫同。梅庭雪後華筵敞。願獻仙家碧玉筒。
麻姑笑問幾滄桑。此日相逢各老蒼。三世交期重沆瀣。卅年離合閱星霜。燒燈節過春猶淺。
畫錦堂開樂未央。試與傾樽話疇昔。別來應許次公狂。
令子才名重黑頭。風塵開道仗驕驄。羣離衆已傾稽紹。老蚌詩應戲子由。三葉英聲蜚日下。
一時鞠脰總名流。羨公坐嘯懸車早。笑看萊衣舞未休。

同輩爭誇。官在身大撓。甲子歷翻新彩燈。燦映牆腰雪。蕭鼓喧回陌。上春雅集正宜開。洛社稱觴會已動。京塵年來自覺吟情減。垂老詩成與細論。

祝交通葉次長尊人仲鸞先生六秩晉一

周自齊

吏隱西山過廿年。清門文采世爭傳。昔藏宦海今人海。翁證天仙子地僊品。比慶雲先覩快兒官。卿月後來賢公才。公望文章掩偉抱。何曾得一宣。莫恨東坡阻蠲宮。斜川富貴補髯翁。匡時漸覺經綸密。食報方知造化公。宗匠文章避暑錄。神僊游戲廣寒宮。駐顏自著虞卿帔。不待丹砂鍊葛洪。

祝交通葉次長尊人仲鸞先生六秩晉一

梁啓超

東華捧手各欣然。鄉里衣冠仗此賢。嗣世風騷開嶺嶠。一官諧玩比神僊。憂時屢上匡衡疏。晚學應增衛武篇。慙愧鵝湖門下士。論交象勺許忘年。耶君意氣正青春。紫綬金章照世新。注籍華陽逢畢漸。捧輿闕下遇崔邠。且須滿飲羔兒酒。不用深藏白氈巾。南極一星明北斗。當今名德更誰論。

祝交通葉次長令尊仲鸞先生六秩晉一

袁德宣

嶺南端是鶴家鄉。海屋籌添算更長。會結耆英文澗國望隆。中外郭汾陽。庚觚共祝河山壽。

甲錄重添姓字香有子不凡阿利曼巍勳業耀東方

專門教育費研磨塵尾清談事若何幹國真材培杞梓作人雅化普菁莪壽星光映長沙遠

化雨時宏小草多交通學校多仗次長滋培我率生徒齊頂禮澧蘭沅芷喜紛羅

衡峯七二曉雲開願祝南山壽一杯一統車書昭盛軌兩朝揖讓見奇材宣布共和次長密為費畫榛蕪

滿地誰芟別桃李盈城手種栽世路漸歸平蕩會好教吾道正南來次長屬辦支沙鐵路協會

萬言論政揭真筌公著政論數十篇文化還憑鼓吹先交通叢報疊提倡徇路自慚非木鐸指南猶幸有

薪傳公譜世上長生術子是人間縮地仙北望京華頻祝嘏揆詞我媿筆如椽

九江路局登樓閑眺 民國四年

陳伯嚴

阻兵改朔一歸來莫問墻枝手自栽檻外湖山遠點筆塔尖晴雨照銜杯拍堤孤鷺還相識

避彈流鶯去不回往事餘年三宿了風光為我寫樓台

赴嶺南鹽署舟過洞庭與鍊人話別 五年一月

包炳坤

從此遊人賦遠征又聞關塞鼓聲嗷嗷鴻雁填山谷濟濟王侯擁帝京時正北馬南船何

足補長蛇封豕更堪驚新年日上宜春頌願借銀河洗甲兵

驪歌甫唱鄉關出一日扁舟下洞庭孤劍光懸湘月白慈雲影隔楚山青勞人草草風塵老

寒夜漫漫客夢醒，正是梅花好時節。且從嶺海試新酬。

和子卿親家赴嶺南新任舟過洞庭話別原韻

袁德宣

使君。卿。命。向。南。征。到。處。歡。迎。有。政。聲。賁。海。且。先。來。嶺。嶠。和。羹。早。已。佐。神。京。
曾任財政部鹽署差無端離

緒。三。湘。起。如。此。才。華。百。粵。驚。願。祝。潘。陽。花。滿。縣。祇。談。風。月。不。談。兵。
片。帆。高。掛。飛。何。處。俯。唱。遙。吟。出。洞。庭。庾。嶺。梅。開。千。樹。白。湘。江。波。湧。數。峯。青。欲。清。舊。債。詩。常。積。
前作尙未和今又承寄贈為。洗。離。愁。酒。未。醒。料。得。新。迎。賢。大。史。花。驄。隊。裏。看。磨。礪。

祝前湘路總理陳佩珩先生六十

袁德宣

指。南。誰。復。繼。元。周。大。雅。扶。輪。據。上。游。
繼余公堯一。路。榮。華。催。郭。令。百。年。福。壽。衍。箕。疇。聲。名。

自。此。高。衡。嶽。德。望。由。來。重。太。邱。記。取。涿。淶。三。十。里。口。碑。頻。載。聽。新。謳。

長。沙。莫。道。猶。卑。濕。况。復。新。開。不。夜。城。
公創辦省垣電燈十。里。寶。光。人。祝。嘏。萬。家。燈。火。客。吹。笙。樓。臺。上。

下。懸。明。月。宮。闕。參。差。浸。水。晶。漫。說。自。他。原。有。耀。與。公。同。上。玉。山。行。

問。字。車。經。幾。度。過。從。知。壽。考。作。人。多。
交通學校承公於湘路股款下提款津貼足徵作人之意山。中。小。草。春。如。許。天。上。

蟠。桃。種。若。何。漫。道。幹。材。推。杞。梓。最。欣。餘。蔭。普。菁。我。感。恩。自。此。多。知。己。春。酒。家。家。介。碧。螺。

繞。階。蘭。芷。樂。何。如。萊。綵。翩翩。意。態。舒。功。德。輸。公。惟。壽。考。大。同。享。我。是。車。書。老。人。南。極。星。常。耀。

召伯東方願豈虛方兄為東最羨班昭賢女史捧觴親祝有芳譽

贈交通學校鍊人校長 五年五月

王訓

十年前已識袁安一卷新詩屢索看豪氣欲吞諸子易修名期到古人難乘槎海國三年返
築室湘城半畝閒學宮門內築有精舍暇日登樓曾約我開樽對話有餘歡

題鍊人碧廬吟草 十月

藍顯鑑

雄才落落數袁昂萬里頻觀上國光滄海六鰲供策馭冀州羣馬讓騰驥新詩助得河山壯
妙製催成水陸香願扇仁風揚下里狂歌漁父起滄浪

謝部委粵漢鐵路唐局長監考交通學校畢業試驗 五年十一月

袁德宣

故園春早漸蕃滋小草臨風意自知欲使梗楠成大器願教桃李荷恩施三湘子弟歸陶淑
一統車書賴主持莫道瓣香無處熱滿爐薪火正純時時正嚴寒溫爐對坐

與衛支歷耕兩君赴都舟抵漢皋 十二月十五日

袁德宣

五年三度漢皋遊今日重來氣象幽劫後河山新點綴客中風月小勾留飛翔誰是雲中鶴
飄泊休如水上鷗囑咐灞橋驢背上祇駝詩思莫駝愁

讀交通部蔡主事斗南報暉堂有感 六年二月

權國垣

李白才華杜牧詩報暉一卷兩兼之文章憎命今猶古宦海逃名樂不疲
露月光風推叔度
高山流水遇鍾期天涯我亦潯陽客四顧蒼茫有所思

酬交通部權主事子藩讀報暉堂有感原韻

蔡傳奎

懺情悔作綺懷詩結習難忘杜牧之賸有寸灰心未死欲擎拳石力先疲
浮生滄海渾如寄
歸隱重湖未有期幸遇德輿真長者平居寂寞慰遐思

齋交通部權主事子藩讀報暉堂原韻

袁德宣

萱背忘憂誦雅詩北堂春靄我知之六鰲駕海身應健一鷗凌霄翮未疲
寸草報暉終有日
長材用世豈無期美人遲暮誰呼出一卷騷辭子細思

鐵漢長考工科書此奉贈三月

袁德宣

誰將妙鐵鑄山河大匠門前幾度過漫道九洲春色好願教一路福星多
滿牀文卷勤披覽
萬幅輿圖細揣摩留得考工書在手趁時鄭重莫蹉跎
揚鞭振策幾經催笑指驂騑道路開誰說鐵公非健漢共知子建是奇才
無邊風月供吟嘯
大塊文章仗總裁休薄東阿無識力河山都付品評來

鍊人兼京漢路局秘書依韻答之

曹璜

問○誰○路○學○導○先○河○門○外○高○車○載○酒○過○室○有○奇○書○知○策○妙○案○無○遺○牘○識○才○多○本○來○諸○葛○能○精○警○
 未○必○蘇○秦○善○揣○摩○大○好○河○山○憑○計○劃○莫○將○棋○局○付○蹉○跎○
 十○載○交○遊○歲○月○催○黑○頭○今○漸○鬢○花○開○英○華○藻○麗○慚○曹○植○文○采○風○流○羨○子○才○路○律○記○曾○勞○手○注○
 事○機○隨○處○見○心○裁○願○如○形○影○長○相○願○莫○使○春○風○任○去○來○

和鍊人贈鐵漢長考工科原韻

蔡傳奎

扁○舟○苦○憶○舊○湘○河○風○雨○深○宵○載○酒○過○十○載○北○征○塵○夢○逐○幾○迴○南○望○淚○痕○多○滄○桑○歷○劫○身○猶○健○
 金○石○殘○篇○手○自○摩○放○眼○棣○通○新○世○宙○嗟○予○歲○月○任○蹉○跎○
 颯○颯○東○風○著○意○催○催○將○滿○苑○百○花○開○感○時○濺○淚○尋○常○事○鑿○險○探○幽○未○易○才○三○晉○雲○山○供○眺○覽○
 五○丁○技○業○費○量○裁○定○知○公○暇○饒○清○興○日○有○新○詩○付○竭○來○

京漢路局黃君聯琴五十初度即席賦賀

袁德宣

行○年○五○十○正○知○非○一○卷○犧○經○悟○入○微○公精學伯○玉○躬○修○多○令○譽○庭○堅○家○學○有○遺○徽○公章刻詩九
 天○珠○玉○隨○風○落○別○墅○吟○草○滿○紙○雲○煙○趁○筆○揮○公善書每日索者更○喜○桃○筵○酣○醉○後○是日置
 前○門○車○站○翩○翩○曲○聽○鶴○南○飛○
 內○食○廳○記○曾○巫○峽○駐○霓○旌○有公仕蜀琴○鶴○攜○歸○有○笑○聲○桂○樹○兩○枝○齊○吐○艷○公一供職漢口銀行蘭○蓀○

九腕盡含榮諸孫膏頭五年長我情彌摯千頃如君量更宏最愛鬚眉如戟好甚美公餘坐
對話平生公餘對坐

和鍊人辱賀五十生日原韻並以誌感

黃丹

敢云今是昨朝非學易從茲過滅微世守書香綿舊業句摹詩伯景前徽淺嘗宦味知羶臭
參佐戎機信塵揮前充鄂軍第二師司令部劫後河山無限感龍爭虎鬪鶴高飛
未嫻三略羨招旌劍鎖禪心悟色聲每約屠沽商出處常徵朕兆識枯榮出仕西蜀避亂尋
文章糟粕風趨下性命皈依道自宏人世百年今已半平居澹泊養吾生

鍊人鐵漢招飲京漢西站食廳即席有作 民國七年

石甫

微涼和雨沁襟痕談笑聲能奪雨喧四座之中八楚客主人與余及張君劭希錢君德甫九
州而外一歐村園仿歐美徑花杜與羣鷗見盆雪蘇看萬馬屯坡公雪浪盆詩太行西來萬
雪浪盆似點綴固知經好手令人如坐錦秋墩

和一厂先生西站食廳即席原韻

鍊人

暮雨侵筵濕履痕輪聲未歇笑聲喧本來都下停車地借作門前賣酒村西車站俗薛蘆半
牆涼意透葡萄兩架綠雲屯主人自愧呼東道贏得新詩滿錦墩飲後承問東道主幾

和一厂先生西站食廳即席原韻

錢漢

欲覓新詩識酒痕。客來鬪句笑言喧。我公信是真名士。此地疑爲假雨村。坐對一山新月滿。却憐四處陣雲屯。此間幸得閒中趣。艷事贏人說謝墩。

祝前鐵路協會梁燕蓀會長六十

沈琪

五嶺雄奇果毓靈。笑持春酒醉雙星。掄扶海內推宗匠。論世斯人足典型。廣廈安危同倚柱。深閨詩禮夙明經。會看功業成賢助。更祝霞杯晉百齡。

祝前鐵路協會梁燕蓀會長六十

關廣麟

扶桑東望鶴飛迴。壽寓昭明禁網開。萬甲藏胸森武庫。四方翹首下移臺。稍親絲竹寧無意。暫托江湖惜此才。一棧析津春晷永。海濱德曜喜偕來。

祝前鐵路協會梁燕蓀會長六十

劉成志

桃潭春餞汪倫席。杯酒當時接老成。一代人才數行輩。橫流滄海要澄清。別來世運幾三變。此日京塵說太平。乞向華堂借樽酒。壽星遙爲祝長庚。

祝前鐵路協會梁燕蓀會長六十

黃贊熙

姓名吾欲射金甌。此手能成五鳳樓。竟等溫公來散地。應教莊叟慨神州。梯航山海尊先導。

鞅譯東西許勝流，尙齒漫忘同日會。他年更得屬龍頭。

鍊人社兄七夕新遷大阮府招飲卽席賦賀

易順鼎

新居佳氣鬱葱葱，好客開尊北海風。疑有桃花稱阮府，恨無梅子對曹公。戲贈座中曹君灼彬星河座
界三千迴雲夢鄉，音八九同主客九人皆楚產。知有天孫傳吉語，珮環聲在五雲中。

和一厂先生辱賀七夕新遷原韻

袁德宣

籍咸林畔氣青葱，猶有當年竹下風。詩虎本來稱一老，石老共推酒龍我自媿羣公。應知尼父無鬚好，九人惟公無鬚樊山贈公云應知尼父亦無鬚。豈與狂夫白眼同，最喜九天珠玉滿。片時吹落阮庭中。

和一厂先生賀鍊人七夕新遷原韻

曹璜

蕙草杯香氣鬱葱，分題刻燭趁秋風。籬盈松菊疑彭令，交訂林泉羨謝公。幾度新遷三徑雅，十年舊雨一樽同。醉來笑問銀河侶，歡會何如阮府中。

和一厂先生賀鍊人七夕新遷原韻

吳宣光

泛觴煮餅潑油葱，正論曾陶正始風。大小依然留阮府，主賓宜自擬嵇公。落霞孤鶩才驚豔，疏雨微雲語怯同。詩意欲冰人意淡，固知風味在林中。

和一厂先生賀鍊人七夕新遷原韻

金丙炎

氣象佳哉幾鬱葱。千秋踵接竹林風。頰紅儘許儕蘇子。眼白伊誰遜阮公。詩虎雄威令我畏。天孫歡會與人同。平生所貴惟知己。况是萍飄逆旅中。

和一厂先生賀鍊人七夕新遷原韻

黃徵

新秋佳氣甚龍葱。高樹鶯遷趁晚風。端合詠懷追阮籍。况兼啓事擅山公。樽傾竹葉人皆俊。扇染桃花道不同。此乃仲薄阮鬚之意儻效汾陽祈貴壽天孫錦繡正雲中。

依七夕新移原韻轉賀一厂先生喬遷

袁德宣

佳鄰同卜氣葱葱。似有香山社裏風。舊國詞宗推屈子。近時詩伯慕涪公。門無俗客何妨小。樊山老人贈公移居詩屋兼烏愛何妨小屋住騷人便不同願祝兩家春意好時時陪坐綠楊中。

再謝鍊人七夕新遷嘉招並柬鐵漢諸君

易順鼎

名篇絡繹謝嘉招。三楚吟朋集此宵。鬚子禪襠譏阮海。余獨無鬚故用桃花扇阮圓海天孫裳錦譽韓潮。適遇七夕主賢共賀鶯遷谷客病空煩鵲作橋必往觀鮮伶演天河配而余竟未往當令正驕秋老虎。過時詩虎豈能驕。金君詩目余為詩虎愧甚

和一厂先生再賀七夕新遷原韻

袁德宣

七夕會慚折柬招。天河搖影聚良宵。撚來豈斷數莖雪。醉後惟添兩頰潮。蘇詩紅潮登漫道

祥麟同出藪公亦新遷枉教靈鵲自填橋鮮伶演天河未往觀先生信是詩中虎一嘯羣雄不敢驕

和一厂先生再謝鍊人七夕嘉招原韻

吳宣光

會惜吟魂賦大招又來酬韻躡涼宵一蛩夜月嗣清響萬葉秋風聽落潮敢擬東坡和陶集
欣留南陌訪蘇橋最難刺是詩中虎寄語寒娥莫浪驕金君目一厂先生為詩虎近韓伶世

和一厂先生再謝鍊人七夕嘉招原韻

黃徵

朝市原堪大隱招肯教羈旅負良宵塵揮最好談驚座筆健渾如弩射潮新遷唱和諸人海
聲喧龍作馬天河緣幻鵲如橋陶情詩酒歸吾輩胡漢休詢子孰驕

鍊人社兄寵詩奉和即正

易順鼎

快覩雲箋到草堂兩人生並近重陽余先四日菊籬共寄淵明命蘭晚還同正則鄉報國知
君方未艾著書笑我媿庚桑幾時邀聽偷桃劇霓羽天孫補樂章鮮伶所演

祝湘鄂路局黃課長穎初尊人煥吾先生七十

呂莘

迎來南極老人星桂子蘭孫一室馨令節剛逢重九日靈椿豔說八千齡精神矍鑠古稀壽
氣度雍容先正型拜謁登堂兼祝嘏叨陪嘉客喜盈庭
庭訓多方哲嗣成書香誠足繼家聲文章遵守弓裘舊名譽蜚騰華袞榮奉到蒲輪酬夙願

獻將菊酒慶長生。試看綵舞萊衣候。定博高堂一笑迎。

祝湘鄂路局黃長課穎初尊人煥吾先生七十

袁德宣

一車星載老人來。南極光騰笑舉杯。菊釀喜齊稱叔度。桃筵媿未列袁枚。香山社接湘山近。

洛水堂連漢水開。我自瓊華遙祝嘏。晚香軒畔泛金罍。

試數春秋且未停。大椿算各八千齡。最欣山谷稱詩伯。令子穎翁山谷嫡派常以詩見示更羨長沙是壽星。

重九節前人展祝。九月二日諸友來社為展重陽兩千里外我登亭。是日與陸金周亭翩翹曲奏南飛鶴寄語

先生一笑聽。

送四鄭路局虞局長尊人西津先生歸葬

錢鏞

乘鸞西去影翩翩。梅福飛昇到處傳。華表何年驚鶴化。佳城此日卜牛眠。知公早作西天佛。

有子今為陸地仙。世德方興今未艾。葛藟瓜瓞共綿綿。

祝交通部李君子光令慈陳太夫人七十

袁德宣

錢掩當年事足誇。婺星光燦孝公家。將軍樹老猶留蔭。子光令尊虎臣將軍名重當時壽母萱高更著花。子

似長房才不易。我非李委興偏除。最欣菊釀延齡酒。醉飲春明賦六珈。

鐵漢以秋舫女士遺句索賦鹿盧體率成四律

陸開鈞

八月桂花香徧野。誰知詩讖竟成真相。看遺掛虛懸壁。轉恨庸醫誤殺人。醇酒半爲齋奠品。
纒帷空憶綺羅身。續貂拈句矜持甚。爲恐侵傷奉倩神。
曾吟佳句認芳名。已覺雕鐫損性情。八月桂花香徧野。五更杜宇咽殘聲。千秋才女慳長壽。
一代詩人妬並生。說與坡公應忍淚。朝雲易散雨風橫。
往事重提淚暗吞。更無人與共傾樽。搜來蠹篋詩詞藁。留得蘭閨血淚痕。八月桂花香徧野。
一簾梅影痛招魂。相如腸斷無知己。羞着常鱸饋鼻禪。
渡江深悔我遲來。忽地歌聞薤露哀。恨不能工周防畫。可憐辜負魏王才。業緣錯注焚鴛譜。
好事多磨怨雉媒。八月桂花香徧野。琴心拋碎紙錢灰。

鐵漢以秋舫女士遺句索賦鹿盧體用和九兄原韻

鍊人

八月桂花香徧野。綺詞知媿沈眞眞。眞俸錢有幸。營齋奠醇酒。翻教憶婦人。飛絮那堪圓舊夢。
落花何處墜吟身。錦囊佳句分明在一度。開緘一愴神。

曹公早已著詩名。席畔偕吟見性情。八月桂花香徧野。十年桃葉韻留聲。美人自古難偕老。
才子而今祇獨生。幸有孟光能解意。兩眉猶共案齊橫。
曾記同遊恨漫吞。申江鷺嶼共吟樽。怕搜舊篋多詩藁。料檢香襟有墨痕。八月桂花香徧野。

九秋菊淚黯招魂誰憐一漢心如鐵不着相禪着阮禪

離兒差幸去秋來一讀芳詩尙解哀泣別朝雲猶誦偈悼亡潘岳更多才碧蘅無奈常牽恨

紅葉何時再作媒曾擬爲小兒作媒八月桂花香徧野識詞奚忍化塵灰

鐵漢以秋舫女士遺句索賦鹿盧體率成四章

陶翰通

八月桂花香徧野新詩猶在玉人亡前身自是嫦娥侶雅號應呼御史娘金縷歌餘千古恨

錦衣回想七襄忙無情莫若蒼天甚巾幗多才壽亦殤

郎君原是酒中仙我共靈觴已十年八月桂花香徧野一尊菊酒醉當筵天公竟奪朝雲去

洛女翻爲子建憐迴首不堪談往事者番酬唱倍凄然

猶記雙城跨鳳池瓊樓玉宇露華滋蟾宮總覺圓時少鸞鏡偏從破裏知八月桂花香徧野

九秋蓬梗會無期芳名自有遺詩在死別生離寧足悲

佳人薄命古今同况復天才著作工黃土長埋金玉椀白雲誰見蕊珠宮俠腸我自慙紅拂

搔首何堪問碧空八月桂花香徧野廣寒高處不勝風

送交通葉次長京漢王局長赴歐美考察

袁德宣

聯翩振筆賦皇華萬里同乘博望槎政俗本來參列國勳名應共到天涯五洲牛耳今誰屬

一路鴻毛更足誇最喜止戈新締好奇肱到處看飛車

妙手扶輪世共驚雷聲處處動歡迎車曾南指今西指道正東行又北行首由日本赴歐往北美戰後

河山應注意劫餘景狀更關情全球道是環游易瞬歷千程復萬程

雪花飛舞上征裾此去觀光願豈虛共識使君卿重命葉公卿考察交更欣大雅駕輕車王

為美國耶路大學博士會充萬敦槃壯色增隆望樽俎聯歡博令譽親見萬方同軌盛從容

笑撰大同書葉公去年辦京畿水災賑捐遊藝大會燃放萬方同軌四字今親見其盛

匆匆此別意如何東漸文明飽吸多一統車書昭盛會萬邦玉帛慶休和大名應許齊阿曼

佳話尤知博普羅美國路界大家此願祝輶軒風徧採使星歸共耀山河

和鍊人送交通葉次長京漢王局長之歐美原韻

黃徵

使星連耀喬勳華破浪高騫海國槎東漸流風歸有極西來爽氣浩無涯九垓親歷輶軒貴

五善周咨譯寄誇此去壯猷知益遠萬方齊盼指南車

鯨波掣海地天驚風靜仍看紫氣迎戰伐連年經浩劫飛潛舉世戒橫行八方烽燧終須定

萬國敦槃倍有情遙指東瀛更西極由日本應揮椽筆紀鵬程

環球爭喜曳華裾大道風行信匪虛效促富強星夙駕澤儲通惠雨隨車名流第一疇能及

國士無雙蚤有譽我愧周南留滯客供職湘鄂車務處緩裁尺素奉魚書

心香一瓣祝云何願錫民邦福利多富藏允宜探地寶窮荒都合播天和大同此後師尼父

主義從今破孟羅美國向守孟羅主義逮今威翹首歸雲垂蔭遠千秋名業頌先河

交通次長玉甫師出使歐美各國賦呈

饒東

車徒整隊驛亭邊虎節虹旌綵仗連祖席尊前將進酒使星天上乍離躔冠裳萬國風雲會

姓字千秋日月懸知否鄰封更珍重司文郊候正爭先

放櫂滄溟萬里東依依海上羨飛鴻先生稍慰平居志太史應書歷聘功憩樹殊方尊召伯

采詩蠻語入王風星槎明歲歸來日好慶車書萬國同

送權督辦赴吉會鐵路新任

袁德宣

兩度持衡有令譽公兩次代從容笑撰考工書大王誰共追阿曼長者公眞嗣德輿早繼姬

周傳盛制又爲箕子治遺墟達吉會由吉長此行駕就誠輕熟飛徧奇肱處處車

青島歸來績更優主權已棄又重收公新將青島路郵各雙方事業歸兼轄兼領吉長千里河

山付蓋籌約吉至會寧輿論提倡應有價本報疊羣材薈萃信多謀公此行扶輪自出先生

手文軌當令擴五洲

和鍊人送權督辦赴吉會鐵路新任原韻

黃徵

四國周知夙有譽和親康樂近傳書外邦名重同君實內相才高比敬輿十駕儘宜通漢道

九疇重與範殷墟白山綠水經營亟佇看春回長者車

心切瞻韓面未謀羨公能發更能收每從小阮詢安否鄂令姪榆生現在湘直爲中朝仰勝籌

文軌大同精耿耿共球翁受政優優遙知縹緲談瀛客縮地神方拓十洲

賀京漢路局水副局長孟廣榮誕並與張女士結婚儷喜 京漢路局同人

中華民國八年夏正二月十七日爲孟廣先生攬揆良辰亦先生與張女士

結婚旭日是日也韶光正媚淑景方新連理枝生延年草長綵騰鴻案介眉更慶齊

眉酒酌兕觥偕老並賡難老最喜蟠桃會上瑞靄祥鸞好教菱鏡臺前籌銜仙鶴此

誠歡聯兩美彩耀雙星者也同人等什頌南山彌深雀躍樽開北海共效鳧飛春色

二分正春風之得意喜星雙照適喜雨以催詩輒撰蘭詞用抒藻祝

長春時節合歡辰鳴雁聲中頌錫純縹渺鶴吹銅笛客翩翹鳳引玉樓人花知如意雙開好

酒喜延齡對飲醇更羨躋堂齊祝嘏大椿穠李共紛陳

百花生日是前朝香霧重重靄絳霄繁衍什應歌葛藟灼華詩正賦桃天三星影燦紅螺盞

四照堂吹紫玉簫燕爾更教賡燕喜魯侯雙福定多饒

扶輪妙手衆爭誇親迎先飛百輛車佳話一時傳降嶽錦章三疊誦宜家長生草帶宜男草

益壽花聯並蒂花愛有封人能解事三多齊祝樂彌賒

如公盛德瑞祥符合登稱觴美備俱座上蟠桃呈曼倩席間仙草獻麻姑甦翁家世多清福

彥博華齡兼要樞文彥博四十三歲願月更圓人更壽年年攜手慶懸弧

賀京漢孟賡副局長華誕榮婚大慶用京漢局同人原韻

黃徵

鳳翽風傳降嶽辰盈門錦繡燦千純籌添海屋娛金屋品重天人稱玉人壽寓輝騰花益好

洞房春麗酒彌醇遙知燕喜鮓給頌盡向甦翁座右陳

名流攬揆展花朝旭日鴻熙洞九霄賓敬允宜偕德曜元勛何止駕閔天齊眉慶溢冰爲案

比翼聲和玉作簫從識萬年君子眷鴛鴦福祿本雙饒

日下鸞鏡萬口誇穠華桃李簇飛車乘龍壻是長生佛跨鳳人來倩女家吉報平安如意竹

生成貴壽並頭花合婚祝嘏同今夕美滿風光樂倍賒

神仙眷屬萃禎符東閣南山頌美俱並轡玉京欽綠萼停驂銀漢笑黃姑供差湘鄂託迹漢皋未及晉賀齊

心暢喜車同軌贊化還欣斗運樞夫是潞公妻太妯年年錦輓伴彤弧

交通部運輸會議代表汴洛局長獲與座末事歲恭紀

諸以仁

輜軒遠近集時珍主座三星拱北辰豈貴高譚矜炙輶共期大雅重扶輪屢爲蓮社圖中客
先後倍作蘭亭序裏人會戰各員約九十人獨似崔郎慚樸訥薄才無以補芻薪

鍊人以鐵漢測勘江密峯近作見示賦答

戚震瀛

筆路山林締造精遼天風雪壯君行武鄉籌筆操神算博望輅車紀使程龍磧邊圖新攝影
雞林詩價舊知名三韓繡壤東鄰逼江密峯頭眺漢城
蝸角羣雄未息爭幾人海島哭田橫和龍濺貂欣聯軌封豕長蛇詎食盟殷土空餘官黍詠
韓民憤輟隴鋤耕登臨不盡興亡感一洗愁腸濁酒傾

和孕東社兄贈鐵漢測勘江密峯近作原韻

鍊人

鐵經百鍊更知精有客匆匆載酒行十笏雲山詩裏畫一鞭風雪客中程遺墟細認勾驪跡
絕塞爭傳子建名愛有高吟能壯色紛飛玉屑滿芳城
一統車書自息爭鐵羅如網任縱橫河山應許開新局車笠猶欣續舊盟巴虎道中聽塞曲
巴虎屯爲吉會路所經地征鴻影裏看春耕他時結伴歸來後樽酒邀君共對傾

祝交通部龍僉事澄宇尊甫悅叔先生六十晉二

蔡傳奎

觥觥家世誦清芬。記織科名綴舊聞。通德百年門樹勝。傳經萬卷笥籤芸。幾曾池草酣春夢。瞥見山芝起暮雲。漫道沈霾天亦醉。一尊談笑記鄉粉。衡泌優游物與同。閱時轉綠又回紅。神超太古羲皇外。春在先生杖履中。千里沈災蘇澤雁。幾番浩劫泯沙蟲。曾聞陰德應延壽。百歲欣瞻矍鑠翁。

祝交通部龍僉事澄宇尊甫悅叔先生六十晉二

水鈞韶

星文霞字畫庭開。五嶺春深暖玉杯。壽世本來名世器。小蘇不減大蘇才。笛聲縹緲吹仙客。斑綵翩翻舞老萊。更羨阮咸堪繼起。勳名時播海南來。

四月清和首夏天。散花節後敞華筵。知公欲學長生佛。有子偏探縮地仙。繪鶴園庭多歲月。夢龍門第煥雲烟。擎杯我獻岡陵祝。甲錄重新付手編。

祝交通部龍僉事澄宇尊甫悅叔先生六十晉二

袁德宣

嶺嶠風和敞畫筵。新歸萊綵舞翩翻。世傳繪鶴承家日。人晉扶鳩杖國年。威鳳兩雛爭羨美。神駒千里共推賢。時來試數靈椿壽。記取春秋各八千。何處人逢浴佛場。武陵春色醉霞觴。樂天雅集香山社。文潞先開洛水堂。有子聲名震京國。知公德望重家鄉。翩翩聽奏南飛鶴。一曲雲璈和頌章。

代挽四鄭鐵路虞局長尊人西津先生

戚震瀛

鬱鬱佳城今已開浮名委地等蒿萊楹書積篋家箴守墓志留題石槩哀樸玉渾金堅行誼
幅巾闊袖峻風裁布衣痛挽蘇公語顧我慚無永叔才
文範操脩世所無巍然海內號通儒傳經講學人私誅執紼登程士載途願向四明探勝侶
敢將一束獻生芻湖燈呵護喬松蔭福善縣延吉壤符

哭漢粵川鐵路督辦詹眷誠先生

鮑庚

長城睥睨半凌空轍迹逶迤入望中南口平蕪埋淺綠西巖落照咽殘紅迢遙邊徼循周道
苒荏風塵纘禹功頗憶光宣舊時樹居庸關外繫游驄
直北有時瞻杖履指南何處駐輜輶欲穿地軸通巫峽竟駛雷車越洞庭鶴背魂歸邊月白
馬頭塵翳岫煙青劍門犖確珠江遠更遣何人召五丁
匝地陰霾蔽九洲榆關春老動邊愁風生壇坫朝持節雲擁儲胥夜運籌應有筆花圖博望
更無諫草列韓休晴川芳樹斜陽外髣髴平湖八月秋
海底珊瑚已及尋培材有計詔來今獨措垂老看花眼爲啓盈廷樹木心百尺梧桐凋晚翠
滿門桃李換新陰崖州一慟成終古悵望千秋此嗣音

祝京漢路局戚孕東兄四十三歲生日六月

鍊人

賓宴筵開酒滿卮春假座賓宴宣南城外雨如絲是日年華四二初過候君滿四十二歲壽算三千首
 紀時子美當年曾獻賦杜甫四十三歲樂天今日正談詩白樂天有四稱觴白社聯翩早愧
 我姍姍獨到遲余因事遲到

十三人醉壽仙鄉同事組織生日玉罍爭飛祝繼光人物東南曾拔萃公己酉文章今古並
 傳芳君善功名何事輕塵芥世局由來付海桑馬齒我慚加長矣菊花羞約共傾觴余九月生

謝鍊人已未賤日贈詩並次原韻

戚震瀛

多君嘉貺碧螺卮好繡平原乞楚絲悵幅無華期勵志縱橫挾策恥干時梁園感舊惟餘賦
 曲水流觴競獻詩天與蹉跎將壽補閒雲出岫故遲遲
 十載都門客異鄉風雲日月歛重光鸞棲鳳獻寧非侶秋菊春蘭信自芳欲步員輿周亥算
 秘傳丹笈有庚桑試從三伏占秋九歡讌還酬萬歲觴

祝京漢路局孕東同年四十三歲初度並次鍊人原韻

黃徵

良辰日下洗瓊卮豪士能無感鬢絲祁國舊傳為相後宋祁國公王溥柳州剛是赴都時唐
 子厚年四十三消磨塊壘資醇酒點綴江山仗好詩擬說愛蓮渾自慙源溪周子年四十七
 有詔令赴都

癸酉今四十七矣每聞之愧良用憮然

弟於兄尚未及把晤然心嚮往之

貞白無妨覓醉鄉矧從定遠迪前光十年一夢慚同譜君已酉拔萃蒙亦於是科濫優選今十年矣六藝千人競
漱芳玉女洗頭宜太華神仙濯足指扶桑丈夫勲業誰能料畫錦堂開待舉觴

和穎初同年己未賤日贈詩再次鍊人原韻

戚雲瀛

遠貽佳什勝華卮憔悴潘郎感鬢絲太璞幾曾良匠遇好花劇賞晚春時汪洋表度徵君誼
壇坫修盟彥伯詩珠玉紛投竿濫和敢云嵇懶報裁遲

涪州吟客老江鄉詩卷流傳奕葉光聞山谷君近奉編紵交情通素契鷓鴣班次記聯芳賞

心庾子寒山石憩影淵明粟里桑安得重遊今赤壁坡仙山谷隱醉壺觴

賀四鄭路局彭君述成與俞女士結婚大喜

鍊人

夫壻人稱縮地仙四鄭兼吉會鐵路工程師司兩山撮合締良緣綠槐深處新攜手紅藕香中笑比肩對舞

燕翻連理樹及時花放并頭蓮杭州不減河洲樂且誦周南第一篇

艷說錢鏗甲算長好教偕老賦彭郎錦絃漫譜鸞膠句佳什欣吟燕婉章此日龜年知媿美

他日鴻孟定齊芳畫眉人是扶輪手百輛雙雙載鳳凰

元首賜題蕩平正直匾詞卽前所刻章語賦以誌感十月

鍊人

四字當年泐玉章辱蒙當軸錫褒揚前途自此多榮寵吾道而今更大光三代不磨惟正軌
 萬方端示此周行瑤天灑徧如花雨芸館長留翰墨香
 錦篆分明細意參寶光今已荷恩覃龍蟠鳳翥仙姿妙王潤金和墨意酣周道本來如砥矢
 楚才如我媿樛栭從茲得受東皇寵消息春風正可探

航空學校偕外子觀飛艇戲作艷體

競羣

靈鷲比翼有情天二十年前各少年霄漢常懸男子志風流猶寄美人牋懺除綺語詩疑雨
 洗盡塵心夢化煙拔海能升三百丈塞雲關月總悠然與外子奎騰同遊北海拔三千尺比今日飛艇所上者尤高也

祝交通部殷君仁齋令尊雲翔先生七十冥壽

張緝光

學術淵源接陸王夙聞清望重鄉邦已傷宿草音塵遠喜見楹書手澤長明德有傳思孔父
 典型如在憶中郎夜臺更進宜年酒詩美蘭陔為補亡

祝交通部殷君仁齋令尊雲翔先生七十冥壽

李盛鐸

仲堪道德是家傳襟抱淵冲貌岸然養志惟娛萊子綵憂時每着祖生鞭圖書萬帙談經席
 麥菽千疇續命田老屋黃華名士宅湘衡間氣屬耆賢
 遽折靈椿杖一枝况經鋒鏑泣麻衣玉棺天葬王喬鳥碧落神鐫李訓碑鐘叶無聲儒者法

偈。叅。般。若。佛。心。慈。從。知。民。德。能。歸。厚。都。在。秋。霜。春。露。時。

祝交通部殷君仁齋令尊雲翔先生七十冥壽

沈琪

七。十。二。峯。傳。絕。學。維。持。名。教。賴。先。賢。赤。松。早。結。煙。霞。侶。白。石。原。爲。隱。遁。仙。天。上。早。開。同。甲。會。
人。間。猶。紀。古。稀。年。蘭。芽。繼。起。追。前。哲。廣。插。楊。枝。種。福。田。

祝吉會鐵路權督辦令慈袁太夫人八旬晉五

曹璜

遙。遙。天。水。溯。宗。風。籍。在。龜。山。金。母。中。北。斗。鴛。漿。秋。八。月。南。陔。鳳。吹。曲。三。終。萱。花。本。是。長。生。草。
華。黍。偏。宜。晚。後。菘。輦。下。板。輿。尊。祿。養。恒。春。不。老。樂。無。窮。
名。門。生。長。是。莊。妹。魯。國。家。風。足。楷。模。椽。斛。夫。人。騰。繡。壺。笄。珈。君。子。勗。桑。弧。珩。璜。瑟。瑟。公。宮。飭。
聲。輓。循。循。內。則。孚。自。是。敬。姜。堪。媿。美。景。星。恒。與。德。雲。俱。
庭。前。夜。靜。和。熊。膽。池。上。今。看。有。鳳。毛。文。軌。宣。猷。曾。少。宰。德。郵。傳。命。愧。吾。曹。考。工。豈。僅。程。車。馬。
大。力。行。將。駕。海。鼉。借。問。此。才。何。處。得。北。堂。春。永。荻。枝。高。
雲。傲。風。瑟。應。宮。商。益。壽。花。開。朱。草。香。九。路。衣。冠。聯。綵。服。兩。行。部。曲。奏。霓。裳。期。頤。一。紀。猶。今。日。
孫。子。千。觴。拜。寵。光。我。願。褭。鞭。隨。仲。郢。年。柳。母。祝。春。堂。

祝吉會鐵路權督辦令慈袁太夫人八旬晉五

袁德宣

桂花香裏奉霞觴。蟾窟輝聯寶婺光。楚國萊賢今舞綵。歐庭荻畫早留芳。蟠桃三獻臣呼朔。瓊闕雙開母祝王。鶴髮華鬢長不老。年年酌兕共登堂。
郎君手撰大同書。庭畔時停問字車。四路聯鑣多令望。三邊綰轂有清譽。賢慈世共推陶母。長者人皆頌德輿。我媿仁風舊門第。擎杯隨祝樂如何。

祝京漢路局戚孕東君令叔玉豐先生六十

袁德宣

同文華胄盡儒宗。杖履婆娑見道容。妙手共誇精射虎。文心爭說靜雕龍。人如泗水堂前坐。公是香山社裏逢。我自京華遙祝嘏。南飛鶴奏曲三終。
人才共數竹林賢。小阮還兼大阮傳。門第無慚堅素後。文章獨讓繼光先。滄桑飽看神州變。籬菊尤徵晚節全。願借萬千淮父卣。年年捧酌介桃筵。

賀鍊人鐵漢衛芝三兄生日

易順鼎

首撥崧辰並上弦。總統與總理生日皆在九月中吾儕何幸亦蟬聯。四人合作二百歲。三日都居重九前。同月同旬本同里。希賢希聖共希天。軌鎔鐵固偕長壽。印鑄金多不自懸。三君同事鐵路國舅天罡兼果老。獨慙凡骨侶諸仙。

祝實甫先生六十晉二並鐵漢衛芝兩兄生日

袁德宣

四人生並近重陽去歲賤日承公賜詩公更繇延甲算長千載難逢才子壽樊丈贈公詩云是處諛君是才子

六句不減謫仙狂好教餐菊同鄉國真信偷桃補樂章去歲賤日承賜詩云幾時約看偷桃劇電羽雲裳補樂章初一

二三齊洗兕五朝端合慶詩王衛芝一日生余二日生鐵漢三日生五日即大誕也

六十風華似少年哭尸老去尙翩翩公自贈詩云哭尸老去尙風華休嗤寶玉非公子公題小晴斐集云公

呼公者多以寶玉翻笑張靈是壽仙張靈再世一叟龍頭原屬老三人馬齒媿加先晚晴移吟公還

幼元首聯吟句更鮮晚晴移詩社元首與樊周兩公年較高

歌聲曾並頌聲來海內爭傳易道台瘦公嘗云斐伶稱宦味何如詩味好經筵雅合壽筵開

春秋二百欣同屆甲子三千喜共推更羨採芝圖一幅鮮伶為公繡採芝圖丹還不老弗疑猜

仙醴年年泛玉觴不才家住滌津旁長沙光燦星常曜鐵籍長沙瀉渚源清水亦香寧鄉益智圖

兼開吉會鐵漢測量吉會新歸考工書並訂周房衛芝現築鐵路菊花早釀延齡酒更為龍陽應壽昌

和鍊人祝寶甫先生六十晉二並鐵漢衛支兩兄生日原韻 黃徵

延齡菊酒晉重陽曾祝高堂福壽長家君以重陽翼日生舊歲天遣壽星荆野布風傳佳話

楚人狂四公皆楚產尊開北海豪千載樂奏南山合四章領袖羣芳齊不老於今耆舊是東王

嘉禮由來重引年才人風度况翩翩多情合號長生佛公老而多情綺著甚夥縮地都為大陸仙鍊鐵

君皆路四美兼全從古少百齡加倍得春先遙知攬揆頻公讌左右杯盤味更鮮

佳什飛傳漢上來五雲糾縵羨三台瀛寰早已英聲滿公名滿壽域喧聞笑口開哭罷四魂

仍極樂公自號哭尸吟成萬首更交推公詩集最富歲星又見蟠桃實曼倩前身卻費猜

菊花天氣舉霞觴萬象為賓宛在旁沅澧芝蘭方競秀湘衡柚橘正霏香閒情不礙陶彭澤

公老尚風華故言情作最多所謂妙術齊諳費長房願得壽身還壽世聲聲鳴鳳盡歸昌

和鍊人祝實甫先生六十晉二並鍊漢衝芝兩兄生日原韻

戚震瀛

皎若星躔向太陽遑論舜短與堯長商山皓叟塵中隱太白仙才酒後狂笑傲江湘半耆舊

迴翔鸞鳳炳文章名賢像贊今重繪絕世風流顧野王

桑生海上頌齊年海屋雙雙鶴舞翩坡老拏雲雲壁絮長房縮地地行仙光分牛斗星聯綴

秘啓苞符甲後先差喜小園足清興菜根酸後味殊鮮

九秋花下小車來招手黃金禮士臺濁酒惟宜終日醉餘霞却被晚風開百齡鶴慶觥籌集

一叟龍陽領袖推暫日聯吟餞佳節餠題莫漫費疑猜

一詠何妨繼一觴賞秋筵宴液池旁酈泉菊是仙人種空谷蘭為王者香願踵耆英開洛社

恍觀泰岱集神房儒林冠冕輝南極瑞應文昌氣象昌

用鍊人祝實甫先生六十晉二原韻並賀鍊人新受褒章匾額 曹璜

常今才子數龍陽我輩偕遊壽並長洛水何如湘水好邵公不減次公狂連朝喜飲黃花酒

佳節欣頒紫綬章重九日鍊人新受紫綬銀質褒章更羨登高歸去後寵榮新受汝南王鍊人郡屬汝南故借用

甲錄誰登八十年隨園佳話記翩翩隨園有八十壽言少陵不愧稱詩聖太白應呼是酒仙問齒我

原居弟後開尊今合讓兄先十三更值天長節元首十三日嵩降黃菊齊開一色鮮

上林聽報喜聲來銀綬輝煌耀上台墨雨喜從天上降彩雲偏向壽中開應多知己生平感

猶是當時此事推莫道點蒼前事渺奇人奇福不須猜隨園自言前生是點蒼山千年修道白猿

去歲陶然共把觴今年猶醉綺筵旁重九正科名草映千秋節時正舉高等文官考試益壽花霏一品

香公本雕龍推上座我慚繡虎列仙房年年記取茱萸會盛事欣逢應瑞昌

壽交通部陸渭漁參事四十 曾毓雋

梅花萬樹占先春有客充闔祝壽人懷橘高風思綺歲懸弧今日趁良辰車書策畫經營富

械樸才多作育新翹首興門徵吉瑞怡然樂事叙天倫

壽交通部陸渭漁參事四十 姚國楨

幾度搏桑浴日來頻年粉署翬翔迴羣推大雅扶輪手共羨專門琢璞才戲綵南階祝蕙壽

觴稱東閣報梅開華堂踰躋多寅好同誦萊臺介一杯

壽交通部陸渭漁參事四十

權量

政聲傳敵楸勛華紹述宣公仰故家載酒豪情杯在口談瀛屈詰字磬牙澄清共攬春明轡
道躋偕乘海上槎最喜慈幃同健適承歡今日醉流霞

壽交通部陸渭漁參事四十

蔣尊禕

督郵傳命數名賢介壽欣逢弭仕年堂上金萱愉色笑階前寶樹慶班聯陽回葭琯春消息
游紀蓬壺路幾千梁案疊唐偕老句由來眷屬等神仙

壽交通部陸渭漁參事四十

蔡傳奎

游藝春明一騎馳敬輿清望幸同時書編新語探源遠名重雲間薄海知在澤珊瑚歸鐵網
當階玉樹燦瓊枝還將懷橘娛親意晉奉循陔上壽卮

壽交通部陸渭漁參事四十

袁德宣

門第宣公舊世家年逢強仕更堪誇北堂萱祝忘憂草東閣梅開益壽花絕學兩傳宏作育
公長郵專才早擅見勛華公曾長京漢翩翩一曲南飛鶴奏徹庭前問字車

京綏道中紀遊

傅熊湘

居庸北扼長城隘設險由來地勢雄絕壁連雲千嶂接亂流走石一川通嶠函空見誇秦塞
金鼓猶聞出谷中形勝未殊攻守異斜陽立馬起悲風居庸關
王氣消沈燕不飛松楸長與護靈扉豐碑紀績辭猶信大業驅胡事寔微易代有人懷故主
羣峯無語聳斜暉只憐鹿馬山前路却望諸陵涕滿衣 謁明陵

正太車上偶成

林傳甲

觀光一月幸成編都說今年勝去年文廟洗心宗至聖講壇饒舌勵羣賢天涯聚散門生老
册府搜羅典籍全最好大成開盛會萬人北面列經筵
安居未久又迴車四海交游總一家到處但求真學問私心只愛大中華前塵有約游梁好
近事彌興返魯嗟百穀秋成仁者壽離樽昨日對黃花

古體

五古

題鍊人中國鐵路史

粟彬

中國史界黑暗極矣、蘭臺之彥知有因而不知有創造知有朝廷而不知有社會
廿四史直一家譜也以政治史目之猶失真相精神著作權四千年來如一邱之貉

安能有絲毫活動力喚起人類之進化哉。余讀袁君鐵路史有感於此。是吾願天下之抱社會熱心者無委於袁君一人也。袁君既於社會有所盡。吾尤願袁君之不以一編自畫也。鐵路史出現以後。他日之農桑史。工商史。美術史。教育史。經濟史。法制史。次第出現。中國前途庶有豸乎。然則袁君是編固史界革命之先鋒也。烏可以無紀。蒼頡造文字。紀事代繩結。六經皆史書。麟經體裁別。厥後班馬徒弭筆。書鴻烈創爲紀傳體。表志閒攢列。作識代有人。奉之爲圭臬。國史廿四朝。征誅與篡竊。臣庶媚一人。蘭臺守秘訣。觥觥著作才。意識等螻蟻。史書非譜系。詎爲一家設。朝廷何尊魏。社會何輕蔑。民族有主義。千載未昭揭。文明西洋流。萬里駭一瞥。我持進化論。真理發西哲。地球繞日輪。行之無停轍。人類活動機。恃此血輪血。儒冠讀死書。埋頭混沌穴。何當破萬卷。天地人通徹。史界革命旗。六丁未能掣。通志收鄭樵。附庸降滕薛。通典獻杜佑。泰山俯邱垤。歷朝政治史。畫綫作橫截。瀚滌舊理想。貫輸新學說。喚起競爭心。鼓吹愛國熱。堂堂神明胄。寧爲異種滅。持螯獨先登。吾子人中傑。概念國步艱。隱憂無時輟。鐘鼓振萬聾。紙筆代喉舌。專門史出現。雷車鞭列缺。霞光散萬丈。江波騰九折。大地鋪黃金。寸土鑄成鐵。世界紛競爭。勝敗判優劣。碧瞳紫髯兒。左右相提挈。排闥入堂奧。藩籬曩已撤。我爲儿上肉。操刀恣割切。我爲棚下瓜。抱蔓橫採擷。

攫我路權去吾儕生命絕窮山引虎衛獨不畏吞齧袪衣上崑崙感歎幾嗚咽近嗅旃檀香
蔓草縈斷碣遠眺金字塔殘照黯嶢嶮重器不自持金甌俄破裂殷鑒諒非遠垂聽胡不屑
睡獅醒未醒國恥會當雪所恃民氣昌蹈海抱奇節但求筋絡通遑惜脂膏竭我請鐵路史
眼光倏驚瞞薦食拒長蛇四裔屏貪饕屈原抱忠愛蘭荃自香潔家法抹袁樞衙官走荀悅
壁壘驚一新鞞刀固雄桀餘勇諒可賈十盪還十決不許名山藏要須國門揭寧與劉子元
操觚論工拙旗鼓疇相當陣雲馳馬埒

乘車遊昭山在粵漢鐵路易家灣車站左近

黃枌齋

征軺走風電儵忽度兩驛下輶日亭午訪勝遠若卽柳黃葉初勻草綠芳可撫晴皋五里曲
青嶂一雲隔方塘皺文綺峭石擘葱白近麓塗轉迷入谷陰成冪陵阿苦拗折厓干逼孤窄
涎渦盤古碣雌霓挂危壁枯樹老於人崛強作楨戟平生輕萬險對此復慚惕雲梯一千桃
汗雨滲巾幘仰看接屣屨高屋建瓴壁山門嚮南離萬象錯肘腋橘洲凝衆綠湘漣漾寒碧
潭城倚江渚墟市在咫尺不聞鼙鼓聲似帶烽烟黑衡峰擲天外隱約露肥瘠中間盪霞日
無由附鴻翼倦眼俯嶢嶢洄瀾激山蹠峻阪窺若削盤鷹下無力解衣入僧寮爽適透胸膈
飢者易爲食粗糲甘於炙惟嫌缺卮酒更欠柯山奕同人把盃玳將以下所得世尊眉覆鼻

默坐苦深感。憑高凌絕嶮。退林亦長策。升沈念易理。安危自人擇。山花垂纓絡。平楚帶裙色。奮飛趁歸軫。風塵黷游屐。城闔慎防檢。此客豈能賊。把臂問東君。一飲洩勞劇。

車過石家莊懷古六年十一月十八日

袁德宣

我過石家莊。停車默自語。酌酒弔祿貞。臨風懷趙武。趙武功已成。祿貞心太苦。未斬帝子蛇。先射將軍虎。頭斷睢陽張。頸刎項王羽。壯氣撼旌旗。餘威震鞞鼓。功高諸相祠。績彰閣督府。閻錫山都督為之建墓壑碑笑彼貪天徒。目光小如鼠。何如吳將軍。英爽挾風雨。鐵馬仰天號。金熬拔地舞。遺像巍何雄。豐碑屹如許。飛軹每經過。憑軾不敢侮。吳趙兩將軍。成敗各千古。

賀路政關穎人司長合登四首錄一七年

徐世章

二南明造端。景耀開兩儀。爰締葛蘿誼。婚媾云孔宜。誰離雁旣鳴。噦噦餘鸞隨。琴瑟式相好。鐘鼓以樂之。瞻言璠庭樹。蔚蔚繁連枝。君子燕且喜。皓首以為期。青松挺英姿。秀拔士林萃。嶺南富鍾毓。俊傑胥在位。卓犖茂勛業。冠冕彝倫叙。瀛洲託高標。惠軌趨平易。嘉樂含太和。窈窕正坤義。福履旣所綏。鏘鏘揚六轡。

贈鐵漢出測吉會鐵路八年一月

陶鞠通

相聚數年忽聞遠出不禁五中結轡爰陳五古一章以紀斯行即希郢政倘留存行

儻或亦良友箴規之助耶詩如左

吾聞會寧區雞林之東北地故近勾麗勾麗誰部勒試閱環球圖今已國不國君測吉會路
言始雞林側關路至會寧逕達勾麗域勾麗安在哉強鄰實已逼漫日國權張資財皆外力
鄰厚君之薄况仰鄰鼻息吾聞斯路開惴惴心悚慙君今已行矣幹濟資英特弩末孰張之
因循皆肉食此行良友多豪傑不世得同德復同心河山當變色溯吾與君交十載稱舊識
攜手上河梁相期渺何極

鐵漢以測吉會路綫來雞林聚談經月將之敦化因集五古以贈

易克樸

關內昔分袂杜甫蕭風景寒與君握別京門誰言道路遠韓愈殊方此日懽杜甫首叙

始會面韓愈豁達見心肝杜甫遇酒即酩酊韓愈千觴無赭顏李賀自君來吉日忘情任

榮辱杜甫知余嬾是真杜甫可以鎮浮躁韓愈真堪託死生杜甫徐庶高交友杜甫孔明有

知音杜甫暫喜笑言同韓愈新添惜別情韓愈翻翻走驛馬韓愈軒軒有丰神韓愈今將下

東道李賀相失萬重雲杜甫君手無由擲韓愈因風數寄聲韓愈

三十六歲初度偶成五言三十六句八年九月

夏邦濟

日暮無所事獨賞籬邊菊菊有傲霜枝豈畏秋氣肅偶憶此月初度三十六呱呱墮地時

焉知何歸宿揆之蓬弧志何嘗薄干祿書劍兩無成陰符不屑讀蹉跎復蹉跎韶華虛度速
 雙鬢怯自搔蕭疎將成禿髮齡時即難白髮數壯志逐雙丸道途常僕僕佛言萬相空何苦
 甘物役不爲圖南鵬不爲止湘鵬寒巢借一枝豈曰志已足頻年經變亂傷心復慘目鄉夢
 憶桃源家鄉地名桃源愁對淥水綠生性懶求人豈復計趨俗萬事俱聽命安問君平卜憂
 患吾良友貧困吾親族莊子齊物篇實獲吾心曲

和株萍夏課長直卿三十六初度書懷原韻即以寄祝

黃微

四海幾柴桑三徑此松菊時序迭更代氣候異溫肅世途矧多故龍戰備九六輪平渾遲遲
 季諾違信宿吾道豈云非天爵勝天祿不同倫獲見奚厭耕且讀擾擾漩渦中士乃憂其速
 百年亦幾何雙鬢忽已禿君且志不遂飢驅遑論僕一言還慰君心勿爲形役但虞國無鳩
 焉問舍有鵬遠謨方待宏小試寧遽足威鳳翔千紉定助我張目他時大厦安濃陰罩萬綠
 始信原吉才翹然異流俗籌希海屋添名俟金鷗卜仁壽亘千歲榮譽光五族介眉躋公堂
 再晉南山曲

七古

脂車行

黃微

郊外車聲長。轆轤鐵輪萬轉。風相逐。軼塵遠。駕作飛仙。瞥眼但餘雲一簇。雲去雲來。日往還。百輛梭穿。若等閒。共說飛車。今實見。不應行路尙愁難。萬里金蛇拖一線。人間方喜恣游衍。磨牙吮血。鐵龍饑。豈料行車多事變。朝朝暮暮。汽車馳。歲年年報險。蠟螳臂驟。當壘作粉。龍鱗一獨爛。如糜郊原。輾血知多少。游魂定向車輪繞。無端作孽。到紅顏。辜負華年似蘇小。楊柳腰肢。舊舞風。章台攀折。幾人同世情。最是輪蹄鐵斷。送花容一瞬。中花容。彫謝羞難返。那識情長。翻命短。玉骨堪憐。屑化塵香。巢頓覺。完無卵。離魂倩女。早魂銷。環佩虛從。月夜招。鐵笛已沉中。婦艷銅絃。徒譜內家嬌。舊時公子。頻相見。雙尾涎。垂歌燕燕。紅豆枝頭。尙惹癡。白楊冢畔。聊營奠。風清月白。夜何其。碧落黃泉。知未知。最苦塋前。揮淚處。不堪郊外。駕車時。

弔飛行家馮如君

鍾振之

馮君如者。廣東恩平人。本農家子。髫齡從塾師。譜家貧無力肄業。外戚某商外埠攜之至美洲。當工廠藝徒。早作夜思。苦心十餘載。遂洞悉飛機窾要。在舊金山集貲製艇。屢遭失敗。累次改良。始試放有效。聞祖國反正。知邊事日棘。此物爲軍用要品。急束裝返國。思以其術餉遺同志。今歲陽曆季夏。於廣州城外演試。升高百餘丈。疾馳數十里。復折回旋轉。圍場一周。方思至故處。停止而機器斗裂墜地。折臂傷腦。氣息

奄奄猶顧謂其徒曰。此係必經階級。諸君勿灰志也。嗚呼。其語壯其情益可悲矣。吾國故學榛蕪。既化有用爲無用。而東西遊藝之士。雖知詬病舊迹。亦未聞有翹然特出發明新理者。無他。祇任用口耳故也。向使能專心致志。研究實用。人盡如馮君者。則吾國之趨向歐化。不後於日本。而莘莘學子。尤衆何憂神州陸沈耶。天下無論何事。能專精爲之。必卓然有所表見。椎魯者尙能得之。况俊秀乎。曩讀閱微草堂筆記。載有兩人同習導引術。至晚歲。手足並拘攣。不能持行。猶復幡然對榻。津津共道其所得。且太息無有傳授者。嘗謂此紀氏之寓言耳。如實有其事。則以此兩人持志之堅苦卓絕。其中必非無所得。形病而神怡。是殆與天爲徒者。而紀氏乃嘖嘖然笑之。無怪其以考訂名家。而求其所自得者亦僅矣。馮君以殉藝之故。政府援少將陣亡例贈卹。事實宣付史館。且命粵都督於燕塘隕命之處。特立紀念碑。事播全球。名垂萬古。是其死亦真有價值者。向令積貲自封。多享厚福。至耄耋期。頤以死。亦與螻蟻等耳。想馮君必早自較焉。不願以彼易此也。且飛行之術。外人方孜孜講求。臨敵必有以此制勝者。而吾國既有此遺緒。則將來實收其用。雖其心思才力出自後人。而要其由險入夷。仍屬馮君精神之所貫注。是其抱憾者有窮。而其鳴快者將無盡也。

又誰得謂其愚耶。夫人欲踐吾生理，亦惟自行其志耳。至於外觀之非笑與稱羨，何與吾事而矧其在後世也哉。僕本敝人，聞道苦晚，昔歲置身教育界，亦嘗欲自達其所見，以求有益於物，徒以迭經挫折，遂廢然中止。今彌老矣，遊粵聞馮君事，不禁百端根觸，因特作長歌以弔之。

奇肱飛車獻商湯，御風解引歸故鄉。公輸木鳶祖遺智，戾天三日看翱翔。神州山川產靈傑，鍊石何僅稱媯皇。祇緣五服編九壤，不與魑魅爭封疆。物力能供尙敦樸，遂禁奇巧安故常。豈知西戎策乘併爭，溶靈思矜異，秉巧借電力，連汽機，涂軌波輪，競馳騁，升高曾製輕氣球。馭遠還駕飛行艇，戰術利用誇神奇，氣奪我邦，驕鄰境，矯矯馮子天，鑄姿十齡志，學貧無師呼，助葭莩赴北美，寄身藝廠，模工倕，卯垂總角，逐同伴，努力作，不辭精力疲，手撫璫儀，心窵要畫勤，服役夜苦思，凝神壹志，十餘載，靈妙克悟，飛行機，華僑贖，贊演奇技，事雖屢敗，心不迤旋，經改索，驪珠得思，將孤詣，傳鄉國，天船精散，廣州城南極，衆星黯無色，結會爲艇形，依仿組織鐵榦如珠網，飛僊三五天上，坐兩翼旁，擲真畫槳，上繫星球，凌孤雲，止舟而前，（前本字從止舟會意）馮風輪，羅針轉向，振靈柁，機括圓活，無比倫，構造完密，獨飛昇，銀河宛見僊槎乘，鼓盪空氣，激奔浪，錦纜倒牽球，追騰鳥道，數程倏來往，堵觀萬目，齊鼓掌，不虞玉軸

忽摧折墜傷。禹臂兼堯顛。彌留不暇及己身。喃喃語將利病陳。昨謂學子謀進化。階級此經勿悲訝。我聞此語涕滂沱。志士齋恨當奈何。西人工藝奪天巧。誰知創始恆蹉跎。發明聲光與化電。精益求精法屢變。成諸一手永流傳。譯遍歐史無幾見。昔日冒險飛行家。兩挾神技來。吾華在滬試艇粵。試球死與馮子同悲嗟。前閱報紙載有兩西人。一在上海放艇。一在廣州東莞石龍鎮放球。皆失慎墮地死。其姓名國籍皆忘。惟彼白人崇實用。偶得新法羣趨重。報紙登載傳諸邦。唱者雖孤和者衆。前賢闕陷後賢補助將名譽。償攻苦吾國六藝餘。劫灰文林翳障盲。終古據秦仍遵祖。龍制誰將損益師。百世經師原非救時才。漢宋諸儒皆一致。關徑愈歧道愈蕪。喪志不知徒玩物。反求性理補厥偏。談空說有仍古佛。著述繇衍卷帙繁。餉貽來者皆畏難。因仍剽竊富文料。心未能解口能言。儒風墮落藝林蠹。煌煌天秩均攸敷。民生凋瘵此其原。忍將浩劫歸歷數。遊學諸子氣自豪。新語稗販多皮毛。破壞古防恣淫欲。爪腥牙血神貪饕。去歲羣起革命軍。見吾所見聞。所聞紙憐熱血真。男子九原孤憤膺殘魂。激烈我悲黃花岡。聆茲堅苦重感傷。同舉大木呼邪許。別有誰更新。肺腸惟思高原降靈族。文明古緒承羲黃。道脈雖殘仍未斬。篤生大雅常。絲長血氣尊親存。此理熾盛何止云救亡。况復羣雄制我命。兩軍相敵衰者勝。易代不聞傷僑夷。無乃庚子照前鏡。彼殉民權此

殉學一死均教民氣作賦將哀些招國魂光燦日星爛河嶽錫予典禮雖虛榮獎進孤學同
弓旌同舟共濟思猛士用汝作楫材縱橫雷車再駕掃雲陣雄飛應先萬國鳴空中戰鬥古
未有前民致用終不朽稗貌天天田含郎藝界鼻祖歆蒸嘗相彼牖下悲兒女恆河沙數同
腐鼠嗚呼碌碌生餘子迴顧馮如真不死

車脫鎖

鐵佛

余由昌圖二道溝上汽車。掛車時。車頭脫鎖。前車與後車相撞。巡官房象庚被震墜
車下。壓斷兩腿。一臂宛轉呼號。慘不忍觀。衆爲昇入醫院。車旋開回。視車站爲之心
痛。抵奉化。尙有餘悲。作是篇以哀之。

車脫鎖。一車飛來。弦離箭開。車屹立。舟失舵。兩車猛擊。鐵出火。玻璃化作花朵。主客東西
忽易坐。一身狂顛。兩足跛宛。轉巡官墜道。左看將膏血塗奔。輾折臂斷。脰乃奇禍。忽復行人
說因果。

汽車中觀豫南諸山

穎人

看山宜徐不宜遽。竹杖芒屨乃遊具。有時輿馬傍山行。亦可從容領山趣。豈聞千里走懸輪。
應接層出無窮新。明窗三面掠山過。非人看山。山看人。近山如馳。遠山立。後山奔。遂前山急。

低昂山勢各雄長。揖讓山容相出入。羊腸一綫從北來。夾崖如浪衝山開。山泉涓涓出石罅。山花灼灼依巖隈。萬壑迴環態千變。置身其中目爲眩。請告懶遊宗少文。觀山從此開生面。

送交通部特派委員赴東京中日鐵路聯絡會議六年

袁德宣

六年四月初旬爲中日鐵路聯絡會議東京開會日也。中國政府因日本政府之請。特派委員十九人。於三月二十七日首途。是行也。春柳滿津。漫作行人之贈。皇華載道。羣觀使者之車。望縹渺神山。片帆飛渡。聚聯翩仙侶。萬騎爭迎。聞所聞而來。必見所見而去。登場建議。出席陳謨。本集思廣益之謀。爲開誠佈公之舉。非必道其所道。但期精益求精。試看三島文明。應識五洲脈絡。前途未遠。吾道更光矣。然則諸公此行之關係。豈淺鮮哉。况夫諸公此行。非僅關中日鐵路聯絡已也。我國路政。自交通總長許公任職以來。振刷精神。力圖改進。必取人之所長。以補我之所短。日本鐵路雖不能具世界大觀。究爲東亞先進。調查切實。在在可爲考鏡。之資。異地觀摩。取則不遠。他山攻錯。獲益良多。諸公此行。取他國之模型。作我邦之軌範。他日連軫接軌。並駕齊驅。必在此舉矣。雖然。中國交通大政。非止鐵路一途。若郵若電。若航均關重要。當此交通發軔時代。郵則太阿倒持。主權未復。電則網絲未密。普及難期。航則

輪○船○無○多○且○未○出○雷○池○一○步○今○欲○擴○而○張○之○改○前○日○之○舊○觀○放○將○來○之○異○彩○必○也○取
法○夫○上○方○可○振○興○日○本○郵○電○航○三○政○不○可○爲○前○事○之○師○乎○郵○則○大○權○自○握○無○喧○賓○奪
主○之○嫌○電○則○消○息○全○靈○有○如○響○斯○應○之○妙○航○則○旭○旗○高○展○更○具○縱○橫○上○下○之○觀○諸○公
此○行○分○任○考○察○採○彼○成○例○備○我○實○施○是○不○獨○路○政○有○莫○大○之○關○係○卽○郵○電○航○政○亦○有
無○窮○之○關○係○也○此○豈○若○尋○常○游○歷○僅○雲○山○過○眼○風○月○關○心○勝○地○流○連○主○賓○交○錯○已○哉
鶴○鸞○聚○嘯○壇○坵○大○光○麟○鳳○游○翔○縈○繫○生○色○諸○公○此○行○足○跡○所○經○必○文○明○飽○吸○他○時○歸
國○次○第○設○施○行○見○路○界○頭○頭○是○道○層○霄○競○騏○驎○之○騰○電○界○息○息○相○通○徧○地○看○龍○蛇○之
走○郵○界○尊○崇○主○體○萬○邦○守○協○約○新○盟○航○界○開○放○遠○洋○五○色○見○華○輪○旗○影○根○本○解○決○局
面○一○新○煥○四○政○之○光○榮○潤○千○秋○之○鴻○業○皆○由○於○是○行○基○之○也○祖○道○贈○詞○臨○風○作○引○恭
疏○蠡○語○藉○當○驪○歌○

駘○然○三○月○韶○華○好○九○十○春○光○時○未○老○旭○日○紅○催○上○野○花○東○風○綠○徧○瀛○州○草○仗○劍○何○人○游○十○洲
飛○輪○有○客○訪○三○島○解○纜○齊○登○徐○福○鄉○迎○騶○爭○上○山○陰○道○主○人○出○席○道○歡○詞○使○者○登○壇○攄○偉○抱
滔○滔○雄○辯○無○模○稜○媿○媿○清○言○擅○詞○藻○海○國○文○明○任○吸○收○嫺○嫺○寶○笈○供○參○攷○飽○載○車○書○返○祖○邦
祖○邦○珍○之○若○鴻○寶○長○途○坦○蕩○好○經○營○傑○閣○嵯○峨○新○改○造○衆○擎○可○將○天○柱○撐○中○流○足○挽○狂○瀾○倒

試問此功何自來，盡出新編出使稿。

鍊人生日即席賦賀六年九月

陶翰通

隋園才子誕降天，菊花時節飲羣仙。酒冽白蘭香四射，競聯佳句壽瓊筵。嶺上籬邊爲誰有，觥籌交錯延齡酒。酒醉羣英面面紅，猶復相呼酌以斗。借問主人興，若何同奏霓裳登大羅。百年三萬六千日，一日一醉飲且歌。歌餘撫劍錚錚英雄名，士是先生人生能識醉中趣。誰問關中百萬兵，君不見種林種秫彭澤令。穀量不強酒力勁，又不見太白酒中仙。目空一切無賢聖，無賢聖是酒狂笑問人世何忙忙。三百年來無此樂，相攜攝影且傾觴。醉後攝影

鍊人領交通叢報社遷居李靖衛衛歌以贈之七年

陶翰通

袁子遷居豫王府相傳，舊是李靖宅。隋唐以來幾將相，惟有衛公聲赫赫。平生恥作章句儒，手調鼎鼐握兵符。貞觀治幾三代，凌煙勳烈蔑與俱。至今驅車胡同行，婦孺紛紛呼其名。丈夫立志常如此，豈與草木共枯榮。袁子好請衛公傳，開緘時與古人面。昔年募建衛公祠，淶江蘋藻春秋薦。醴有紅拂慕袁子募建衛公祠於淶江西山高山景仰古英雄，爾其行事遂不同。學成未展風雲志，乃以言論牖交通。騫地湘中叢報出，霹靂一聲羣惕怵。華袞斧鉞師麟經，有如雲開見白日。道已南矣轉而北，大張旗鼓來京國。建社宣城南復東，一朝卜吉豫府側。府側乃是衛

公居小屋三椽窗八虛袁子入室歌且飲與古爲徒意自如君主報社六週年艱阻未嘗息
仔肩精誠直與衛公合居室相因豈偶然我亦社中一分子曾以詩文混朱紫願君恢張濟
世才遂使天下同車軌

題鐵路學校首君吟父亞醒草廬圖 八年

林紓

天下人人如吟父即使孤豚亦辭虎吟文築堂名亞醒喚起醉人勿酩酊神州四萬里有餘
島隣視我如蠅蛆孝侯不去斬蛟虎庾冰乃願藏籛篠吟父出手撲壯士盛氣豈爲他人狙
男子所事先活國新學得用寧泥書聲嘶淚竭告父老朝鮮緬甸吾前車壯哉吟文我同調
爲君友者唯林紓

題鐵路學校首君吟父亞醒草廬圖

易順鼎

欲出未出海中日欲沒未沒天邊月天上東方最易白人間東方白不易人間東方一草廬
其中有人呼欲出山光祇戀南陽青火德思扶後漢赤臥龍雖臥已先覺睡獅長睡可太息
四百兆人如此多誰肯臥薪誰枕戈他人鼾眠臥榻側志士老死空山阿所惜神明之肯裔
可惜大好之山河全無心肝陳叔寶絕好頭項隋阿廢滿耳鳧雁鷄鴨滿目魚鱉蛟鼃鼉
首侯感慨圖此意使我援筆爲短歌吾愛吾廬聊復爾亞細亞洲將奈何

題天橋消夏集 京漢鐵路風景之一

袁德宣

宣南城外天壇側。陂塘關作清涼國。消夏人來天外天。秋水長天原一色。水心亭窰綠陰中。
四面玲瓏來好風。歌席紛鋪樓上下。酒帘斜颺屋西東。登亭一望復何有。紅稻滿畦豆盈畝。
樹樹移栽晉苑花。枝枝合種隋堤柳。四圍更引玉泉潺。然一碧含空煙日暮。小娃乘小艇。
一篙撐破水中天。過橋風細日西下。公子賽跑如飛馬。鞭影碎搖金勒驕。鬢光斜映銀河瀉。
對座清談萬綠香。綠香茶社荔衫浸透一身涼。荷花解語人如醉。把盞傾壺引興長。中央公園信。
幽靜城南遊藝多。佳境何如此地半。鄉村野蘊送香花。弄影高君拓地費。經營董率羣工不。
日成林子淵博。耽風雅。搜取珠璣耀玉京。瀟鳴歇後寒山續。刻翠霏紅聲激玉春。明自古多。
騷人麗句清詞儘。可讀楚江閩海兩悠悠。日下相逢作勝遊。試上岷崙山上望。東南一脈共。
源流。我性好遊復好記。三海溟濛溯尋徧。園遊雜紀次第編。菁英覽盡京華地。江亭西去小。
湯山太液環連社。稷壇更有大觀遺。址在相傳什刹海即大觀園遺址隨風珠玉綴斑斑。天橋別自饒清。
迥城市山林味。兼永願借江郎筆一枝。繪出蓮池千萬景。

題交通部林君德明三十肖相

蔡傳奎

林君三十初度日。攝影召試西人術。蒼茫獨立小園亭。神采翩翩顯纖悉。謂我知君持示我。

索我題詞操不律我不能詩君不知無已芟華寫其實溯君少負弧矢志讀書滬上閱年七
旁斜重譯蟹行書磋切光磨囊簡黍眼高如頂四環顧東渡扶桑看日出萬頃櫻花不足奇
平片假名窮窟詰研求實業富專門漫詡空言談法律歸來當道爭羅致共和建朔逢元吉
郵傳從事共晨昏服君才思縝以密時君中壺虛無人我爲蹇修友琴瑟經年喜弄寧馨兒
閨中樂事甘如蜜無何重慈駕仙馭椿庭相繼悲銜恤往返南征復北征閨人倏忽膺奇疾
禱神弗應醫無靈畢羅驚散鴛鴦匹母死子稚母心懸又索嬌兒歸繞膝時君意態殊慘愁
搔首問天憤且叱知君如我感君遇相對汎瀾淚泉溢中年哀樂最傷人萬事達觀百憂畢
韶光荏苒年復年覩君神貌仍超逸展圖再四索枯腸愧無五色生花筆還有一言慰君意
古人三十壯有室

鍊人社長生日即席賦贈 八年九月

戚震瀛

酈泉壽菊君家有歲種菊英爲釀酒去歲花開飛羽觴客浮一白君一斗今年菊宴預重陽
五百昌期名世壽名流謫降來瑤京舉世文星齊頰首朝餐菊露玉爲糧夕佩菊囊紫作綬
大千秋色斂繁華惟有松菊結靈藪角欄未荒陶徑三齒籙適符香山九萃苓鹿鳴宴賓友
聚賓嘷嘷戰以拇東方滑稽善詼諧西母冰桃兼雪藕逍遙孰似桑苧翁風流惟憶漫浪叟

眼中歷劫等轉輪。著作名山傳不朽。笑語翩跹鸞鶴羣。自媿塵瑤牛馬走。座上衣冠半耆英。
履道坊前一攜手。簪花不盈頭。銜杯聊適口。折枝挿入膽瓶來。鑒古獨秘淮父瀛籍。黃花
晚節傲秋霜。金英延齡恣攜取。酒酣耳熱歌嗚嗚。一彈秦箏甫趙缶。人生得意須盡歡。華月
金樽休孤負。日遊碧水訪丹山。何論白雲與蒼狗。持螯賞菊賦登高。老去精神更抖擻。

京綏鐵路局右偏薄有亭臺花木之勝相傳爲陳四舊居雨餘吟眺賦此懷古

葉祖鼎

亭臺花木占春城。連朝宿雨喜新晴。樹密濃翠濕欲滴。晝靜時聞幽鳥聲。想見舊主顏如玉。
粧成聞步香徑曲。院落難尋屐印痕。庭樹依舊濃陰綠。疊石成山幽徑通。迴廊曲折形不同。
雕闌畫檻相輝映。傍植疎花淺淡紅。當年雲窗霧閣裏。美人香澤脂粉膩。艷說豪華吳將軍。
風流軼事傳明季。闢地數畝興土木。華屋特爲藏嬌築。藏嬌別墅極麗都。樓閣參差入畫圖。
金碧輝皇正相望。風景於今似舊無。園亭易主幾變遷。花落花開年復年。花解含笑石不語。
眼前風景仍清妍。吟眺感慨觸處生。紅顏黃土餘艷名。浮生碌碌皆如寄。詩人懷古空復情。

交通叢報廣告

本社現移東城豫王府夾道內李靖胡同七號樓房

一本報自共和紀念創辦以來承交通各界備極歡迎近更搜羅宏富抉擇精嚴以期藉答愛讀本報諸君雅誼

一本報每月出版一次內分圖畫法令說林論壇要紀史薈雜俎實錄公牘規章文苑近聞譯藪餘綴或僉載共十四門凡在交通範圍以內者應有盡有

一本報每期必以最新之學說最確之議論最近之事實以餉閱者且以最雅之詠語引人興趣凡無關政要或無確實根據者概不列入

一本報採取極博凡屬交通及其他有關係各報章雜誌有可採取者必搜括無遺有此一冊則各報之菁華靡不畢萃

一本報自一期起至近期止卷帙不免浩繁茲為讀者便利起見自一期至四十期彙刊交通類編一冊自四十一期至六十期又刊交通文藝集交通大事記各一冊以便檢閱

一本報所刊交通類編交通文藝集皆已出版惟交通大事記尚在印刷中此外尚有交通史略交通纂要路政管見郵儲概論航空紀要電業叢談等皆在內交通名人傳等籍皆已編就擬次第出版

一本報全年定價三元零售三角茲為歡迎交通各界起見除定全年已經特別減價外凡零售每本八折各書價目亦一律八折出售北京上海各大書坊皆可購買

一本報與有價值各報皆已交換每一出版凡交通界與非交通界莫不爭覩為快所有各項廣告登載已滿如欲送登廣告者請於每期出版先送到以便照刊

交通類編廣告

一是編因交通叢報自創辦以來承交通各界明公鉅子備極提倡歡迎既多銷路自廣前值五週年紀念特輯五年成績彙成三帙以餉閱者

一是編分說林選蒼公牘規章叢錄雜俎別錄近紀九類每類又分總則路政郵政航政電政五門其不便分門者則以先後別之俾解眉目

一是編仿鐵路協會會報辦法選交通叢報四十餘期菁華刊成精本凡無關政要或雜見他書者概已從刪故是書實為希世鴻寶

一是編雖僅彙三帙而凡關於交通學術政策歷史法制等類應有盡有從事交通界者有此一編可為參考淵藪

一是編分為九類類又分門門數繁者再分子目如路政門之工務機務車務會計教育警務商業農林等雖未標明細目而循序編訂閱者自能一目瞭然

一是編凡交通當道各鉅公肖像皆印登簡端從事交通界或與交通有關係者有此一編不啻如親晤對

一是編所關者雖屬交通方面而於政軍商學有連帶關係者無不並採兼收故是編即在交通界者亦宜各置一冊

一是編刷印極為精良紙張尤屬潔白且名人題詠甚多最足引閱者悅目而篇幅亦不甚大舟車攜帶均甚妥便

一是編定價大洋三元今為歡迎交通各界起見特減為八折北京上海各大書坊均可就購直接向本社購者除將價洋惠寄外國內加郵費八分國外加郵費一角三

一是編自交通叢報第一期起至四十二期止分甲集上中下三本以後當按號分類再編藉作交通年報以俾閱者繼續參考

中華民國九年五月出版



中華民國九年五月發行

發行所

印刷所

定價大洋
紙裝壹元
布裝壹元三角

豫王府西夾道
交通叢報社
李靖胡同七號

北京彰儀門大街
法輪印刷局
電話南局三三四

